



3. 5. 276.

3

VII  
GRIM.

1721

Collegij Miamensis  
loc. Tem.



# FRANCISCI GRIMALDI

SOCIETATIS JESU.

*D E*

## VITA URBANA *LIBRI QVINQUE.*



ROMÆ, Typis Antonii de Rubeis in Via  
è foro Rotundæ ad Seminar. Romanum,  
Anno Jubilæi MDCCXXV.

---

*SUPERIORUM PERMISSU.*

FRANK  
GRIFFIN

07/01/17 10:25 AM 2017-01-01 10:25 AM

[illegible]

The first of these is the fact that the  
 system is not a simple one. It is a  
 complex one, and it is not a simple  
 one. It is a complex one, and it is not  
 a simple one. It is a complex one, and  
 it is not a simple one. It is a complex  
 one, and it is not a simple one. It is a  
 complex one, and it is not a simple one.

101 2 5

ILLUSTRISSIMO DOMINO  
**FRANCISCO**  
**GRIMALDI**

Ex Marchionib. Petræ, S. Angeli, S. Felicis &c.

FRANCISCUS GRIMALDI SOC. JESU S. D.

**Q**Uod diu mecum optaveram, ut mea  
scilicet in te observantia pignus ali-  
quod à me proficisceretur, stabile illud  
quidem ac diuturnum, non fluxum ac caducum,  
quo testatam omnibus vellem meam summam er-  
ga te benevolentiam cum pari virtutum tuarum  
commemoratione conjunctam, non tam id casus  
effecit, ut aliquando præstare possem, quam  
mea me voluntas, ratio, ac consilium, ut id

tandem facerem, impulerunt. Dispersæ jace-  
bant (quod Tu non ignoras) ac meis in Adver-  
sariis nullo delectu conditæ quædam de Urbanâ  
Vitâ Lucubrationculæ meæ, quas ut subito  
impetu effusas probare forsitan velles, ad sub-  
tilioris tamen acumen judicii revocatas, erat  
quod multis partibus improbares; certè ejus-  
modi, ut, si unum in locum redigerentur, mo-  
dici libelli magnitudinem adæquarent. Quum-  
que permulti non deessent, qui, ut illas publi-  
ci juris facerem, partim benevolentiam; quâ in  
me erant; singulari, partim càm, quâ apud me  
plurimum possent, auctoritate contenderent;  
atque in eam rem quotidie faces ac stimulos ad-  
moverent; contra tamen iis obstabam ac repu-  
gnabam unus, quod dicerem, eas humili stylo con-  
textas oblivioni potius mandandas, quàm in  
luce Hominum collocandas esse; præsertim cum  
nec teretes hujus sæculi aures implere possent;  
Et apud certos homines, qui hac ætate Princi-  
patum sibi quendam Literarum asserunt (quo  
jure Deus scit) durissimum illis judicium esset  
subeundum. Illi vero urgere, indignum cla-  
mantes, perire opus, sin minùs, ut ego vellem,  
excultum, ac perpolitum, frugiferum tamen  
atque atile; Et quo, si locupletiores latinæ Mu-  
sæ cernerentur, suo in instituto, a quo jam-  
pri-



pridem desciverant, permanere viderentur;  
 non inanes modò flosculos colligendi, sed saluti-  
 feras herbas, & plurimis hominum morbis me-  
 dendis profuturas; non extimam rerum umbram  
 captandi, sed ipsum in nucleum altius penetran-  
 di; non inutilia denique consecrandi argumen-  
 ta, sed solida; quæque singularem haberent  
 admixtam cum jucunditate salubritatem. Ad-  
 debant illud postremò, quo plurimum permove-  
 bar, Rusticitatem morum, cui ego essem insen-  
 sissimus, quamque meis in libellis ad ludibrium  
 usque traductam viderent, hoc veluti aggere  
 detractò, erupturam impuniùs, atque ad per-  
 niciem Juventutis, cui maxime consultum vel-  
 lem, grassaturam; Urbanitatem verò, quam  
 cum in me, tum in aliis plurimum adama-  
 rem, iis carituram præsidis, quæ si adessent,  
 quamvis illa suâ se satis luce commendaret, ali-  
 quantò tamen plus illi per me stabilitatis ac fir-  
 mitatis accederet: itaque unâ eâdemque operâ  
 & Inimicorum causam sublevatam esse dicebant,  
 & Amicorum proditam atque desertam: quod  
 turpissimum esset prævaricationis genus. Quæ  
 a me non cò nunc dicuntur, quò vel affectata  
 cujusdam modestiæ laudem in vulgus aucupari  
 studeam, vel eorum consuetudinem imitari, qui,  
 cum nihil æquè, ac quod noctu pepererunt, sum-

mo diluculo faras efferre, ac per manus Homi-  
num tradere, ardentem ipsi velint, atque avi-  
dè concupiscant, Amicorum precibus, quibus re-  
cusandi religio ipsis esset, ad id faciendum ad-  
ductos se esse dicant: a quo ego absum quàm lon-  
gissimè: & certè nunc non dicerem, nisi & res  
ita esset, & plurimorum eruditissimorum Ho-  
minum, quorum consuetudine valde utor, in-  
cognitione atque ore versata; quos quidem ni-  
hil est, cur impudentiæ meæ Testes certissimos  
esse malim, quàm veritatis. Quid plura? Eo  
loci res erat, ut de hujus libelli editione ali-  
quando adornandâ, nemo non diffideret. Cum,  
ecce tibi, tuæ me amantissimæ literæ, eæque  
non unæ, sed plures, quibus, quum pro tuo  
jure vel recusantem cogere posses, Auctor tamen  
mibi eras, ac tantum non beneficii loco petebas,  
ut qualescumque hos industriæ meæ fructus diu-  
tiùs nè premerem, sic cunctantem ac diffidentem  
excitarunt, ut in alium planè hominem Circæo  
tanquam poculo afflatum, me derepente muta-  
tum conversumque esse sentirem. Sic enim me-  
cum ratiocinabar ipse, si, quod aliis id a me  
petentibus denegarim, huic uni concessero, iis  
præsertim, quas ante dixi, rationibus spre-  
tis atque contemptis, erit, credo, ut quanti il-  
lum faciam, quàm sim in eum observantiâ, quæ

mea

inea in illum benevolentia, quæ vicissim sua in  
me sit auctoritas, specimen sit capturus certis-  
simum, quum in eâ re me vicerò, quæ non le-  
vis momenti sit, sed ad Ingenii, id est, præ-  
stantioris Hominis partis existimationem perti-  
neat; quam & si privatis de me judiciis hæte-  
nus tueri nescio quo casu contigit mihi, non ita  
facile sustinere possem publicis; apud quæ si se-  
mel offendas, nullum supersit perfugium aliud,  
in quod te recipias, nullum Tribunal aliud sit  
relictum, ad quod jure possis provocare. Itaque,  
ut in fabulis est, Eriphilem aureo monili ca-  
ptam, Amphiaræum conjugem ad id bellum per-  
traxisse, quod is improspere sibi casurum pro-  
pter divinandi scientiam multò ante præscisce-  
ret, sic vereor, ne tui ego favoris aurâ pluscu-  
lum fortasse provectus, quàm deberem, suavis-  
simæque gratiæ tuæ aureis tanquam vinculis  
delinitus eam cum omni Posteritate dimicatio-  
nem susceperim, in quâ mihi de meis hisce in-  
genii monumentis, vigiliis, laboribus miserè  
sit periclitandum. Sed isthæc missa tandem fa-  
ciamus, ne aut plus justo longior sim, aut de  
me ipso prudens malè ominari velle videar. Se-  
quitur illud alterum, quod nonnullos in ipso  
evulgandorum libellorum suorum limine solet  
habere suspensos, atque sollicitos, cui potissimum

vigilias suas inscribant, ac cuius sese in fidem recipiant, ac patrocinium. In quo mihi rem herere neutiquam sensi. Quum enim non tam exquisitam generis amplitudinem, bene partas ac fundatas opes, splendoras affinitates, summos Rerumpublicarum Magistratus, Præfecturas, Imperia, purpureas togas, jus ac ditionem in oppida, mihi spectanda proponerem; quæ quidem ornamenta tum Virtutis tum Fortunæ in Te, Majoresque tuos plenâ manu congesta nemo non videt; quàm id præcipue spectarem unum, ut ejus potissimum in nomine is liber appareret, cui, propter earum, quæ hîc pertrahantur, virtutum similitudinem maximè conveniret, Tu occurrebas unus ex omnibus, cui & propter benevolentiam illum vellem offerre, & propter tuorum decorum cum iis, de quibus hîc agitur, summam quamdam cognationem affinitatemque deberem. Morum enim amabilitas ac candor tuorum, suavitas colloquii, convictusque tui omni gratiarum sale condita; gravis illa tua, atque in hoc Adolescentiæ flore sibi ex omni parte constans in omnibus dictis factisque moderatio, quâ sit; ut neque Te totum ita prodas, ut tuarum virtutum splendore alios perstrictos de-  
lis, neque ita Te callidè occultes, ut plus justo quæ sitæ modestiæ in crimen incurras; comitas

Ti-

Tibi perpetua ac singularis, eaque ut in assentationem minimè projecta, sic ab omni Rusticitatis suspicione disjuncta, ac dirempta; Vita denique tuæ ratio omni officiorum mediocritate temperata; Ea sunt ejusmodi, ut hæc non ad alios informandos hinc a me congesta, sed a te expressa, ut iteram Tui meis in libellis absolutissimum exemplar proponeretur, commodataque esse videantur. Quod si hæc tam præclara ac divina bona cum Nobilitate venire, ac cum sanguine hauriri universa intelligerem; næ tu felicior fortasse, quàm laude dignior viderere. Sed contra reputans, quum animadvertere aliquando liceat, homines summo licet loco natos ita vivere, ut perpetuam ex oculis arrogantiam spirent, in omni gestu motuque corporis contumaciam quamdam, jactationemque circumferant; quosque si intus excusseris præter eam, quam ipsi non fecerunt, ut cum Cicerone loquar, Appietatem ac Lentulitatem, nihil in iis invenias aliud, quàm totidem Turpilos ac Labeones; statuo sic, Nobilitatem atque amplitudinem generis ejusmodi esse, ut nisi debitam illam quidem, & expectatam ab omnibus asserat vitæ morumque gravitatem, nemo connivendum putet; atque eos, qui secus fecerint, non tanquam polluta rei omnium pulcherrimæ continu-

reos

reos arguat; idemque sic affirmo, multum illam  
ad bene ornateque vivendum conferre, vel pro-  
pter eam, quæ a summis Viris trahat, san-  
guinis communionem, vel propter institutionem,  
disciplinamque puerilem, quam apud suos me-  
liorem perfectioremque habere potuit; sed nisi  
ad hæc Fortunæ bona usus, rerum omnium ar-  
tífex ac præclarissimus effector accesserit, cre-  
braque, tanquam fertilis terræ, sic morum  
cultura diligens, ac conformatio; eam nihil  
valere, ac, quemadmodum unguenta optima  
negligentiùs asservata si sint, degenerant, ac  
corrumpuntur, sic illam ornamentorum suorum  
luce destitutam, magnam partem deteri, atque  
obsolescere. Quæ a me in eam partem dicta ve-  
lim accipias, ut, quum plenos dignitatis, ple-  
nos castimonie, plenos suavitatis mores tuos  
optimos ac præstantissimos in mentem revocave-  
ris, non tam Nobilitati tuæ, quæ in Te exi-  
mia est, atque excellens, non tam educationi,  
quæ Tibi a puero planè contigit liberalis, quàm  
virtutibus tuis, a quibus id habes munus multo  
luculentissimum, gratulere. Accipe tu igitur  
cum Librum, qui multis Tibi nominibus debi-  
tus est, ac propterea tuum: tuum, voluntate  
ejus, qui illum scripsit; quoddam in Te obser-  
vantie pignus continet certissimum, tuum;

tuum

taum denique imitatione earum virtutum, quarum hic specimen aliquod proponitur; in Te vero speciem ipsam intuemur, omnibus numeris expressam ac perpolitam. Quidquid vero utilitatis, quidquid frugis, si quidem in manus hominum ille pervenerit, legentibus olim sit allaturus, id omne Tibi acceptum ferant uni; fructumque illum esse noverint, immaturum licet ac præcoccem, sed fructum tamen, tuæ, quæ à me illum suavissimâ quadam vi expresseris, Auctoritatis. Nam, ut quæ humilia sunt ac jacentia erigere, quæ curta atque hiantia explere possim, ornem denique, contraham, dilatem, quæ iis remediis egere videbuntur, tempus abest id admonendi. Explicatis jam velis, instructo quoque remigio navigandum est mihi, Portusque relinquendus. Quod si e terrâ nunc primum solvenis, atque in turbulentissimam illud Literatorum Hominum salum ingredienti, tui favoris aura aspiraverit, si minùs illud directum ad gloriam iter tenere potuero, Hominum meis hisce vigiliis jure detrahentium exclusus judiciis atque rejectus; satis illud mihi superque sit, si, quod navigantibus sæpe accidit, ut a portu, quem petebant, vi tempestatis exclusi, in amœnam tamen aliquam Insulam aut Regionem deferantur; sic ego, si minùs,

nus, ut dicebam, prædicationem mihi ex hac  
re, famamque colligam aliquam, quam quidam  
susceptorum prius laborum fructum valde expe-  
tendum putant, atque incitamentum novorum,  
in tuæ saltem Humanitatis sinu, ac Benevolen-  
tiæ conquiescam.



# MICHAEL ANGELUS TAMBURINUS

*Præpositus Generalis Societatis Jesu.*

**C**UM Librum, cui titulus: De Vita Urbana Lib. V. à P. Francisco Grimaldi Societatis nostræ Sacerdote conscriptum, aliquot ejusdem Societatis Theologi recognoverint; & in lucem edi posse probaverint; facultatem facimus, ut Typis mandetur; si iis, ad quos pertinet ita videbitur: cujus rei gratia, has Literas manu nostra subscriptas, & sigillo nostro munitas dedimus. Romæ 4. Januarii 1724.

*Michael Angelus Tamburinus.*

*Im-*

*Imprimatur* ;  
Si videbitur Reverendissimo P. Mag. Sac. Pal.  
Apostolici ,

*N. Baccarius Episc. Bojanen. Vicefg.*

---

**L**ibros quinque de Vita Urbana, a clarif-  
simo Viro Francisco Grimaldi Soc. Jesu  
Elegiaco Carmine eleganter conscriptos,  
demandante Reverendissimo P. Fr. Grego-  
rio Selleri Sacri Palatii Apostolici Magi-  
stro, perlegi; & nihil, quod orthodoxæ  
Religioni, morumque disciplinæ adverfe-  
tur, offendi. Ideo egregium Opus, po-  
litoris Vitæ æque ac latinæ Poeseos Stu-  
diosis apprimè gratum, atque utile futu-  
rum, prælo excudendum censeo. Romæ  
sexto Idus Sextiles MDCCXXIV,

*Antonius Franciscus Felici ;*

Ju-

**J**ubente Reverendissimo Patre Gregorio Selleri Sacri Palatii Apostolici Magistro, legi Poeticum Opus de Vitâ Urbanâ Authore eximio Vate Francisco Grimaldi Soc. Jesu, illudque non tantum Fidei dogmatibus, morum integritati, & Principum obsequio consentaneum, verum etiam ad fovendam Religionem, mores instruendos, virosque principes meritis laudibus exornandos affabrè elaboratum reperi. Quapropter ut in lucem edi debeat Opus hoc præclarissimum censeo. *Omne siquidem tulit punctum Poeta hic noster qui miscuit utile dulci Lectorem delectando pariterque monendo.* Romæ ex Ædibus Mediceis tertio Kal. Septembris MDCCXXIV.

*Michael Joseph Morci.*

---

*Imprimatur.*

Fr. Gregorius Selleri Ord, Præd, Sacri Palat.  
Apost. Magister;

DE

*Imprimatur* ;  
Si videbitur Reverendissimo P. Mag. Sac. Pal.  
Apostolici ,

*N. Baccarius Episc. Bojanen. Vicefg.*

---

**L**ibros quinque de Vita Urbana , a clarif-  
simo Viro Francisko Grimaldi Soc. Jesu  
Elegiaco Carmine eleganter conscriptos ,  
demandante Reverendissimo P. Fr. Grego-  
rio Selleri Sacri Palatii Apostolici Magi-  
stro, perlegi ; & nihil , quod orthodoxæ  
Religioni , morumque disciplinæ adverfe-  
tur , offendi . Ideo egregium Opus , po-  
litoris Vitæ æque ac latinæ Poeseos Stu-  
diosis apprimè gratum , atque utile futu-  
rum , prælo excudendum censeo . Romæ  
sexto Idus Sextiles MDCCXXIV ,

*Antonius Franciscus Felici ;*

**J**ubente Reverendissimo Patre Gregorio Selleri Sacri Palatii Apostolici Magistro, legi Poeticum Opus de Vitâ Urbanâ Authore eximio Vate Francisco Grimaldi Soc. Jesu, illudque non tantum Fidei dogmatibus, morum integritati, & Principum obsequio consentaneum, verum etiam ad fovendam Religionem, mores instruendos, virosque principes meritis laudibus exornandos affabrè elaboratum reperi. Quapropter ut in lucem edi debeat Opus hoc præclarissimum censeo. *Omne siquidem tulit punctum* Poeta hic noster *qui miscuit utile dulci* *Letorem delectando pariterque monendo.* *est* Romæ ex Ædibus Mediceis tertio Kal. Septembris MDCCXXIV.


*Michael Joseph Morei.*

---

*Imprimatur.*

Fr. Gregorius Selleri Ord, Præd. Sacri Palat.  
Apost. Magister;

DE



## DE VITA URBANA

## LIBER PRIMUS.

**S**I quis erit leges Urbanæ discere Vitæ  
 Qui velit, ut mores exuat arte feros;  
 Quos mihi dictavit gracilis modo Musa libellos,  
 Perlegat, & lecto carmine cultus erit.  
 Per me Rusticitas procul urbibus exul abibit;  
 Stabit & in toto candidus orbe pudor.  
 Dicam ego; quo Procerum celebranda palatia cultu,  
 Sectus & officiis totus ut annus eat.  
 Quo sint fonte sales, risusque, jocique petendi,  
 Quique lepor deceat mutua verba, canam.  
 Vestibus ornatus, cultusque accedet honestis;  
 Corporis & gestus quilibet aptus erit.  
 Per me læta suos relegent convivium ritus;  
 Et numeris discas fervere, Bacche, meis.  
 Vos modò jam Pindo tandem huc properate Camœnæ:  
 Dumque licet, mediâ figite in urbe lares.  
 Rura sequi semper, montanaque culmina vultis?  
 Sic odio vobis civica turba sumus?  
 Forsitan infulsi quòd quiddam ruris oletis,  
 Hinc non nemo colit numina vestra minùs.  
 Atque aliquis; montes quid rustica turba, Puellæ,  
 Incolitis? labor est tam procul ire mihi.  
 Visite vos urbes, fastidia vincite vulgi:  
 Nec pigeat nostras ire, redire domos.  
 Roma favet vobis; tanto sub Principe cives  
 Esse, sub hoc Urbis præmia ferre licet.

A

Er-

Ergo , cæsariem discrimine fingite iusto :

Perque levem serpant pallia longa togam :

Sit decor in gestu ; certo vestigia passu

Figite ; molle fluant brachia , molle manus .

Ite salutatum , deducite , publica vitæ

Munera per certas , ite , agitate vices .

Jungite sermones , convivia inite frequenter ,

Sed gratls ; Vates indiga turba fumus .

Spernite Thespiades , Parnassicolæque vocari ,

Ducere quæis majus nomen ab Urbe licet .

Urbanum mihi crescit opus ; sale spargite versus

Urbano ; vates dicar & Urbis ego .

Urbanum mens volvit opus ; mihi pandite mores

Urbis , & urbanum nomen habete Deæ .

Fallimur , an doctæ Pindo venere Puellæ ?

Quis prior at fessas sistet in urbe Deas ?

Excipe tu timidas pariter cum vate Camœnas

O Casa , Thyrræni fama , decusque soli .

Tu dux esto viæ , tu lampada præfer eunti ,

Dexter & inceptis grandibus affer opem .

Non temere eligeris ; dubitanti nuper , Apollo

Est Casa , quem , vates , jure sequaris , ait .

Hoc duce Saturni grave virus , & horrida cessit

Barbaries , nostris penè superstes avis .

Hoc duce depulsâ feritatis imagine , primùm

Urbanos didicit Civica vita modos .

Testis qui toto legitur Galateus in orbe ,

Mole brevis , curâ grande libellus opus .

Vix ea , cum totâ numen mihi mente receptum ;

Celatoque artus incaluere Deo .

Ordior : Urbanis assurgite legibus omnes ,

Quotquot in urbe viri , quotquot in urbe senes .

Præ-



Præcipuè, Juvenes, linguisque animisque favete:

Hoc suus, hoc vobis dedicat Author opus.

Quisquis es Urbis amans faciles ante omnia mores,  
Ut tibi sint studeas, difficilefque fuge.

Aspice, difficilis ceu sentibus horrida tellus

Sit semper, facilis gramina sponte ferat.

Est sua feminibus, sua vis est infita campis,

Terraque ab ingenio quælibet apta suo est.

Non minus & vitæ socialis ab indole pendet

Cultus; in hac morum semina prima latent.

Cernis, ut huic quondam, primo cum lacte bibendos

Clam dederit tristes mater avara satus?

Quidquid agit, truculenter agit; frons horrida, torvus

Intuitus, gestus tristis, & arte carens.

Rideat; insulsum, quiddamque inamabile ridet:

Fac canat, obsceno gutture flere putes.

Mite alii ingenium sua sidera sponte dederunt:

Adstitit & puero plena favore Venus.

Quidquid agit, bene semper agit; frons vivida, blandus

Intuitus, gestus comis, & arte decens.

Rideat; hoc risu Charites ridere deceret:

Fac canat, hanc vocem vellet Apollo sibi.

Felix qui tantum fortitur ab indole munus!

Doctus hic in nostrâ nascitur arte satis.

Hæc præstanda tamen, si numina fortè negarunt:

Si data; vix laudem quòd mereatur habet.

Te ne ego vis mirer, cui nil prohibentibus undis,

Ipse ratem in portum ventus, & aura ferunt?

Non nisi per scopulos, vitataque saxa, carinæ

Servatæ pretium grande magister habet.

Gratior est multò, foliisque tumescit opimis

Laurea, quæ multo sanguine sparsa viret.

Quò magis, Urbani, naturæ incommoda vestræ  
Vincite, si vobis hæc minùs æqua fuit.  
Ite hominem contra, tetrumque exurite virus.  
Non laus ex humili tanta petenda loco est.  
Non ego de Medicis sum tristibus, omina semper  
Tristia qui faciam, tetraque verba loquar.  
Nempe aliquis moritur; vis morbi sustulit illum:  
Si valet, à medici protinus arte valet.  
Me duce, quisque suo caveat succumbere morbo,  
Quamlibet in vobis federit ille diu.  
Arte feris campos, fata semina colligis arte;  
Arte regis currus, dirigis arte rates;  
Cum res quæque suâ tenuissima constet ab arte,  
Ars sua non homini, quâ bene vivat, erit?  
Hanc ego profiteor, gressus removete, profani:  
Ars mea, quanti hominum publica vita, valet.  
Amovet hæc sensim mala germina mentis iniquæ,  
Utque minùs fruticent, luxurientque, facit.  
Promovet hæc sensim bona semina mentis honestæ,  
Utque magis vireant, invaleantque, facit.  
Privatim quicunque cupit sibi ducere vitam,  
Fallitur; & generis nescius ipse sui est.  
Debita pars Patriæ, patribus pars altera nostri  
Debita; quæ superest tertia, sola tua est.  
Hanc quoque congressus, urbanaque munera partem  
Elimant; superest quàm tibi penè nihil!  
Nam cave, cum mediis versabere cœtibus urbis,  
Tu tibi sis vitæ forma, modusque tuæ.  
Non tibi fac liceat, quidquid libet; unica tanquam,  
Missaque de cœlo publica norma fores.  
Ite procul fasces, regalia sceptrâ facestant,  
Quidquid & imperium, jus & herile sapit.

Ite

Ite procul Crassi, Mæcenatesque supini :  
Tolle mihi vultus, Æmiliane, tuos.  
Odimus Urbani quidquid supereminet; æquo  
Non nisi cum paribus vivere jure decet.  
Quam bene, frondoso tumefacta papavera collo  
Quæ superant, curvâ Villica falce premit.  
Quam bene, quos nimium videt exultare corymbos,  
Providus attentâ Vinitor arte secat.  
Aspice, Tarquinium furiis ut concita sævis,  
Plebs duce sub Bruto pellat ab urbe procul?  
Quis furor hic tantus? deponite tela, Quirites,  
Culpa minor pœnâ; ponite tela manu.  
Sanguine patricio tepefecerit iste secures,  
Presserit indigno Romula colla iugo;  
Rex tamen est vester: satis hoc mihi sufficit unum.  
Regia Majestas numinis instar habet.  
Dum loquor, unanimis ferit aurea sidera clamor;  
Totaque conclamat Roma, Superbe, procul.  
Roma diu Regem potuit non ferre superbum:  
Privati fastum qui ferat, ullus erit?  
Et decet, & dulce est alienis casibus uti:  
Qui sapit alterius sumptibus, ille sapit.  
Dum licet, ingenii ne prodite signa superbi:  
Hoc vos Tarquinii pœna vetusta docet.  
Deme tubam verbis, truculentaque forma faceffat:  
Neve quis emineat spiritus ore, cave.  
Gens homines morosa sumus: fastidia nobis  
Quæ bona, quæ mala sunt, neutraque sæpe movent.  
Neutra quidem res est, & corporis extima gestus:  
Et sua vel neuter crimina gestus habet.  
Cum quis fortè nihil reliquis conspectior, altum  
Spirat, & undantem laxat utrinque togam,

Sæpe suo versat rutilantem pollice gemmam,  
Ut feriat visus arte rotata tuos,  
Aut nimis elatus, buccisque tumentibus ibit;  
Protinus hæc animi signa tumentis erunt.  
Hæc cave, ne caveare; via est quoque prona cavendi,  
Si modò non pigeat dogmata nostra sequi.  
Est modus in promptu; vos Delphica templa subite:  
Hoc erit, hoc vobis causa salutis iter.  
Ante fores signis hic pendula grandibus extat,  
Quæ, bene se noscat, littera, quemque monet.  
Legerit hanc aliquis de se nimis ampla locutus;  
Nec mora; jamque fui redditus osor erit.  
Legerit hanc aliquis, sibi qui nimis ante placebat;  
Protinus incipiet displicuisse sibi.  
Sumite, quæ noster bona pharmaca dicat Apollo:  
Sed priùs hæc nostrâ sumite mista manu.  
Quod petis, intus adest; noli discedere longè;  
Quid fugis extra te? quod petis, intus adest.  
Qui se fretus avis, atavisque potentibus effert,  
Cogitet, ingenii quàm sibi curta penus.  
Consule divitias, oleant num fœnora, Dives,  
Decolor & multo sanguine census eat?  
Quid mihi, fortunæ qui munere cassus utroque es,  
Docte vir, aut vates ingeniose tumes?  
Donec avis pietas spectat Junonia pennas,  
Quàm sibi de pennâ verficolor placet!  
Fac tantùm luteosque pedes, & crura supernè  
Horrida respiciat; displicet ipsa sibi.  
Sunt quoque, quæ doceam, vitæ bene multa regendæ  
Apta; sed è multis dogmata pauca legam.  
Legifer ecce Solon finem spectare supremum  
Te jubet; ad finem dirige cuncta suum.

Plu-

Plures esse malos , caveas quo semper ab illis ,  
Incensâ profugus clamat ab urbe Bias .  
In quibus est illud , Noli spondere , Thaletis :  
Rerum nempe anceps exitus esse solet .  
Quid facis , ah demens , Periandri est norma , latentes  
Quam malè supposito discutis ense faces !  
Omnibus in rebus , nequid nimis ; adjice dictis  
Hoc quoque , quod docto Pittacus ore monet .  
Quid tamen hæc multis ? inopes accedere rivos  
Stultum est , cùm pateant magna fluentia tibi .  
Consule quæ sparsum formandis moribus apta ,  
Numinis afflatu pagina scripta docet .  
Non ego sum , pelago qui nunc dare vela patenti ,  
Oceanumque brevi scandere puppe velim .  
Quid tamen omnigenis pleno de floribus horto ,  
Ut mihi texatur parva corona , vetat ?  
Nil placet insulsum : salis expers nulla placebat  
Terrarum Domino victima vota Deo .  
Hinc memor urbanum circumfer ubique salillum :  
Quidquid agis , modico singula tange sale .  
Grata suis vicibus terra est ; nunc horrida brumæ  
Tempora , nunc placidi tempora veris eunt :  
Grata suis vicibus vita est ; sua tempora risus ,  
Et sua queis doleas tempora luctus habet .  
Tempora sunt fandi , sunt tempora certa tacendi :  
Elige judiciis illa , vel illa tuis .  
Concentum cave perturbes ; Symphonia concors  
Est ubi , non aliis dissonus esse velis .  
Sed prius hæc animo tecum versare memento :  
Tempore qui certo proferat , usus erit .  
Multa fenes videre , fenum tu collige dicta :  
Ætas multa adimit commoda , multa parit .

Credite & expertis ; rerum experientia doctrix :

Quidquid habes , gremio protulit illa suo .

Ars sua cuique patet ; quæ vulnera dirigat arcu

Scit bene , qui duras aptat ad arma manus .

Quid pelagus peccet , quid venti , navita narrat ,

Cui longum in mediis acta phaselus aquis .

Tu quoque qui dubiæ jactaris fluctibus urbis ,

Fac hominum mores edoceare prius .

Orbe pererrato solers perhibetur Ulysses ,

His puerum dictis instituisse suum .

Scilicet urbanis tibi commoda cœtibus ætas

Imminet ; urbanè vivere disce Puer .

Antè tamen varios hominum cognoscere mores

Cura sit : hinc vitæ norma petenda tuæ .

Nil nisi de ludis puerilis cogitat ætas :

Non patet exiguis area major equis .

Spe tumidus Juvenis sua vota extendit in ævum ,

Prodigus & patrii dissipat assis opes .

Vir tamen in magnos cupidè grassatur honores ;

Hoc studet , ut natis consulat usque suis .

Morosi plerumque senes ; obnoxia morbis

Nempe ætas querulos , difficilesque facit .

Hactenus ætatum mores ; quid moribus addat

Conditio , paucis , Nate , docendus ades .

Nobilitas parto majorum indulget honori ,

Cunctaque patriciis debita credit avis .

Vilibus irasci solita est , obliquaque spectat

Emersos populo , quos videt esse recens .

Dives at excepto quid non fastidiat auro ?

Hos animos illi plena crumena facit .

Plus tamen elatâ tumidus cervice superbit ,

Evolat ad subitas , qui modò pauper , opes .

Ma-

Magna dabit faciles plerunque Potentia mores :  
Sic Majestatis temperat illa jubar .  
Hoc studet ut partæ patrimonia splendida famæ  
Augeat , & titulis incubat usque novis .  
Proderit herbarum sed quid cognoscere succos ,  
Hos nisi Pæoniâ diluat arte manus ?  
Artibus his crevi ; nomenque Ithacensis Ulyssis  
Non leve Græcorum nuper in ore fuit .  
Patroclus assumptis puer exultabat in armis ;  
Vix ætas illi , quàm tua , major erat .  
Mene putas puero cœlestia signa locutum ,  
Solis & arcanas explicuisse vias ?  
Non nisi nobilium studio gaudebat equorum :  
Et mihi de solis sermo petitus equis .  
Thracane quos ferret , vel quos daret ora Lycet ,  
Præstarent , grandis quæstio semper erat .  
Sic pueri mihi partus amor , sic victus Achilles  
Aëtoridem doluit non satis esse suum .  
Nestor erat contra , tumidum cui pectus Achæis  
Artibus , & sermo semper in ore gravis .  
Unde tuerentur populorum commoda reges ,  
Hæc erat alternis vocibus apta seges .  
Hac vice sermonum Nestor mihi captus ; ab illo  
Qui saperet , nemo dictus Ulyssæ magis .  
Bella , minas , cædes semper spirabat Achilles ;  
Lene quid huic velles pacificumque loqui ?  
Bella , minas semper , cædesque tubasque loquebar :  
Sic mihi Pelidæ conciliatus amor .  
Me miseret , Menelæ , tui ; non rustica conjux ,  
Rapta Ducis Phrygii cui modò classe fuit .  
Non impunè feret tamen ; hospitiiq; lavabit  
Semivir effuso sanguine jura tui .

Red-

Redditus hinc nostri subito Menelaus amator :  
Nempè quod hæc illi commoda verba darem .  
Quid tibi fœmineos referam nunc ordine mores ?  
Lubricus hic locus est , expediamque brevi .  
Aut amat , aut odit ; sed dum tamen odit , amatque ,  
In re nullum adhibet fœmina utrâque modum .  
Quis , nisi mentis inops , dum se nimis applicat igni ,  
De face vicinâ concaluisse dolet ?  
Nescit amor leges ; moderari quisquis amorem  
Posse cupit , sanus desipuiffe cupit .  
Artibus his quondam puerum informabat Ulysses ,  
In patriam , è viso non semel orbe , redux .  
Et tibi profuerit varios cognoscere mores ,  
Urbano quisquis vivere more cupis .  
Scilicet ista suis capitur sermonibus ætas ,  
Altera vult alio more , modoque coli .  
Læta probant Juvenes ; subtristibus ægra senectus  
Pascitur ; oblectant seria verba viros .  
Se metui Dives ; cultum sibi Nobilis optat ;  
Illis qui medius , poscit utrunque Potens .  
Hoc quoque tolle memor , quâ quisque sit indole fretus ,  
Quove fatus cœli fidere nosse decet .  
Asper ab ingenio , vel qui malè pronus in iram ,  
Molliter hunc adeas ; nec fere verba frequens .  
Tristis erit quisquam ? Saturnum decoquat antè ,  
Tempore mox apto congregiare licet .  
Monticolæ duri ; pariet plerunque superbos ,  
Pabula queis facilis sponte ministrat humus .  
Urbs alluta mari , portu celebrata frequenti ,  
Versutos , lucro sollicitante , parit .  
Lætitiæ Gallus , gravitatis amator Iberus ;  
Cum candore fides Teutonas una capit .

Mo-



Moribus excultis generosa Liguria gaudet ;  
Delectant Venetos verba diserta Patres .  
Infubres sine fraude ; rigat quos Arnus , Etrusci ,  
Gens est officiis dedita . Nota cano .  
Romanus pietate potens ; Sebetus alumnos  
Quos fovet , ad laudem quis neget esse satos ?  
Hæc dixisse juvat generatim ; corrige quidquid  
Discrepat , & dictis concipe plura meis .  
Hactenus ante fores urbanæ sedimus artis :  
Nunc lustranda domus interiora sacræ .  
Ordiam unde tamen , vel quo prius ordine solvam ?  
Materies cœptis densa moratur iter .  
Namque ego , quid , verax ut sis , te pluribus horter ?  
Hæc erit urbani tessera prima Viri .  
In magnis servare fidem , non gloria magna est :  
In minimis nunquam fallere , rarus honos .  
Non tamen , ut quidquid siberit sibi pectore veri ,  
In medium quisquam proferat , author ego .  
Multa quidem tacuisse decet , nonnulla necesse est :  
Tempore dissimules si quoque multa , juvat .  
Non est simplicitas annis aptissima nostris ,  
Dexteritate magis qui valet , ille valet .  
Quisque sibi timeat , casus relegatque priores :  
Est mea privato musa dolore loquax .  
Credideram nonnulla tibi deceptus amici  
Nomine ; qui fueris , pagina nostra filet .  
Quem non deciperet blandæ pellacia frontis ,  
Quique tibi fuerat risus in ore frequens ?  
Quem non deciperet venerabile nomen Honesti ,  
Quæque tibi fuerat semper in ore fides ?  
Vix ego credideram : momento credita vulgas :  
Inque meum sensi tela retorta caput .

Qui

Quî scopulos caveas , Palinurus in æquore dicat ;  
 Quî morbos , Coi cura docere Senis .  
 Quæ mala sint urbis , quas urbis in æquore syrtes  
 Callidus effugias , ipse magister ero .  
 Credite vix ulli ; rarissimus unus & alter ,  
 Quorum tuta sacro perstat in ore fides .  
 Scilicet hos levitas , illos prurigo nocendi ,  
 Hos quoque garrulitas in tua damna movet .  
 Cùm tamen hæc fuerint , circumstent omnia quamvis  
 Te mala ; ne mendax inveniare , cave .  
 Dixeris : unde nihil sequitur mendacia damni ,  
 Unde favor sequitur plurimus , illa licent ?  
 Cedite Castaliæ , cultissima turba , Sorores ,  
 Cumque tuâ valeas , Phœbe canore , lyrâ .  
 Haustibus hîc aliis pleno mihi fonte bibendum :  
 Quid mihi vobiscum est Bellerophontis aquæ ?  
 Hinc tibi finge , mari terras fluitare refuso ,  
 Finge tibi stygios inde patere rogos ;  
 Si fluctus cohibere , rogos extinguere posses ,  
 Dum velles mendax vel semel esse , nefas .  
 Tempore mentiri nullo licet ; ite profani  
 Quos aliter stygio Cerberus ore docet .  
 Extima quæ labes abstergitur , intima perstat ;  
 Æthiopem totis non lavet æquor aquis .  
 Turpia sponte suâ , primâque ab origine quædam ;  
 Turpia lex quædam dum vetat , esse facit .  
 Non quia lex prohibet mala sunt mendacia : contra  
 Quod mala , lex prohibet ; num semel ergo licent ?  
 Non tamen hinc tantâ rapiare libidine Veri ,  
 Detur ut alternis litibus ansa velim .  
 Pax decet Urbanos ; pax urbis tessera cultæ :  
 Bella feros hostes , militiamque decent .

Quare agite, horridulæ procul urbe facessite voces :  
Non ita ; mentiris ; vidi ego ; testis ego .  
Instat ad hæc torvi truculenta protervia vultus :  
Voxque Jovis multum rauca tonantis habet .  
Hæc circumfideant , sine , tristia verba tribunal ;  
Cum judex illinc , inde satelles adest .  
At non colloquiis genialibus apta serendis ,  
Diætaque cum lætis cœtibus hora subest .  
Transige cum fociis tum multa ; recedito summo  
Jure ; minùs rigidâ singula pende manu .  
Nam priùs accipitrem timidissima turba columbæ ,  
Cerva canes , fulvos diliget agna lupos ;  
Quam rixatorem socialis cœtus amabit :  
I procul ad stygios , pestis iniqua , lacus .  
Sunt quoque dissidii justissima tempora : nam quis  
Explorata sibi quæ priùs , illa neget ?  
Dissideas ; sed missa procul fac jurgia prudens :  
Non est res Verum garrulitatis amans .  
Nec te vincendi temerarius auferat ardor ,  
Victor ut e campo semper abire velis .  
Vicisti : sed cerne latus , diffuxit amicus ,  
Æternumque tibi murmurat ore , vale .  
Scilicet est victis odio victoria semper ,  
Illa sit in victos officiosa licèt .  
Forsitàn & digito passim monstrabere ; Victor ;  
Pròtinus heu focii cedite , Victor adest .  
Si tamen ad doctas fortè invitabere lites ,  
(His quoque quandoquidem gaudet amica cohors)  
Viribus ingenii tunc molliùs utere ; toto  
Garrula fac potiùs pulpita marte fremant .  
Effuge clamorùm sapiunt quæ verba Lyceum :  
Signaque , cum doceas , nulla docentis habe .

Fri-

Frivola res agitur ; quid contra obfistere certas ?  
Te fine , quò plures incubuere , trahi .  
Quòd fi jaçtari fine re , fine pondere voces  
Audieris ; vincat , qui magis ore valet .  
Fac campum tenéat vox importuna ; pudoris  
Tu tamen interea præmia magna feres .  
Sub Jove quæ cœpit manfuefcere vita magiftro ,  
Ruftica , Saturno fcepra tenente , fuit .  
Sanctus amor primùm focialis fœdere vitæ ,  
In fylvis homines nexuit ante vagos ;  
Oppida moliri , leges incidere juffit ,  
Atque novâ mores molliit arte feros .  
Si quibus ante modis res parta , fovetur iifdem ;  
Urbes , qui peperit , nunc quoque fervet amor .  
Nunc quoque fervet amor cives ; quid pluribus ? ut fis  
Urbanus , non es multa docendus : ama .  
Si quis amat , diçtis non quenquam incefhit amaris ,  
Semina diffidii clam nocitura ferens .  
Comiter appellat , decedit , fpontè falutat ,  
Verba prior loquitur publica , fi quis amat .  
Cur & amare velis , centum tibi fuffice caufas :  
Fac modò quæfieris , copia dives erit .  
Hunc tibi concilient numeroſæ ftemmata Gentis ,  
Illum animi virtus , fimplicitasque probent .  
Huic faveas , citharâ quòd ludere novit eburnâ ,  
Illi quòd celereſ dividit arte pedes .  
Flumen in hoc doctæ tecum mirabere linguæ :  
In pretio hic , muſis quòd fit amicus , erit .  
Nulla caret facies , quamvis pulcherrima , mendâ :  
Atque aliquid turpis , vel quod ametur , habet .  
Si tibi quæ data funt , alii natura negavit ,  
Plurima , queis forfan deficis , alter habet .

Ma-

Magna manet faciles, sterilis nec gratia mores;  
Publicus hâc nobis arte paratur amor.  
Splendor inest aliis major virtutibus: Esto.  
Plus solidæ tamen huic utilitatis inest.  
Fortibus in bello locus est; ubi classica cessant,  
Pax aliâ gaudet conditione coli.  
Non semper donantur opes; quæ continet urbes,  
Justitia officiis cessat & ipsa suis.  
Quidquid agis contrâ, quidquid moliris, & urges,  
Anteit Urbanus, subsequiturque decor.  
Si sêdeas, tecum clam sede locatur eâdem;  
Si stas, occultus stabit & ipse comes.  
Incedit tecum, tecum spatatur & idem:  
Teque vidente videt, teque tacente tacet.  
Præcipuè linguam sibi vendicat; effuge linguæ  
Crimina, si culti nomina Civis amas.  
Putide jactator, quid inania nomina semper  
Objicis, & vêtères tollis ineptus avos?  
Vascula tangenti nuper mihi murrhina, cessit  
Pristinus, attrecto dum nimis illa, nitor.  
Dumque frequens reféro, quæ glande teguntur eburnâ  
Balsama, clam patulo carcere cessit odor.  
Sic nisi laus parcè, nisi sit tractata pudenter,  
Sordet, & authoris vilis in ore sui est.  
At locus inciderit de te si fortè loquendi,  
Invitus de te fac videare loqui.  
Quid quod profuerit proprias decerpere laudes,  
Atque aliquid meritis demere velle tuis.  
Quidquid detrahitur, tum sœnore supplet opimo,  
Qui favet auditor laudibus usque tuis.  
Non tamen antiquo de stemmate ductus avorum,  
Vile tuum nobis dixeris esse genus.

Non

Non tamen , à studiis si mens tibi fervet honestis ,  
Unum Palladii te gregis esse velis .  
Per fastiditas quam sæpe superbia laudes  
Crescit , & ipsa suum clam magis urget opus .  
Laude viget virtutis amor , laus pectus honestis  
Instruit exemplis , magnanimosque facit .  
Quod tuba militibus , quod nautica vela carinis ,  
Et quod calcar equis , gloria præstat idem .  
Quis putet , arma manu capias hostilia miles ,  
Pacificæ jubeam conditor artis ego ?  
Arma manu capienda tibi ; non horrida defunt  
Classica ; quid cessas ? campus & hostis adest .  
Tu tibi vincendus ; tu campus , & hostis es idem :  
Præmia , te domito , victor ab hoste feres .  
O' genus egregium pugnae ! pars victa triumphat ,  
Quâ simul & victrix ; laus & utroque redit .  
Dixeris : adversâ loqueris pugnantia fronte .  
Quas canis ambages , Œdipe , solve precor .  
Altera pars nostri culta est ; pars sentibus horret  
Altera , & internas pascit opima feras .  
Altera pars sceptris , & fascibus apta regendis ,  
Altera pars , jussis ut famuletur , habet .  
Insidet in primâ ratio , populumque rebellem  
Continet , & certâ temperat arma manu .  
Inde seges cæcis oritur densissima bellis :  
Imaque pars jugi seditione fremit .  
Hinc desideriiis in partes scindimur ; illinc  
Nos agit ira ferox , inde laceffit amor .  
Quid timor , atque suas reputans audacia vires  
Plus æquo ? Quantis cædibus arma movent !  
Adde his lætitiâ , perfusaque gaudia fuco ;  
Adde his mæstitiæ tristitiæque gelu .

Mu-

Motibus his occurre celer ; te vincere discere ,  
Si vincere alios , Urbis amator , amas .  
Quis ferat immodicos , subsultantesque cachinnos ,  
Oraque , quæ risu semper inepta patent ?  
Est quoque tristities cohibenda ; obliste dolori ,  
Dum potes , & mæstas excute fronte notas .  
Displicet ex æquo res utraque ; tempore flendum ,  
Gaudendum certo tempore , crede , tibi .  
Est & inurbani species male nata timoris ,  
Quæ viles homines , putidulosque facit .  
Hinc fit , ut , & lucem , & consortia publica vitent ,  
Privatæque colant abdita septa domus .  
Scilicet insidias metuunt à quolibet ; anguem  
Quolibet abstrusum in flore latere putant .  
Illos officiis , ut mos , ambire labores ?  
Est & in officiis quod timuisse velint .  
Muneribus palpare cupis ? data munera spernunt ,  
Uncaque sub donis æra subesse putant .  
Ex hoc fonte , suis crucians se tabida larvis  
Suspicio exoritur , pabulaque ampla trahit .  
Cætibus hinc hostis se Diffidentia nostris  
Prodit , & urbani turbat amoris opus .  
Est qui plus justo confidit , & omnia scire  
Se putat , & , quidquid fecerit , ipse probat .  
Psallere non dubitat , quamvis malè pectine cordas  
Pulset , & horrendum personet iëta chelys ;  
Flectit & in modulos vocem , mera murmura quamvis  
Edat , & enormi strideat ære magis .  
Inter utrumque viam , cursumque tenere memento ,  
O cuicumque sedet nobilis Urbis amor .  
Æstimet unusquisque suas priùs ordine vires ;  
Nec meritis sumat plusve , minusve suis .

B

Cui

Cui debetur honos , meritum non spernat honorem ;

Cui locus inferior , non sibi prima petat .

Pfallere qui didicit , pfallat ; multumque rogari

Non sinat ; abstineat , qui tamen arte caret .

Non omni te crede viro ; diffidere cunctis

Qui solet , infidos , dum timet , esse docet .

Quò properas , campoque vagus spatiaris aperto ?

Dum licet , o , votis injice frena tuis .

Videris Euganeis religata volumina villis ,

Fibula quod Phario dente coercet opus .

Videris egregiâ spirantes arte tabellas ,

Aut fabra quod prisco ludit in ære manus .

Videris hæc , oculisque vores captator avaris ,

Attrectans cupidâ terque quaterque manu ?

Quid quod visâ probas , pretiumque pacisceris emptor :

Offerat urbanè fac herus illa : capis .

Si rata dona putas , non pondus habentia verba ,

Non erit officii ullus in orbe locus .

Ad Dodonæas , vilissima pabula , glandes

Te duce , mox iterum quòd redeamus , erit .

Non tamen oblato desit sua gratia dono :

Quin & in acceptum verba vel ipsa refer .

Esse quid hoc dicâ , quòd in hunc modò sponte feramur ?

Hinc retrahat tacito vis in amore latens ?

Sunt virtute pares , animi sunt dotibus ambo :

Corporis ille bonis præstat , & ille simul ;

Hunc amo vix visum ; nec possum dicere quare :

Protinus hunc fugio ; causa nec apta subest .

Forſitan hîc aliquis causas accersat ab astris ,

Seque per aereum mente rotabit iter ;

Aut magnetis acus , arcanaque fœdera promet ,

Rebus & occultas dicet inesse fugas .

Quid-



Quidquid id est, animi nunquam fastidia prodes  
In quemquam : genii comprime lora tui.  
Effuge convictum potiùs ; præcide morandi  
Causas ; quamque potes , contrahe verba brevì ;  
Dic fora , dic tali subsellia iudicis horâ  
Esse ex condicito convenienda tibi .  
Multa tuæ facienda domi causabere ; quæ , si  
Non adsis , rectè nullus obire queat .  
Oderis haud quenquam ; socialis fœdera vitæ ,  
Indita lexque tuo pectore sancta vetat .  
Rarus & ad trutinam cautè revocetur amicus :  
Quemlibet urbano comis amore colas .  
Sævior ingenio est , ægrèque domabilis ira ;  
Hanc tibi sit princeps edomuisse labor .  
O ubi tunc speculum , cùm jam præcordia fervent ,  
Occultas irâ subijciente faces !  
Aspiceres tumidasque genas , hirtosque capillos ,  
Motaque nativo singula membra loco .  
Vox tremit , ignescunt oculi , vestigia nutant ,  
Et sedet in toto lividus ore color .  
Nec te decipiat , quod quidquid percitus irâ  
Feceris , his omnem detrahat ira notam .  
Parcimus aurigæ , cùm , subsultante quadrigâ ,  
Frena reluctantes nulla morantur equos .  
At priùs hos campo quàm digrederentur aperto ,  
Par erat adstrictis impediisse lupis .  
Proderit at causas quid longè accersere morbi ,  
Si nihil auxilii lentus , opisque feras ?  
Ignis ut in cineres , extinctaque flamma residat ,  
Non modus est simplex , una nec apta via est .  
Injice fontanas flammis crepitantibus undas ,  
Clam sua vel rabidis pabula deme rogis .

Tu quoque materiem nascenti protinus iræ  
Deme, vel oppositis frangere disce modis :  
Ira remollescet paulatim ; funditus hostem  
Per certos vines, fortior hoste, gradus :  
Pace geri bellum, bellumque paretur oportet  
Tum, cùm securæ tempora pacis eunt.  
Cum mens in tuto, placidâ & statione quiescit,  
Tunc iram contra multa parare decet.  
Frangere reluctantem primis incurfibus iram ;  
Et tuus adverso flumine linter eat.  
Forte lacefferit te quisquam : faxeus adsta ;  
Limes ut in mediis faxeus adstat agris.  
Est gradus ulterior ; dictis laceratus amaris ;  
Mollia tu placidis verba repone sonis.  
Est quoque quod supra contendas ; munera confer,  
In quem clam tacitus suggerit arma dolor,  
Adjice blanditias ; prunis ardentibus ures :  
Inque bono sapiens vincere disce malum.  
Si quis dura tamen nimis hæc præcepta vocabit,  
Est quod Pergamæ consulat artis opem.  
Hauriat austero spumantia pharmaca succo :  
Abstineat, quidquid dulce, salaxque, procul :  
Et cruor è venis subsultet hiantibus ; iræ  
Sic minor edomito fomite fervor erit.  
Si nihil ista juvant, ars hîc mihi deficit omnis :  
Non est quod doceam plurima ; vive domi.  
Vita sit in pretio, curâ prævertite morbos :  
Tempore quæque juvant discite, quæque nocent.  
Ponite sed longis finemque, modumque querelis :  
Nec solitum vestro carmen in ore sonet.  
Hi modò, contigerit quod nox sibi tetra, queruntur,  
Tristibus & somnus septus imaginibus.

Nunc

Nunc quòd lenta nimis stillet pituita cerebro,  
Torpidaque adstrictis congelariis aquis.  
Sæpe caput tangunt: morbi certissima sedes  
Est caput; hinc semper, quod medeantur, habent.  
Ille, viden? quantâ nares corruget ab irâ,  
Utque truci querulos mussitet ore sonos?  
Fac age, sollicitus quid secum immurmuret, audi!  
Quamque potes lateri proximus adde latus.  
Mene salutatum non venerit hospes in urbem?  
Rusticus indicto, cesserit urbe, vale?  
Reddidit ecce alter, quam debuit ante, salutem:  
Manca sed ex aliquâ reddita parte salus.  
Fœminei, vos nostra feret patientia, mores?  
Ultrâ Sauromatas ite, trucesque Getas.  
Quod si nosse cupis tanti mala semina morbi,  
Ut tempestivus pharmaca certa pares;  
Altiùs ordiri nostras patiare Camœnas:  
Grande moræ pretium, longior orsus erit.  
Expers conjugii, thalamisque Superbia nullis  
Vincta, diu fuerat prolis honore carens.  
Tempore post longo, multisque fluentibus annis;  
Optavit certi pignora nosse thori.  
Quid faceret tamen illa? super quæ tolleret omnes  
Sese, num vellet subdere colla viro?  
Fac quæsisse virum, fac subdere colla marito  
Velle; vir unde sibi, quique legendus erat?  
Cœli pulsa plagis, Acheronte invisa sub imo,  
Exosum terris, & grave numen erat.  
Ergo Caucasæi prærupta cacumina montis,  
Nescio quid versans grande, furenter adit.  
Substitit hic, patulis exceptans faucibus auram,  
Flabat ubi tumidis fortior Eurus equis,

Protinus intumuit vento ; mora nulla , puellam  
Edidit , & voti jam rea facta sui est .  
Hæc Gula dicta fuit ; pingui quodd nata saginæ  
Tota videretur , nec nisi venter erat .  
Ilicet alterius correpta cupidine prolis  
Huc redit ; & , quidquid fecerat antè , facit .  
Protinus intumuit vento ; mora nulla , puellam  
Edidit , & partu gestiit aucta novo .  
Quodque petulca foret , tumidisque ferocula buccis ,  
Nominat hanc Iram ; sentit & esse Parens .  
Sic & Avarities , sic tristis Acedia nata ,  
Non secùs Invidiam , Luxuriemque parit .  
Hoc tamen angebat , quodd sex enixa puellas ,  
Progenies illi nulla virilis erat .  
Ergo petit rursus prærupta cacumina montis ,  
Jactat & immistum nubibus alta caput ;  
Utque diu adverso boream bibit ore , refedit  
Fessa ; novoque tumens pondere venter erat .  
Nec mora , concepit ; prolemque enixa virilem est .  
Heu quantùm sævæ matris in ore fuit !  
Lacte suo nutrit , nomenque Philautius illi  
Indit , amatorem quod sonat esse sui .  
Creverat : haud mirum est ; Amor hic adolescit in horas ,  
Fitque puer parvâ , virque , senexque , morâ .  
Erudit hunc Genitrix , & , quo velit ordine vitam  
Ducere , per tales visa docere sonos .  
Nate meum columen , mea magna potentia solus ,  
Sospite quo semper regia sceptrâ feram ,  
Quid tibi præcipiam multis ? hoc clauditur artis  
Summa meæ ; quod te , quod tua semper ames .  
Nec mea difficilis poterit doctrina videri :  
Pronius esse sui num quid Amore potest ?

At

At cave, ne fallare ; tui sit nullus amoris  
Confors ; te solum semper amare velis .  
Summa petunt flammæ : qui cœli credit amore ,  
Fallitur ; est illis quod bene , summa petunt .  
Ima petunt lapides : qui terræ credit amore ,  
Fallitur ; est illis quod bene , ad ima ruunt .  
In mare quique suis se rivulus explicat undis ,  
Non mare , me , tacito murmure dicit , amo .  
Moribus his vives ; nullum cole , dilige nullum :  
Atque tui nunquam fac ab amore vaces .  
Ergo age , quâque patet , toto circumvagus orbe ,  
Digna magisterio semina sparge meo .  
Hæc ubi dicta : suo genitrix dedit oscula nato ;  
Vix inclinata fronte , sed illa dedit .  
Nec mora , Parthorum velocior ille sagittis  
Circuit , è cœlo sol quod ubique videt .  
Oppida cuncta petit , cunctas adit impiger urbes ,  
Corrumpens oculis obvia quæque suis .  
Stramineasque casas , regumque superba pererrat  
Tecta ; suam victor spargit ubique luem .  
Tunc fuit , ut passis fugeres , Astrea , capillis .  
Nullaque sit posthac orbe relicta fides .  
Dulcis amicitia tunc solvi fœdera cœptum est ,  
Et caput in terris extulit omne nefas .  
Exeat : urbanis non est congressibus aptus ,  
Astuat immodico si quis amore sui .  
Qui se totus amat , proprioque indulget amor ,  
Unde amet hic reliquos , num quid amoris habet ?  
Hac de stirpe fatos , si quotquot in urbe referrem ,  
O' tibi qui risus , fabula quanta foret !  
Nomina prætereo , quæ promere plurima possem ;  
Sed vetor ingenii ductibus ipse mei .

Juverit in medium mores afferre ; levique  
 Ut potero , tangam vulnera fœda manu .  
 Ordior à somno ; non stratis excitat illos  
 Stridula nascentis nuncia solis avis ;  
 Non qui manè novo clamoribus obambulat urbem ,  
 Vinaque plebejæ vendit adusta siti .  
 Forfitan , accedas cum jam fora litibus ardent ,  
 Patriciosque terit turba togata lares ?  
 Janitor ante fores nullus ; conclavia nullus  
 Excubitor servat ; rima nec ulla patet .  
 Fallor , an emoto crepuerunt cardine valvæ ?  
 Ut dominum tandem congregiare , licet .  
 Ecce vacillanti verrens conclavia passu ,  
 Excusâ nondum nocte supinus adest .  
 Fascia vix Pharias cohibet discincta lacernas ,  
 Cincinnus tumido multus ab ore fluit .  
 Te coram libyco percurrere dente capillos ,  
 Tergere non dubitat teque vidente manus .  
 Alta dies , mensæque vocant , lectique sodales  
 In gyrum piæti discubuerunt thoris ;  
 Ille moras , tempusque trahit causator ineptus :  
 Causaque , cur nolit plurima , velle tuum est .  
 Forfitan excipient geniales fercula ludi .  
 Hic quoque , quæ peccet , multa Philautos habet .  
 Buxea nempe aliquis latronum prælia poscit :  
 Improbat hæc unus , tridiculasque petit .  
 Ecce tróchus ; subitòque trochum sibi dissonus odit ;  
 Alea nempe mihi sola probatur , ait .  
 Ludus habet finem , cubitum discedere tempus ;  
 Languida connivent lumina , somnus adest .  
 Non nisi sepositis petit ille cubilia cellis ,  
 Fartus ubi pluma commodiore thorus ;

Denique quidquid agit , sibi consulit impiger uni ,  
Idem propositi meta , caputque sui .  
Hos ego ne videam , nemorum rudis incola mallet  
Degere , cumque feris , terra Libyssa , tuis .  
Namque feras inter nostri vestigia moris ,  
Et quasdam videas mentis inesse notas .  
Provida gens , hyemisque memor formica per æstum ,  
Trudit in angustos grana pusilla lares .  
Pennigeris caveat quò fœta Ciconia nidis ,  
Pugnat in anguineum , cominus acta , genus .  
Non ego tam vecors , apibus cœlestia mentis  
Indita qui pridem dona fuisse rear .  
Moribus at ducant cùm tam concordibus ævum ,  
Quis non urbano vivere more putet ?  
Exemplum sit apis vobis quoque : vivere cultus  
Quilibet unde queat , multa docebit apis .  
Est apis officiosa , eadem quoque sedula ; multum  
Ingenii , mellis non habet illa parum .  
Quæ vos segnities isthæc tenet , Urbis amantes ?  
Vos vos officiis incubuisse decet .  
En tibi notus eques peregrinis venit ab oris ,  
Visurus Romæ tecta superba tuæ .  
Si potes , huic occurre celer ; junge effeda mannīs ,  
Et tuus ex omni parte fac extet amor .  
Indice fac videat , teque affectante per urbem ,  
Quidquid magnifici Roma decoris habet .  
Illi Pamphilidum cultos monstraveris hortos ,  
Altaque Burghesidum limina , Regis opus .  
Templa , domos Procerum , Pallatia , balnea , thermas ,  
Te duce mox videat , te duce visa notet .  
Si cui magna foro res in discrimen agatur ;  
Quam potes huic celerem sedulus affer opem .

Fac

**Fac** fora sollicitus discurras ; iudicis aures  
Præterentes ; obeas quidquid obire decet .  
**Sedulitas** urbana placet quoque , sedulus esto :  
Quidquid agis , pigras excute corde moras .  
**Te** venturum aliquò certà condixeris horà :  
Ne fluat hora dati temporis , antè veni .  
**Promittas** serò facito ; sed tempore primo  
Constet promissis , pollicitisque fides .  
**Quod** te depositum penes est , servare memento ;  
Quoque petet dominus tempore , redde celer .  
**Est** quoque sedulitas nimis importuna , nocensque :  
Ne nimia pecces sedulitate , cave .  
**Hoc** orus est factò , monitor quid acerbus in horas  
Ingeris , hoc illud meque cavere jubes ?  
**Rubra** meo , meminì , sapiebant vina palato :  
Protinus hæc , inquis , vina colore nocent .  
**Crassa** fatis , meminì , prohibebant pallia brumam :  
Induar Endromidem protinus author ades .  
**Quidquid** agam , lateri consultor garrulus hæres ;  
Normaque , lexque tuo semper in ore sonat .  
**Confè** Pater , si rite tibi delubra Vetustas  
Obtulit , & sacrà thura verenda manu ;  
**Jura** tui , precor , alme velis edicere regni :  
Tu Deus es mentis , consiliique dator ;  
**Nil** sine te cœptis feliciter ire secundis ,  
Res sine te faustè vertere nulla potest .  
**Hæc** ego : Confus ait , seris venit usus ab annis ,  
Hinc mihi canities , barbaque longa fluit .  
**Res** vetus , affinisque Chao Prudentia quondam  
Me tulit , hâc tantà matre superbus eo .  
**Mentibus** hinc canis , annisque senilibus adsum ;  
Moribus hæc ætas congruit apta meis .

Profi-



Proficimus sensim, fructus mora mollit acerbos ;  
Erudit ingenium tempus , & hora ferum .  
Sæpe suos casus , alienaque sæpe notantem  
Damna , senem tacitè vita peracta docet .  
Ex hoc fonte trahor primùm : fons unus , & alter  
Est quoque quo ducor ; cœtera disce brevi .  
Munere sæpe Deùm vestris quoque mentibus indor ,  
Consilio canas præveniente comas .  
Dicor & ingenii versatilis ignea proles ,  
Cùm mens se rapidi fulminis instar agit :  
Quique diu fastis ævum trivere legendis ,  
Me longi pretium grande laboris habent .  
Hactenus , unde traham generis primordia , dixi :  
Nunc superest leges edoceare meas .  
Res sacra Consilium ; quis res obtrudere sacras  
Audeat , & fœdâ contemerare manu ?  
Finge , datis monitis quisquam parere recuset ;  
Cedat & hinc illi res malè fausta ; file .  
Consilium qui tale nihil poscentibus offert ,  
Is tacitè dicit : plus mihi mentis inest .  
Jura paterna tamen clam legibus excipe nostris ;  
Quique magisterii grande tuentur onus .  
Quosque dat alterni longissimus usus amoris ,  
Invisâ monitus asperitate carent .  
Consilii , dum magna tamen discrimina poscunt ,  
Author & è populo quilibet esse potest .  
Hæc ubi deficient , nisi fortè rogabere , nulli  
Sic stat , Consilium sponte dedisse licet .  
Nec mora , discessit ; tum , quâ discedere visus ,  
Candentem secuit lucida rima viam .  
At tibi , Conse Pater , tali pro munere , semper  
Ornet olorinas alba fenestra comas .

Pallas & ingenuâ dignos dabit indole mores :  
Moribus urbanis Pallas amica favet .  
Hinc quoque præsidium petitote , recentior ætas  
Dum finit ; hinc Urbis rite parandus honos .  
Non tamen omnigenæ percurrere Palladis artes  
Cogimus , urbanos inter ut esse velis .  
Scribimus indoctis pariter , pariterque disertis :  
Hei mihi quàm numero turba diserta minor !  
Sunt quæ nosse levis , vel gloria nulla putatur ,  
Ignorata tamen crimen inertis habent .  
Proderit hæc primis saltem tetigisse labellis :  
Non adeo est artis janua dura meæ .  
Qui labor annales patriæ didicisse vetustos ,  
Quodque magis tritum prostat in historia ?  
Est globus & vasti referens imitamina Cœli ;  
Volvitur in Zonas machina parva breves .  
Hic potes astrorum varios prædiscere motus ,  
Utque celer flexo tramite Phœbus eat ;  
Hic , quâ parte Notus , Zephyrique tepentior aura  
Spiret , & unde suas ebibat Auster aquas .  
Est quoque , lineolis quæ passim interlita pictis ,  
Urbes , stagna , lacus parva tabella docet .  
Hic spatiis distincta suis , fluviosque , lacusque ,  
Et terras modico signet in orbe manus :  
Et simul indigitans , hæc , dices , Medus Idaspes ,  
Hæc se Nilus aquæ dives in æquor agit .  
Tigris ab Armeniis sit montibus ille volutus ;  
Septeno Ganges ille sit ore fluens .  
Juverit & nummos , veterisque numismata Romæ ,  
Factaque solerti nosse sigilla manu .  
Stemmata quæ procerum necnon celeberrima disces :  
Non levis ex illo gratia fonte venit .

Nun-

Nuncia prætereant nec te quoque publica ; missas  
Perlege diverso sedulus orbe notas .

Illic bella leges , tractataque Regibus arma :

Heu quantum nostri sanguinis illa vehunt !

Tutus eris , si neuter eris , mediisque sedebis ;

Parsque tuo potiùs neutra favore vacet .

Hæc nescire pudor : si tempore cognita profers ,

Laus erit ingenii parva , sed apta tui .

Sit tibi mellitus sermo , sint mellea verba ,

Mellea vox ; cultæ sic eris instar apes .

At cave , qui mediis crabrones urbibus errant ,

Inter & urbanas nidificantur apes .

Asper , acerba tuens , sese mihi rusticus offert :

Heu species oculos perdere nata meos !

Protinus eloquio cœpi palpare , saluto ;

Verba movent primos officiosa sonos .

Surdus ad hæc nihil ille mihi ; civiliter insto :

Artis & expedio , quâ licet , arma meæ .

Flos erat in manibus de cespite sectus odoro ;

Aspiceres ; primi gratia veris erat .

Exhibeo ; munusque meis quoque vocibus orno :

Munus inurbanâ rejicit ille manu .

Theca mihi fuerat surgentibus aspera signis ,

Pulvere flavescens , dives Avana , tuo ;

Protinus exhibeo , quos naribus afflet odores ,

Rejicit , & digitis theca repulsa fluit .

Discessi , tacitæque intus rumpebar ab irâ ,

Moribus insensus , rustica turba , tuis .

Hinc per Agonalis me compita fontis agebam ,

Excutiens docti scamna diserta fori .

Cùm mihi nescio quis : totâ quæsitus in urbe

Ut bellè occurras ! res tibi salva fatis ?

Sal-

Salva fatis, dixi; possum deponere in aures  
Nescio quid? paucis expedire, potes.  
Jam motura suas est urna Ligustica sortes:  
Si tria tu dederis nomina, victor ero.  
Tunc collusoris fugiens discrimen avari,  
Protinus ad ripæ stagna minoris eo.  
Hic mihi, dum mannis præceps it rheda citatis,  
Vix rota non pavidum strinxit iniqua latus.  
Progredior paulum: petulans ancillula pelvim  
Projicit, & dubiis tempora sædat aquis.  
Nec fatis; ecce canis laniorum recte solutus,  
In mea districto pallia dente ruit.  
Diffugio: recitator adest malesanus ad aures,  
Meque jubet libris mente vacare tribus.  
Tunc ego: Sancte tui reminiscere vatis, Apollo;  
Effugium nostris da, precor, alme malis.  
Cum mihi subridens, clarâque in luce videndam  
Se dedit ante oculos culta Thalia meos.  
Mox ait; humanis est viribus altius illud,  
Quod petis, urbanæ Conditor artis, opus.  
Scilicet ut mores Gens, te monitore, ferarum  
Rustica dediscat? vota superba foves.  
Ut bonus excutiat medicas Podalirius arcas,  
Nil habet, unde lues tanta residat, opis.  
Pharmaca & ipse pater, tantum vincentia morbum,  
Se negat Aonii Phœbus habere chori.  
Fontibus hinc aliis opus est; Sapientia certos  
Hos dabit; hanc adeas, dux ero, carpe viam.  
Nec mora, Bœotum vocalibus applicor oris:  
Huc ego, quâ terrâ, quâ pelagoque, feror.  
Jamque fores Pindi, jam limina sancta tenebam;  
Cum mihi torva tuens, siste, fatelles ait.

Cru-

Cruda viro facies, rictusque figura canini,  
Cui non Scaligerum proderet esse senem?  
Defilui sic iussus equo, bulgasque resignans,  
Juratus vetiti testor habere nihil.  
Alta domus stabat centum subnixa columnis:  
Pars nova ni fallor, parsque vetusta fuit.  
Mille fores intus, & mille cubicula circum:  
Scribaque disposito multus in orbe sedet.  
Curstat in media quæsitior Horatius aula:  
Provehor, & Vati carmina nostra fero.  
Carmina nostra fero: nam carminis una supellex  
Est mihi, & hæc censu dinumeranda brevi.  
Protinus ut nostri titulum videt ille libelli,  
Et rigidâ cursim fronte volutat opus;  
Gratulor Urbanæ, dixit, tibi conditor Artis  
Hanc operi metam proposuisse tuo.  
Perlege quod veteres dolui peccare Quirites;  
Versibus inde tuis suppetet ampla seges.  
Tunc ego: num veterum monumenta perennia vatum  
Trita magis manibus, quàm tua, Flacce, meis?  
Sunt tua: scrutari secretum parce; datamque  
Vera nec emoveant vina, nec ira fidem.  
Percunctatorem fugito, nam garrulus idem est;  
Quàm verum hoc, usu quenque docente, patet?  
Sperne voluptates, animum rege; quo sit odore  
Illita testa recens, hunc quoque servat anus.  
Hæc, & plura tuis docilis de versibus hausi,  
O vigili, Vates, ungue terende meo.  
Protinus officiis urbano more peractis  
Lividor; & Pindi per loca sacra feror.  
Umbriferis vidi sublatam in collibus urbem;  
Quam Sol ignivomis purior afflat equis.

Fons

Fons facer in medio , rivisque loquacibus errat ,  
Scissa Medusæo quem pede fudit humus .  
Undique defixis stabant tentoria contis ,  
Vendit ubi merces turba novena suas .  
Accessi ; patulasque fores ingressus obibam ,  
Singula , quæ nostris usibus apta , notans .  
Hic ego quos vidi , celeberrima nomina , Vates !  
Attica quos tellus , quosque Latina dedit ,  
Omnes laurigeris redimiti frondibus ibant :  
Omnibus ad lævam dulce sonabat ebur .  
Hos ego quâ poteram , pavidus venerabar ; at ipsi  
Excutiunt facili comiter ore metum .  
Pars rogat adventus causam ; pars altera , vatum  
Quo sit apud nostros fama decusque loco .  
Tunc ego multa gemens , obductum denique vulnus  
Quid me Gens iterum scindere sancta jubes ?  
Scilicet occidimus : vatum laus inclyta quondam  
Fluxit ; Apollineis gratia rara choris .  
Hæc leviora tamen ; Sancti periere Pudoris  
Jura : verecundi nullus & oris honos .  
Rusticitas laxis impunè vagatur habenis ,  
Et populos victrix sub sua jura vocat ,  
Hanc sese rapidi ritu torrentis agentem ,  
Quantum opis est nostræ , sistere nitor ego .  
Vota sed in cassum fuerint , nisi numine vestro  
Sublever , & vestrâ musa juvetur ope .  
Finieram ; mussare cohors ; simul omnibus unus  
Nostra velut nutus cœpta probantis erat .  
Præ reliquis Naso : fausto pede perge , paratum  
Quo tibi jam dudum gloria monstrat iter .  
O ego pugnassem si talia bella , legendus  
Utiliùs toto forsitan orbe forem !

Non

Non Cytherea meos vitiaffet perfida fontes ,  
Undè minus tutò casta juventa bibit .  
Sed tamen Urbanæ , quod te non præterit , Artis  
Invenies libris semina sparsa meis .  
Hinc mihi progresso , valvis spectanda superbis  
Detinuit visus Regia celsa meos ,  
Undè Viri fiant , domus hæc arcana docebit ;  
Cælatum ante fores hoc breve carmen erat .  
His , vultu testante Deam , Sapientia cellis ,  
Rite coronato vertice celsa fedet .  
Stipabant Dominam regalia sceptrâ tenentem ,  
Innumeri circum , turba diserta , Sophi .  
Obstupui , penitusque sacro terrore rigebam ,  
Sancta verendorum fixus in ora Patrum .  
Quisque manu solers cariosa volumina versat ,  
Quisque suum trutinâ iudice pendit opus .  
Ille tubos oculis cælum speculantibus aptat ;  
Alter inexplicitas circinat ære notas .  
Hunc ovi fætura recens tenet ; ille latentis  
Semina rimatur sulphuris , iste salis .  
Hos inter se fortè Plato venerabilis offert ,  
Si memini , cunctis altior unus erat .  
Hoc ductante , Deæ folio prosternor eburno .  
Comibus hæc oculis , quid petis , hospes ? ait .  
O Dea , tunc dixi ; poscam si grandia , parce :  
Nam dare poscenti non nisi magna tuum est .  
Scis bene , quàm ritu vivatur ubique ferarum ,  
Et sit inurbani copia quanta gregis .  
Hac ego suscepi bellum cum gente gerendum :  
His inimiciis nobilis esse volo .  
Non , ut victa meis gens hæc perdatur ab armis ,  
Quin magis ut nostrâ victa juvetur ope .

Crimina detestor , mores furialiter odi :

Qui tamen hac miseros labe notantur , amo .  
Deficiunt ad cœpta pares sed grandia nervi ;

Susceptumque labor frangitur inter opus .  
Tu modo , Diva , tuo cunctantem numine firma ;  
Nec mea successu vota carere finas .

Mox Dea : iusta petis ; nostros , i , perge recessus ;  
Aptaque proposito , quæ magis , arma cape .

Discessi , gratesque Deæ de more peregi ;  
Antraque divinus ducit in ima Senex .

Nec mora ; vix patulo referantur cardine valvæ ,  
Cum me majestas perculit alta loci .

Tunc Comes ; hinc tenero commercia didita mundo ,  
Singulaque humanis usibus apta vides .

Ausa rudes pelagi quæ prima laceffere fluctus ,  
Hæc est Peliaco vertice cæsa ratis .

Rustica Triptolemi latet hæc in parte supellex :  
Nonne vides alto rastra peresa situ ?

Hæc lyra , quam quondam stirpesque feræque secutæ ,  
Threicio blandas vate movente fides .

Hanc quoque vocali dum pectine pulsat Arion ,  
Frænato Siculas pisce subegit aquas .

Ordine mox longo congesta volumina vidi :  
Vix capit hæc laxo Bibliotheca sinu ,

Tum Plato : civilis primæva hinc semina vitæ ,  
Fluxere in populos moribus ante feros .

Aspice legiferos : sunt hæc veneranda Lycurgi  
Dogmata , pellitis non bene culta Getis ,

Condedit ista Solon , quibus Attica terra superbît ;  
Hæc bonus , Ægeriâ præcipiente , Numa .

At quæ purpureo latet hîc res abdita panno ?  
Interpellanti parce , verende senex .

Pau-



Paucis ille refert : hoc sub velamine virga ,  
Artis opus miræ prodigiosa latet .  
Summâ parte feram tango ; fera desinit esse ;  
Imâ hominem tango ; incipit esse fera .  
Dixerat ; excepi : nostris aptissima cœptis  
Hæc quàm Virga favet ! da , precor , alme Senex.  
Vix bene finieram , grandi cum munere donor ;  
Quasque seni grates rite decebat , ago .  
Lætus iter repeto , pelagique remetior undas ,  
Attrectans timidâ dona superba manu .  
Jamque mari appuleram , ventisque ferentibus usus ,  
Carminibus , Circe , litora fœda tuis .  
Protinus ingredior præsepia vasta ferarum ,  
Tentaturus opem , virga magistra , tuam .  
Simia præforibus , quam serica vincla tenebant ,  
Stabat , anile movens irrequieta caput ,  
Mille ciet festiva jocos , risusque procaces :  
It , redit , aggreditur , desilit , inde salit .  
Tunc ego ; nugarum , dixi , fœdissima tandem  
Desine : mitte jocos ; seria tempus agi .  
Quin mihi , qui fueris , missis ambagibus ede :  
Dic age , cur vultus versâ figura tui ?  
Rettulit hæc contra : non tu sine numine Divûm ,  
Ut reor , hæc Hospes limina sancte petis .  
Hic me cum fociis , Solis genus , invidâ Circe  
In varias magicâ transtulit arte feras .  
Arte tamen certâ ; nam quilibet ora ferarum  
Sic capit , ut capiat moribus apta suis .  
Obtigit inde mihi species turpissima , qualem  
Heu vitæ series posceret acta meæ .  
Turpis eram patriâ dudum nugator in urbe ,  
Improbis urbani scurra pudoris inops .

Aspicerem curvo si quem confurgere dorso ;  
Par humeris moles , par mihi gibbus erat.  
Ille pedes varus , distortaque crura gerebat ;  
Varus & ipse pedes , tortaque crura tuli .  
Blæsus erat quisquam ; frangebam verba palato ;  
Alter erat captus lumine ; captus ego .  
Hei mihi quàm multos , circum plaudente coronâ ,  
Ad risus vidi suppuduisse meos .  
Numina fac veterem reddant placata figuram ,  
Totus in ornandis moribus esse velim ,  
Pronus in obsequium , nullique molestus , & omnes  
Optarem studiis demeruisse meis .  
Esse vir inciperem ; cuperem simul esse videri :  
Sed nocet , heu , votis vita peracta meis .  
Subticuit : visusque pudor tetigisse dolentem .  
Talibus aggredior protinus ipse sonis .  
Illa salus , quam poscis , adest ; tibi mittit ab alto  
Hanc Deus ; & dabitur , quod cupis , esse virum .  
Fatiferamque movens , Parnassia munera , virgam ,  
Supplicis os tetigi terque , quaterque feræ .  
Nec mora ; jam turpes abeunt de corpore villi :  
Qui modo simiolus , vir benè cultus erat .  
Non procul hinc aberat vulpecula parva ; vocavi :  
Adstitit ad nutus illa repente meos .  
Dic age , quî fueris ? quî vixeris ? unde ferini  
Forma tibi rictus obtigit ? illa refert .  
Civis eram , tanti meruit si nominis usum ,  
Civica cui pensi Jura fuere nihil .  
Fallere , mentiri , risum prætere labris ;  
Corde fovere dolos , ars mihi grandis erat .  
O mihi si veniæ tandem locus integer esset ;  
Nil potius cordi simplicitate foret .

Tunc

Tunc ego : jam superest veniæ locus ; exue vulpem :

Ter tetigi virgâ ; nec mora : facta vir est .

Ecce canis latrator adest : Canis improbe , dixi ;

Qui fueris dudum , sat nova forma probat .

Sic est , ille refert ; cum pristina forma manebat ,

Latrator patriâ notus in urbe fui .

Quem non appetiî mordacis acumine linguæ ?

Qui rabido læsus non mihi dente pudor ?

Gestiit effusis circumflua turba cachinnis ,

Alterius gaudens desidiosa malo .

At clam meta fui communibus obviâ diris ,

Dum sibi quisque meo vulnus ab ore timet .

Hactenus è primis res edita fontibus ; hospes ,

Quam potes , o , nostris casibus affer opem .

Nec mora : ter tactum virgâ consurgere jussi ;

Surgit , & abnormi de cane factus homo est .

Respexi : ruptis Succussor adhinnit habenis

Cùm lateri sonipes protinus ecce meo .

Siste fugam , dixi ; linguæ tibi largior usum ;

Dic age , qui mores ? quæ tua vita ? refert .

Succussoris equi turpi quodd imagine condar ,

Ne stupeas ; quadrat moribus illa meis .

Dulcis amicitia detrectans aurea frena ,

Liber & indocilis more vagabar equi .

Quæ non blanditiis adamantina pectora cedunt ?

Qui non blanditiis flecteretur , unus eram .

Per fora se comitem quisquam præberet eunti ;

Tunc ego : quin isthinc umbra satelles abis ?

Missa salus noti mihi nomine forte sodalis ;

Tunc ego : quem narras ? ater an albus homo est ?

O si vota pium placarent nostra Tonantem !

Alter ab antiquo , dissimilisque forem .

Subticuit : virgâ lustro ter vindice , clâmans ,  
    Esto vir : indocilis forma recessit equi .  
Interea circum turbâ crescente ferarum ,  
    Res celeri visa est expedienda manu .  
Quid tibi vis , Felis ? nam proximus ille jacebat ,  
    Confice rem paucis ; conficit ille brevi .  
Dum patinæ ante oculos ; vel dum quæ lingere possem ,  
    Liba dabat quisquam ; grandis amator eram .  
At simul ille manum sensim subduceret ; omnis  
    Protinus immemori corde recessit amor .  
Exuar ingrati si Felis imagine ; nunquam  
    Excidet ex animo gratia tanta meo .  
Quod cupis , eveniat : vultus cape , grate , priores ;  
    Esto vir ; & solitum virga peregit opus .  
Psittacus hîc , illic inhonesto Noctua vultu  
    Stabat , & hos inter tertia Pica loquax .  
Pica tuæ , dixi , moderabere garrula linguæ ?  
    Annuit ; & virgæ sensit amantis opem .  
Psittace , futilibus parces obtundere verbis ?  
    Annuit ; & sentis Psittace munus idem .  
Dic mihi , raûca sonans posthac baubabere bubo ?  
    Abnuit ; & turpis qui fuit ales , homo est .  
Denique quàm multos fatalis virga ferinis  
    Rictibus exuerit , longa referre mora est .  
His ego servatis navim conscendo ; laresque  
    Ingredior sospes , Sancte Quirine , tuos .

# DE VITA URBANA

## *LIBER SECUNDUS.*

**F**elix, humanæ peperit qui plurima vitæ  
 Commoda, nec minimo tempore vixit iners !  
 Primus & inventas de pectore protulit artes ,  
 Consultum nostris usibus undè fuit .  
 Scilicet hinc cultis fruges commisimus arvis ,  
 Confitaque artifici poma fuere manu .  
 Hinc Thetis , Argoâ primùm pulsante carinâ ,  
 Mercibus ignotas pandere iussa vias .  
 Astrorum in patriam ferimur quoque; perque rotundas  
 Ire licet Martis , Taigetæque domos .  
**Q**uid , qui conventus primi docuere , relictis  
 Glandibus , & vitæ fœdera prima pati ?  
 Hinc fuit , ut Sancto vis subdita cederet Æquo ,  
 Et toto leges spargeret orbe Themis .  
 Hinc per thura coli cœlestia numina cœptum ,  
 Arcano mentes concutiente metu .  
 Hæc satis ad vitæ cultum socialis habendum ;  
 Firmaque præfidiis sat foret illa suis .  
 At nondum bene culta foret , nisi fortiùs illam  
 Urbanus tandem perpoliisset honos .  
 Scilicet , ut cultis malè carduus horret in arvis ,  
 Lappaque triticeas proxima cæpit opes ;  
 Rustica sic ratio , pinguisque , ac tristis agendi ,  
 Carperet è tantis commoda multa bonis .  
 Hinc tibi quos tandem , Casa , persolvemus honores ?  
 Debita promeritis gratia quanta tuis ?

Aufus es urbanas qui primus vellere pēstes,  
Ritibus & mores excoluisse novis.  
Claviger Alcides monst'ris purgaverit orbem,  
Sustuleritque olim nomen in astra suum.  
Ast unis affixa locis tandem ille peremit,  
Et quæ conficeret monstra suprema dies.  
Sustulit Alcides Hetruscus ubique vagantes,  
Et, quas mors nunquam perderet ulla, feras.  
Hinc super Herculeas tollet te gloria metas,  
Vindici & assurget libera terra suo.  
Forfitan & nostris aliquid quoque versibus ætas  
Addet; & à te olim fama secunda ferar.  
O ita, Phœbe Pater, vosque, o Sacra turba, velitis,  
Pierides, studiis Numina culta meis!  
Sed satis: en raucæ clamoribus evocor Urbis;  
Altera jamque meis meta terenda rotis.  
Janus adest, Jani cultæ venere Kalendæ;  
Ite per urbanas sedula turba vices.  
Hinc gradus officiis, novus unde emerferit annus;  
Augurium primis non leve rebus inest.  
Ite, Deo, superisque pias persolvite grates,  
Annuaque in sanctos spargite thura focos.  
Omnia munda decent; sint pallia munda, recensque  
Sit toga: mens omni conscia labe vacet.  
Ecce Quirinali Tarpeius in æde sacerdos,  
Auditas superis tollit ad astra manus.  
Hostia pro populo cadit en devota Tonanti,  
Inter Purpureos mōre litanda Patres.  
Junge tuas in vota preces communia supplex,  
Et breviter voti summa sit ista tui.  
Adjice, qui sequitur, bone temporis Arbiter, annum,  
Omnis sitque tuo plena favore dies.

Aspi-

Aspice, mors quantis viduarit civibus urbem ;  
Quotque tumens spoliis quilibet annus eat .  
O ubi ; tot noti , fidissima pectora , cives ?  
O ubi , quos longo fœdere junxit amor ?  
Succedunt vultusque novi , veteresque recedunt :  
Hospes & in patriâ cogeris esse tua .  
Scilicet auferimur ; sensimque urgentibus undis ,  
Conficit inceptum publica navis iter .  
Trudimur alternis ; puerorum turba juventam  
Urget , & hæc tremulos submovet orbe senes .  
Mortis ab auspiciis tremefactus talibus , annum  
Incipe : mors oculos hæreat ante tuos .  
Non tamen hoc prohibet , patriæ quin moribus urbis ,  
Ritibus urbanis , officiisque vaces .  
Ite salutatum Gens officiosa per urbem ,  
Auguria & plenâ spargite fausta manu .  
Nestoris huic annos , huic poscite longa Sibyllæ  
Secula , & his plures addite Myriadas .  
Morsque leves quanvis discerpant vota per auras ;  
Vos tamen urbano vivere more decet .  
Non omnes adiisse licet : quem casus amicum  
Offeret , huic mediâ dic bona verba viâ .  
At quos patricio de sanguine noveris , illos  
Ædibus in propriis officiosus adi .  
Ecce senex famulus mediâ sese offeret aulâ ,  
Obsequio nutus præveniente tuos ;  
Ni grave sit , dominum paucis te velle , rogabis ,  
Si nihil hunc teneat , si mora nulla vetet .  
Si subito arcanas ultro admittêris in ædes ,  
Ut decet , officio fungere rite tuo .  
Sin minùs , hæc animo dispendia temporis æquo  
(Et certè haud tanti est indoluisse) feras .

Aspi-

Aspice , quâ mediâ liber inscribendus in aulâ  
 Prostat , ibique tui nominis adde notam .  
 Forsitan hunc tacito percurrens lumine Princeps  
 Perleget obsequii pignora certa tui .  
 Munera Janus amat : Jani date dona Kalendis .  
 Urbanus donis testificandus amor .  
 Ecce volant mediâ densissima munera Româ ,  
 Et memoris partes dona clientis agunt .  
 Ille manu leporis dissectos artubus armos ;  
 Vimineo hic clausas carcere portat aves .  
 Cernis ad hæc , quanto vehitur clamore per urbem  
 Patriciæ vitulus victima grata gulæ ? .  
 Quid Ligurum referam bellaria ; quæque magistrâ  
 Crustula gens fingit Parthenopæa manu ?  
 Si tibi non magnæ suberunt in munera vires ,  
 Munera parva quidem , sed tamen apta dato .  
 Citrea odorato redolentia cortice mittes ,  
 Quæque novis certant Lusitania poma favis .  
 Seu magis obsequium misso testabere libo ;  
 Aut obeat libi torta placenta vices .  
 Et sius exiguis decor est , & gratia donis ;  
 Parva sed ex animo si dabis , ampla dabis .  
 Munera stare tamen , vel sensim crescere debent .  
 Perge , age , quâ primum cœperis ire viâ .  
 Centum Mexiaco confectas nectare quadras ,  
 Qui prior attulerit forsitan annus erit ;  
 At cave , posterior ne quid clam detrahat annus ;  
 Neve subinde minor semper acervus eat .  
 Sordida res , primo si stantibus ordine causis ,  
 Ordine non perstent munera prima suo .  
 Sunt qui barbarico dicunt de stipite nata  
 Poma , licet triviis empta , Suburra , tuis :

Et



Et genus, & patriam cum munere muneris edunt,  
Nominaque Artificum non sua sæpe sonant.  
Sæpe tui, Lyssippe, refert cognomina cæli,  
De grege quod sculptor vile peregit, opus.  
Mucida quæ fuerat, quam circum plurima rosit  
Tinea, Parrhasias jactat imago manus,  
Institor hæc faciat, qui, circumstante popello,  
In mediâ merces prædicat urbe suas.  
Munera respirent facito tua; poscere quidquam  
Præcipio caveas, dum tua dona calent.  
Quin magis expectes, tepeant dum munera sensim;  
Visaque sint animi pignora certa tui.  
Tunc tibi, si quid opus, contendere multa licebit;  
Sterne iter hac votis sed prius arte tuis.  
Non simul ac messor sua semina credidit arvis,  
Exigit, ut subito sænore reddat ager.  
Et sua venator clam retia tendit in herbis,  
Ne videat structos plumea turba dolos.  
Pabula piscator fallacibus illigat hamis,  
Certius ut pisces, quæ latet, esca trahat.  
Fac cupidis hamus, fac absint retia donis;  
At si fortè adsint, cautus utrunque tegas.  
Nunc age; jam nostras vocat annua strena Camœnas:  
Strena quidem durum nomen, & omen habes.  
Cur ego patricias adii malè providus ædes,  
Culta quid officiis aula superba meis?  
Nempe quod affector, quod matutinus amicum  
Sæpe tuli domino, more clientis, ave;  
Obsidet ecce meos famulorum turba penates;  
Æraque pro strenæ nomine certa rogor.  
Sed satis: indignas compesce, Urbane, querelas;  
Haustaque de trivio desine verba loqui.

Hic

Hic quoque certa dabunt nostræ præcepta Camænæ ,  
Tu monitus æquâ combibe mente meos .  
Scilicet aut nunquam strenam persolveris antè ,  
Aut contra ; medium est inter utrunque nihil .  
Si nunquam ; persta nunquam dare : dente tenaci  
Anchora , quam fixit , detineatque ratem .  
Nunc non esse tibi , quos des , causabere nummos ;  
Exploret loculos læva sed antè manus .  
Nunc tua convenient , jubeas , conclavia rursus ;  
Si veniant ; forti limina claude serâ .  
Ostia si pulsent , ancilla erumpat ; & horâ  
Hâc dominus rarò , callida dicat , adest .  
Forfitan his utens ( juvat arte repellere fraudem )  
Effugies avidos præda petita canes .  
Si semel at dederis , persta dare : commoda multa ,  
Quam famulo dederis , strenna pusilla feret .  
Protinus ingredienti ædes assurget , & ultro  
Præsto aderit , longas expedietque moras .  
Quis scit , an & famulos domino charissimus inter  
Ille sit , & cujus pendeat ore domus .  
Res est fæda quidem , dominus dum munera servi ,  
Muneris & partes servus herilis agit .  
Hoc mutare tuum non est : quin utere vento ,  
Qui flat , & hæc cymbam sublevet aura tuam .  
Denique , sepositâ quidquid te fraude juvabit ,  
Evolet incautas , ne patiare , manus .  
Innocui genus aucupii , mihi credite , vita est ,  
Quod perhibent ipsos detinuisse Deos .  
Juppiter in terras venandi captus amore ,  
Dicitur è superis desiluisse plagis ;  
Mox ait ; umbriferas indagine cingite sylvas ,  
O Socii , cunctas perditæ cæde feras .

Vix

Vix arcus sonuere truces ; cum vasta ferarum  
Corpora sanguineo procubuerunt solo .  
Hoc ego non miror ; nam quâ fera falleret arte ,  
Certa Jovis magni spicula missa manu ?  
Adde Jovis comites , Phœbum , geminosque Laconas ,  
Cum quibus Alcides , Mercuriusque fuit .  
Juppiter interea : levis hæc , facilisque voluptas ;  
Nec facit ad tantas præda pusilla manus .  
Anne feras magnum nostris procumbere telis ,  
Quis nihil est mentis consiliique nihil ?  
Quin homines patriis venemur in urbibus , inquit ;  
Hæc decet excelsos præda superba Deos .  
Antè tamen certas venandi discite leges :  
Non est hoc , temere quod moveatur , opus .  
Parcite Sanctum animal vestris violare sagittis ,  
Cognatoque vacet nostra cruore manus .  
Illi , quam dedimus , libertas integra constet :  
Hæc hominem ad superos evehit una Deos .  
Hoc caput , ò Superi ; vestros , gens inclyta , casses  
Sic homines subeant , ut subiisse velint .  
Vix ea : in Acæas , missis jam saltibus , urbes  
Cum Jove se Superum contulit alta cohors .  
Neve homines frangat Majestas clara Deorum ,  
Quilibet humano se Deus ore tegit .  
Juppiter urbani partes sibi legit honoris ;  
Quo non ulla homines dulcior esca trahit .  
Oscula , blanditias , cultum testantia verba  
Protulit innumeris sedulus ille modis .  
Excipit hunc capitis prior inclinatus honore ;  
Huic operam famuli , mancipiique locat .  
Obvius officiis illum compellat amicis ;  
Ad latus huic patulo vertice pronus adest .

Arti-

Artibus his hominum capiebat millia vulgò  
 Iuppiter ; & prædæ non modus ullus erat .  
 Aucupis in morem , jucundæ murmure laudis ,  
 In tua quàm multos retiâ , Phœbe , trahis !  
 Quisque capi voluit : nam quis dulcedine laudis  
 Non capitur , quanvis se neget ipse capi ?  
 Absentes venabor , ait Cyllenia proles ;  
 Hos capere exiguæ non erit artis opus .  
 Nec mora : distantes quâ compellaret amicos ,  
 Littera Mercurii primâ reperta manu est ,  
 Conserit hanc titulis , prænomena frontibus addit ;  
 Margine in extremo seque , diemque notat .  
 Hanc ubi dente premens ter complanavit eburno ,  
 Partibus adversis in sua membra plicat ;  
 Aggerat & rursus titulos ; adscribit & urbem ,  
 Quam petat : extremum gemma coercet opus .  
 Protinus in casses venit nova turba recentes ;  
 Quæ tantos caperet , parva tabella fuit .  
 Concurrere urbem gemini cœpere Lacones ,  
 Et procerum in nitidis tecta subire togis .  
 Fausta ubi se rerum , vel fors infausta tulisset ;  
 Commoda temporibus verba dedere suis .  
 Protinus officiis illecti talibus , ultro  
 In nova sese homines retiâ sponte dabant .  
 Amphitryoniades , districto robore clavæ ,  
 Mulctat inurbanos torvus ubique viros .  
 Quæ fuga , qui risus , dum verbera sæva sonarent  
 Undique , & Herculeâ verbera digna manu !  
 Sub Jove sic homines capiebant Numina quondam ;  
 Et digni , superis qui caperentur , erant .  
 Ite per exemplum , quoniam decet , ite Deorum ,  
 Vos quoque præceptis turba docenda meis .

Quid

Quid juvat aereos venando excurrere montes ?  
Sumptaque in excordes perdere tela feras ?  
Pulchrius aucupium vestris sese urbibus offert .  
Si sapitis , patriâ tendite in urbe plagas .  
Quem non laus moveat ? laudando tendite casses :  
Laus tamen à meritis profluat apta suis .  
Frigida si fuerit , sordet ; si manca , ruborem  
Affert ; laus animo deproperata placet .  
At cave , ne contra tua stet præconia vultus ;  
Sæpe vel intuitus destruit illa tacens .  
Laus sit compta velim ; fuerit tunc compta decenter ,  
Fimbria si Vero nexa sit ante brevis .  
Hic erit ad primos belli subvectus honores ;  
Purpuream in patriâ cœperit ille togam ;  
Segnes rumpe moras ; gratatum excurre per urbem ;  
Hæc erit aucupiiis area digna tuis .  
Debita quod tandem sibi præmia cognita virtus  
Cœperit , officii summa sit ista tui .  
Forsitán oppressus morbo languebit amicus :  
Protinus ille domi conveniendus erit .  
Quam potes , affer opem , dic consolantia verba ;  
Quæque levent morbi tædia longa , refer .  
At cave , strata premas lecto projectus eodem ,  
Nec medici partes tristis obire velis .  
Quominus invisas , si quid remorabitur , ægrum ,  
Missus ad hunc domini nomine servus eat .  
Præferat hic flores , munuscula grata , recentes ,  
Pharmaca ubi tremulâ sumet amara manu .  
Postquam convaluit , vires ut sarciat ægras ,  
Mitte tuæ pingues tempore chortis aves .  
Si præmaturum tibi quid submiserit hortus ,  
Devolet huc animi nobilis arrha tui .

Tali-

Talibus illiciis hominem venabere ; teque  
Evehet ad superos inclyta præda Deos .  
Cui res nulla fatis , cui non fatis orbis , & æther ,  
Aspice , quàm pretio vaneat ille levi .  
Majus opus superest ; pullis insignibus orbam  
Cum mors elato fecerit ense domum .  
Ergo ubi fat primi confedit causa doloris ;  
Cœperit atque aliquem luctus habere modum ;  
Vel prior , aut primos inter te sedibus offer ,  
Mors ubi funereas extulit atra faces .  
Civica quas dederit tibi tunc facundia , vires  
Exere , & appositis suggere verba modis .  
Dic age , non aliter tali te funere mœstum ,  
Fratre tuo mœstus quàm moriente fores ,  
Objice præcipiti quàm stent mortalia lapsu ,  
Nostraque sit quantâ condita nube dies .  
Denique , divinis obfistere nutibus ultrâ ,  
Haud bene morati dixeris esse viri .  
Fac doleas ; præceptor erit dolor ipse dolendi .  
Sin minùs ; at spatium finge dolere brevi .  
Profuit & multis urbano littera cultu  
Scripta ; decet versus res quoque tanta meos .  
Sicubi longinquis versatur amicus in oris ,  
Mitigat invisas littera scripta moras .  
Littera commendat , titulis gratatur adeptis ,  
Condolet , hortatur , nunciat acta , monet ,  
Littera mercatur , contracta negotia curat ,  
Causidicos acuit , triste tribunal adit .  
Luserit illa velis ; salibus conspersa decenter ,  
Mille ciet ludos comptula , mille jocos .  
Sit gravis illa cupis ; contracto seria vultu ,  
Quæ deceant Curios , ora severa capit .

Mixta

Missa sit illa jubes ? formæ sese aptat utrique ,  
Seria parte sui , ludicra parte sui .  
Sit brevis , hoc primum , nec ventre tumescat obeso  
Littera , pacato quam cupis ore legi .  
Altera dos , nullis ambagibus illa legentem  
Angat , & indubiæ nuncia mentis eat .  
Non elumbis ad hæc , non languida , quidquid agendum  
Urgeat , ingenuâ simplicitate decens .  
Quis furor est missis aures obtundere verbis ,  
Nulla ubi scribendi causa , nec apta subest ?  
Nam rogo , quis fatuo redimendas ære tabellas ,  
Verbaque stultitiæ plena legenda putet ?  
Atque aliquis , tacito queribundus murmure secum ;  
Quid sibi vult verbis garrulus iste suis ?  
Vile ministerium tunc littera missa subibit ,  
Aut dabitur subitis splendida præda focus .  
Quid titulis levius ? quam sunt sine pondere verba ?  
Qui sapit , hæc scribens spargat utrâque manu .  
Turpis avarities semper , sed turps illa  
Est nunquam , urbanis quam sit in officiis .  
Ad leviora vocor : veteri scripturus amico ,  
Non est quoddâ timidâ singula lance probes .  
Si levis effluxit calamo torpente litura ,  
Non est , quoddâ scriptum dextra retexat opus .  
Tunc quoque gentilis notissima stemmata gemmæ  
Ænea sphinx curvo suppleat orbe , licet .  
Tota sed obsequium fac spiret epistola contra ,  
Principis in dominas quam cupis ire manus .  
Tunc cave , litterulis sit epistola confita densis ;  
Splendida quin lato margine cera vacet .  
Quid super ingenui est ? mentitur epistola sæpe ,  
Paginaque innumeris peccat amica modis .

Littera quòd nunquam sibi venerit ulla, protervo;  
Hanc licet hic dudum cœperit, ore negat.  
Pejerat hic, serò sibi reddita fida sodalis  
Verba; licet fuerint tempore lecta suo.  
Hic permutatis perfriçtâ fronte Kalendis  
Utitur, adscribens, quem velit, ante diem.  
Est, qui nunquam adeat tabularia publica, missas  
Ne redimat misero sordidus ære notas.  
Quid tibi profectum post hæc conamina? mendax  
Audis: ista tui summa laboris erit.  
Nunc Cæremoniis quidquid præscripserit usus,  
Quæ præstanda tibi, quæque cavenda, canam.  
Ne tamen ignotæ fallaris origine vocis;  
Ritibus his nomen cærea pompa dedit.  
Vox valet affinis: tædis præeuntibus aras  
Nam velut ore gravi Mystra verendus adit;  
Haud alio gaudet lustrari civica ritu  
Turba: suum obsequii vel fora carmen habent.  
Te vocat hic Dominum, servum se devovet alter;  
Signaque adorantis plurima vultus habet.  
Non tamen urbanos vitiant mendacia ritus:  
Qui labem hanc illis detrahat, usus adest.  
Detrahit occultè signis vim talibus usus;  
Et ne verba sonent, quæ sonuere, facit.  
Si tamen urbanas ultrà grassabere leges,  
Officiis mendax tunc eris ipse tuis.  
Non decet in fraudem signis civilibus uti;  
Cum jam non illis publica causa favet.  
Dixerit hic aliquis: curvâ mihi fronte colendus,  
Quem modò Sors cæco vana favore tulit?  
Hunc quoque rite colas; frontem submitte superbam  
Quisquis es, & titulis devenerare suis.



Tu quoque Fortunæ, levis ostentator avorum,  
Nascenti trepidâ porrige thura manu.  
Prisca juvent alios : servire recentibus annis  
Me decet : ingenio blandiar Urbis ego.  
Ipse feram nostro placituram more salutem ;  
Quæque juvent aures publica verba sequar.  
Meque catenatum tibi vivere sponte fatebor :  
Deteret at nostrum nulla catena latus.  
Ferre jugum impatiens, nullique subesse paratus,  
Mancipium dicar tempus in omne tuum.  
Vidi ego ab affusis herbam dulcescere lymphis,  
Quæ degustanti nuper amara fuit.  
Et gladium longo paulatim obtundier usu,  
Cui novus in clades antè nitebat apex.  
Aspera servitij sic nomina mitigat usus,  
Atque acie careant, quâ feriare, jubet.  
Urbs, ætas, tempus, dispar fortuna regendis  
Officiis leges, juraque multa dabunt,  
Non, qui magnificis ritus celebrantur Iberis,  
Sequana quos ambit, quosque Garumna, decent.  
Bellica non cultu Germania gaudet eodem,  
Anglia quo gaudet classibus apta coli.  
Grandibus officiis, titulisque sonantibus aures  
Nobilis assuetas Parthenopeus habet.  
Lenius Hetrusci se compellare per urbem,  
Cum verba expediunt officiosa, solent.  
Commoda quin etiam peragendis tempora nosces  
Officiis, peccet ne tuus inde labor.  
Viseris obstrictum curis ; quæ verba parasti,  
Carpe, fatigatis auribus æqua minùs.  
Cui bona simplicitas, vitæque modestia cordi,  
Hæc obeat parcâ prima Juventa manu.

Invalidam sustentat honos , pascitque Senectam :  
 Hinc vacet officiis laxius illa suis .  
 Hæc utrâque manu , per mutua verba vicissim ,  
 Quos gradus extollit , muniaque ampla , ferant .  
 Talibus absolvit plebem sed legibus usus ;  
 Reddere cui cultus publica signa fatis .  
 Debita quæ fuerint , persolve libenter , & ultrâ  
 Quàm debes , aliquid sponte vel adde tuâ .  
 Justus Eques nondum, sed plus quam hic Civis, habetur ;  
 Hunc Equitis justî devenerare loco .  
 Compellendus erit , quem nunquam videris ante ;  
 Ne pecces , titulo nobiliore voca .  
 Utere blanditiis sapienter : dextera cesset  
 Ut tua , multiplici fœnore dives eris .  
 Justa fluant primùm ; sin fortè receditur æquo ,  
 Paulò laxa magis pallia nostra volo .  
 Non tamen , ut totâ sim fabula turpis in Urbe ,  
 Syrma giganteum post mea terga trahens .  
 Sic ubi quæ debes , palmo persolveris æquo ,  
 Hæc face judiciis uberiora tuis .  
 Dexterior tibi fortè locus debebitur ; illum  
 Rejice ; sin urget turba sodalis , habe :  
 Innue quin potiùs te cedere ; remque latenter  
 Argutæ peragant voce tacente manus .  
 Hactenus urbanis parendum est ritibus : ultra  
 Addideris quidquid ; tempus inane teres .  
 Quâ modico nuper vix laxa patebat hiatu  
 Janua , rixantes unus , & alter erant .  
 Grande caput belli , qui primus in arcta subiret  
 Ostia ; spectator non procul ipse fui .  
 Tu prior anteeas : non fiet , protinus alter ;  
 Tu meritis potior , te præeunte sequar .

Debita quæque sibi contemnere velle, superbum est :  
Pugnatum fatis est ; me subeunte, præi .  
Profectura nihil cum verba videret uterque ;  
Visa est confertâ lis dirimenda manu .  
Hic trahit, hic retrahit, retrahentem fortiùs alter  
Adducit : dubio nutat uterque gradu .  
Rixa caleret adhuc ; falso sed poplite pressit  
Alter in alterius membra volutus, humum .  
Protinus inclamant : casum vicinia risit .  
Cum duo pugnarent, victus uterque fuit .  
Unde tamen patribus jam pridem incognita nostris  
Regna per Ausoniæ gliscere visa lues ?  
Hic cæremoniis sedes, hic Regia ; nusquam  
Videris has tantâ relligione coli .  
Hic & blanditias, & verba sonantia pulchrè  
Vendere compositis edidicere modis .  
Deme coloratis formosa putamina pomis ;  
Sub vacuo nucleus cortice nullus erit .  
Scilicet hinc nervis elanguit iëta refectis  
Virtus, quæ priscos condecorabat avos .  
Thraciaque hinc capto servilia vincla Quirino  
Est modò barbaricis ferre minata sonis .  
O Superi meliora ! feræ præfagia gentis  
Tradite Carpathiis dilaceranda Notis .  
Auguror : en, versis fugient Getica agmina signis,  
Pallidaque Odrysiâ cæde calebit humus .  
Est virtus, animusque, paresque in prælia vires :  
Thrax, melior nobis causa ; pudenda tibi est .  
Vincimus ut causâ, sic & vincemus in armis :  
Et Superi causæ consulere boni .  
Jam quatit Hungaricos numerofo milite campos  
Cæsar ; victrices jam sonuere tubæ .

Bosphorus, & Pharii tremuerunt ostia Nili :  
Jam minor in sese colligit Hebrus aquas .  
Ite bonis avibus ; vestris Victoria signis  
Militat , & facilem fertis in arma Deum .  
Jam caput in palmas vobis inclinat Idume ,  
In ferta & totis optat abire jugis .  
Prole nova Carolum populis plaudentibus auctum  
Augete , & regnis Numina sancta novis .  
Cresce puer , risuque tuam cognoscere Matrem  
Incipe ; vincendo mox imitare Patrem .  
Te Byzantinæ sua per suspiria matres  
Concelebrent : somno hæc nænia digna tuo .  
Mox ego bella Patris , præclaraque Cæsaris arma ,  
Ingenti , annuerit si Deus , ore canam .  
Dum loquor hæc , Erato nervis majora parantem  
Risit ; & urbanum perforce , dixit , opus .  
Et jam festa vocant urbis Spectacula vatem :  
Hic quoque , quæ vobis digna legantur , erunt .  
Si non barbaricis devincti colla catenis  
Anteunt currus , captaque signa Duces ;  
Si nec Oronteis adveſtaque Tigris ab oris  
Terret Romanas sanguinolenta nurus ;  
Sunt sua sacrificæ spectacula regia Romæ ;  
Quæque decent saturæ gaudia pacis habet .  
Mulciber igne potens quoties accitus in urbem  
Ludicra festivis ignibus arma movet !  
Aspice laxatis ut fontibus impleat ingens  
Æquor Agonalis vasta theatra Fori .  
Sunt quoque Flaminiae spectacula multa jocosæ :  
Non te , quin adeas , carmina nostra vetant .  
Cum Libyci laxantur equi de carcere , cumque  
Festa coronatus jam sua Bacchus agit .

Non-

Nonne vides quantos temo aureus Æmilianos ,  
 Nonne vides quantos currus Othonas agat ?  
 Laxius officiis hinc indulgete Quirites :  
 Publicus hoc vestræ postulat Urbis honos .  
 Scilicet hospitibus tunc fervent compita magnis ,  
 In quibus & Romæ plurimus hostis adest .  
 Quid , si fortè aliquis patrias ubi venerit oras ,  
 Multa super Româ gens & amica roget ,  
 Dixerit : est ingens , templis spectanda , viisque ,  
 Et procerum domibus ; comis at illa parum .  
 Quid loquor , externis Orator missus ab oris ,  
 Cum sacra Tarpei limina Patris adit ?  
 Tunc licet effusos per compita cernere currus ,  
 Et populum Româ deficiente premi .  
 Quæ te rixa manet cubitorum : Rustice longè !  
 Ah nimis impresso lædor ab ipse genu .  
 Quid facis o demens ? cum sis hoc corpore , saltem  
 Debueras patulâ fronte subesse procul .  
 Nec vos cæsaries cirris intorta magistris ,  
 Nec toga crispato fallat honesta sinu .  
 Sæpe sub egregiâ mendacis imagine cultus  
 Vile caput latitat : credulus esse cave .  
 Hoc quoque : sæmineum triviis undantibus agmen  
 Ut nullo passim more licenter eat ?  
 Non satiùs curare lares ? non verrere sordes ?  
 Immundæque foret pascere Cortis aves ?  
 Ite domum celeres , lanam mollite colendo ,  
 Nestoræque Aviæ , Priamidesque Nurus .  
 Vos quoque , vos raro spectacula visite , cælo  
 Quos monet addictos rafa , brevisque coma .  
 His ego deterior visis plerunque recessi ;  
 Non unquam melior ; me mea damna movent .

Ite per Exquilias , & sola Palatia bini ;  
 Ite , Quirinalis scandite montis iter .  
 Collis Aventini quem non clementior aer  
 Mulceat ? hîc totos me juvet esse dies .  
 Et modò cursantes spectarem in flumine lintres ,  
 Et modò curvatas mercibus ire rates .  
 Ruraque Pamphiliis intrarem grata Camœnis ,  
 Jugera non magni , sed bene culta , soli .  
 Et simul indigitans : hæc magnus in atria \* Princeps  
 Se confert Urbis sæpe perosus opes .  
 Sicubi mens toto fervercit Apolline , vix hæc  
 Docta volutantem carmina cella capit .  
 Versantem omnigenæ monumenta perennia famæ  
 Excipit hæc Domino bibliotheca minor .  
 Assidet ingenti gravis hic Torquatus Alumno .  
 Hæc Aligherio sella parata seni est .  
 Hæc comes in spondâ Petrarcha recumbit , & artis  
 Pandit inexplicitas interioris opes .  
 Pompa manet major ; spectacula parva faceffant ;  
 Explicat en totum par sibi Roma jubar .  
 Ecce triumphali scandit Capitolia ritu ,  
 Claviger ut capiat publica sceptrâ Pater .  
 O quales videas educi ad fidera moles !  
 Quanta coronatis pegmata stare viis !  
 Ille Deum sacræ testatus frontis honore  
 Format adorâtâ signa verenda manu .  
 Regnet , Io , longum Pater Innocentius , Urbem  
 Sospitet hanc : populi plausus ubique sonat .  
 Da Pater , oh , fruges , da publica commoda vitæ ,  
 Adde levaturam tempora mortis opem .

Flos

---

\* Eminentiss. & Reverendiss. S. R. E. Card. Benedictus Pamphilj .

Flos procerum, lætisque Patres, Princepsque Juventus  
In lemniscatis alta renidet equis.

Fac aliquis lateri peregrinus adhæreat hospes;  
Multaque te cursim nosse docente velit.

Qui labor ignarum per singula ducere? saltem  
Innuce purpureos, nomina certa, Patres.

(1) Hic est [nosce Senem per magna negotia tritum]  
Cui Themis agnomen Judicis alta dedit.

(2) Spinula pone subit: qui sit, Germania testis;  
Ille Palatini fulcit Atlantis onus.

(3) Annibal hic, sed pone metum; vetus ille timendus  
Quam fuit; hic tanto dignus amore recens.

(4) En Coradinus adest; docti geminate Quirites  
Obsequium; dantis Principis ille Manus.

Hæc ubi præstiteris, tibi protinus advena grates  
Reddet, & o, dicet, comis amice, vale.

At vos sic raptim præconia vestra canenti  
Parcite purpurei, Regia turba, Patres,

Non animus vati, sed latior area desit;  
Area fac adsit commoda, quantus ero!

Nempe ego te meritis præstantem insignibus, Urbis,  
Aquaviva (5), decus grande filere velim?

(6) Natus ad imperium quam sis, Renate, docerem,  
Mensque tibi ut vires suggerat ampla pares.

(7) Ottobonum canerem? quàm justo carmine vellem,  
Grandia magnifici Principis orsa loqui!

Quid splendoris habet, quid Gallia nominis, unus  
Edite Regali stirpe, Roane (8), doces.

De-

---

*Eminentissimi ac Reverendissimi S. R. E. Cardinales. (1) Franciscus Giudice. (2) Georgius Spinula à Secretis Innocentii XIII. P. O. M. (3) Annibal Albani. (4) Petrus Corradini Prodaturus. (5) Franciscus Aquaviva. (6) Joseph Renatus Imperialj. (7) Petrus Ottoboni. (8) Armandus de Rohan.*

Denique, quæ Latii Majestas clara Senatus ;  
Dicere, dulce mei carminis esset onus .  
Hæc ego conarer ; sed plura efferre parantem  
Ad mea pensâ iterum durus Apollo vocat .  
Quid tibi præcipiam de ludis ? hic quoque restat  
Actus ; & hic virtus undè probetur , habet .  
Vidi ego quem gravitas , quem frons operosa tegebat,  
Non semel hic animi signa dedisse levis .  
Prodîmur interdum studio fallente soluti ;  
Et rimas animus sæpe remissus agit .  
Sunt qui fortuitò , nullâque reguntur ab arte :  
Arte alii constant , quâque regantur , habent .  
Effuge fortuitos : mala fors dominatur in illis .  
Tu tua fortunæ credere vota potes ?  
Ludere par impar , digitisque micare rotatis ,  
Quis dubitet , nostrâ cantus an arte vetem ?  
Ah , talis prohibete manus fallacibus : ossa  
Lingat apud stygios Cerberus ista lacus .  
Est quoque , quæ præfert regalia signa , papyrus ,  
Multiplici varios picta colore sinus .  
Dixeris : hæcne tuis prohibemur legibus uti ?  
Fortunâ siquidem constat , & artis ope .  
Lude : supercilio non sum , mihi crede , severo :  
Non cecidi summo tertius Axe Cato .  
Sed cave sit præceps , cave sit tamen alea pernox ;  
Stulta nec antiquas alea perdat opes .  
Lude minutatim ; procul hinc procul exulet aurum :  
Quæ minimo solvas æra dolore , probo .  
Sed ludis cùm fortè queas levioribus uti ,  
Cur teneat cupidus alea vafra manus ?  
Est cancellato pila fuste levanda per auras ;  
Tensa cave fugias retia , victor eris .

Aspi-



Aspicias ut tumido se follis ventre per auras  
 Circinet, ingenti subfiliatque gradu?  
 Ludendi modus haud simplex: vel calcibus illum  
 Tolle, vel obnubens brachia trudat Acer.  
 Est pila, pulvereo quæ tramite fagina fertur,  
 Grandibus atque solum trudibus acta quatit;  
 Est quæ mensa cavis subsidit hiatibus anceps,  
 Missile quâ certâ lege rotatur ebur.  
 Si tibi sunt firmæ vires, primum elige ludum;  
 Ludus, qui gracilem juverit, alter erit.  
 Est & tesserialis bicoloribus area pugna;  
 Area & hæc digitis sæpè terenda tuis.  
 Est quoque militiæ peragendus imagine ludus;  
 Aspicias; pugnant agmen utrinque putes.  
 Hunc luisse velim, si mentis acumine præstas:  
 Non facit ad tardos tessera docta viros.  
 Hoc sibi, quid mirum, Palamedes vindicat auctor,  
 Ingenio, dubium, major, an arte manus.  
 Hinc armis quæsitæ quies, cum Marte decenni  
 Protraherent lentos Pergama fera duces.  
 Hoc Ajax, hoc sæpe ferox ludebat Achilles:  
 Hoc Stenelusque sagax, Actoridesque puer.  
 Publicaque Argolici qui mens, qui lingua Senatus,  
 Hoc solitus noctem fallere Nestor erat.  
 Tu quoque qui linguâ, qui Nestora moribus anteis,  
 Purpureæ columen grande decusque togæ,  
 Hinc solitus, Corfine, tuis accersere curis \*  
 Otia; vel ludens par tamen ipse tibi es.  
 Juro per Aonios, mihi maxima Numina, fontes.  
 Et per quidquid habent Regna canora sacrum;  
 Nau-

\* Eminentissimus & Reverendissimus S. R. E. Card. Laurentius Cor-  
 fini.

Naupliades tecum certet ; devictus abibit :  
 . Dicet & , inventis sum minor ipse meis .  
 Certet Atlantiades tecum ; quos ille moveret ,  
 Excuteret celeri dexteritate dolos .  
 Dicet & admirans artem ludentis Apollo ;  
 O quantum hic nostri magnus Alumnus habet .  
 Quid quod nobilium tua sic patet aula coronæ ,  
 Ut melior redeat moribus aucta tuis .  
 Adde quod , & doctis fervent conventibus ædes :  
 Angulus ille sophis , vatibus iste patet .  
 Multum Roma tuis debet virtutibus ; esto :  
 Deliciis debet non minus illa tuis .  
 Ergo memor nostri , fueris quicunque , libelli ,  
 Hæc servata tuo pectore semper habe .  
 Ite procul , tristesque minæ , rixæque procaces ,  
 Gaudiaque inmodicis exululata sonis .  
 Viceris ; & nummos lusoria mensa paratos  
 Offert ; cunctatrix auferat æra manus .  
 Æra , licet victus , nondum hic numeravit , amico ;  
 Ut solvat , monitum comiter ore velis .  
 Dignior adveniet ; nec pluribus apta ferendis  
 Mensa : jube partes impleat ille tuas .  
 Vidi ego , qui totis se se demitteret ulnis  
 Victor , & injectâ raderet æra manu ;  
 Quique procax crebris diduceret ora cachinnis ,  
 Surgeret , alternas concuteretque manus .  
 Quam malè cantillas , & mensam pollice pulsas ,  
 Verba ferens dubiis suspiciosa notis .  
 Tunc quoque parcendum salibus : victoria victum  
 Intempestivis urit amara jocis .  
 Jurgia discedant : odi , cum rupta boatu ,  
 Redde meum , clamant atria , tolle tuum :

Ve-

Vela legit, portumque subit vix fune soluto,  
Qui dubias primo flamine sensit aquas.  
In sua molle pecus subducit ovilia pastor,  
Cum pluviae signum garrula fecit avis.  
Tu nova quid pergis per damna laceffere sortem?  
Si minus hæc fuerit dextera, vela refer.  
Vela refer, portumque subi; res credula ludus.  
Si non vis ultra perdere, perde semel.  
Quid miser hic moneam, ne bile incensus amarâ,  
Iratâ laceres ludicra signa manu?  
Quodque magis fuerit, ludum mirante coronâ,  
Ne rumpas tristes ore sonante minas?  
In tua neve voces superos mendacia testes,  
Deducens omnes torvus ab Axe Deos?  
Sed non roboreo doceo de stipite natos,  
Quosque ulnis aluit torva Megæra suis.  
Qui spectator ades, tantum spectare memento:  
Nec serat invisos garrula lingua sonos.  
Innue nil oculis, neu sis nugator ineptus;  
Nec cubito quenquam multa docente premas.  
Arbiter eligeris; certamina tolle sequester,  
Constanti referens, quæ tibi visa, fide.  
Hæc mihi sat fuerit monuisse: sed avolat annus  
Interea, celeri vectus ad astra rotâ.  
Jam caput October cinctum frondente coronâ  
Extulit, & Baccho fervida musta tument.  
Ecce quies Anni; cessant fora rauca, clientum  
Ad rixas, surdâ stertit & aure Themis.  
Jamque capillatos de more magister Ephebos  
Liberat: ad tempus garrula transtra tacent:  
Me quoque par subiit circumfusa rura cupido  
Visere: Pieridum turba valete brevî.

Quin

Quin magis o mecum Latias paulisper in oras  
Cedite ; & hic etiam , quod doceatis , erit .  
Ille tuos subeat , nemoralis Aricia , colles ,  
Antraque congressu nobilitata Numæ .  
Hic juga Telegoni sublimibus ardua villis ,  
Te petat hic clivis molliter Alba tumens .  
Ast ego Tybur amem ; me Tyburis ora supini  
Allicit ; irriguis ora salubris aquis .  
Quid mihi vobiscum platanorum ingloria pæbes ?  
Cultaque regali rura supercilio ?  
Me juvat arte carens , & non fucata voluptas ;  
Spontè parata sequor ; nil operosus amo .  
Hic modo fatidicæ properarem in templa Sibyllæ ,  
Templa vetustatis penè verenda situ ,  
Et modò cunctantem revolutus monte teneret  
Inter præcipites trux Anienus aquas .  
Nunc Mecænatem baculo subnixus adirem ,  
Nunc canerem antè tuas , Flacce diferte , fores .  
Tu modo quisquis eris , sic proxima rura subibis ,  
Urbis ut oblitus non videare tææ ,  
Hæreat hæc oculis , hæc hæreat insita cordi :  
Illius ad normam dirige , quidquid agis .  
Multa tamen nostri connivent rure libelli :  
Non mea de tetricis Musa Deabus erit ,  
Vestis , & ornatus minùs hìc operosa supellex  
Sit tibi : simplicitas rura , nemusque decet .  
Indica , dum gradieris , gressus sustentet arundo :  
Hæc tibi pro famulis , hæc tibi currus erit .  
Pone supercilium , cùm rure moraberis , Urbis :  
Fronsque nec indigenas obruat alta rudes .  
Curia parva quidem , sed Curia : purpura Patres  
Crassa suburbanos velat ; honora tamen .

Quid

Quid mihi Roma tumes? tua si primordia spectas,  
Ipsa etiam, dices, campus & herba fui.  
Parcius officiis hinc utere: desipit, urbis  
Tædia qui secum, vel procul urbe, vehit.  
Discursare vagum, dominas ambire quadrigas;  
Et procerum lateri continuare latus;  
Concubiâ cætus producere nocte loquaces,  
Ludere, inexhaustâ ducere vina manu;  
Hoc est ingenui corrumpere gaudia ruris.  
Hei mihi quàm multos decipit iste furor!  
Indè redux aliquis maciem præposterus affert;  
Protinus & medici postulat æger opem.  
Quem non aucupii delectet honesta voluptas?  
Aucupis in morem falle latenter aves.  
Nec pudeat crasso tunicatum incedere cultu,  
Aut lateri peram supposuisse tuo.  
Sibilus ære cavo de collo pendeat aptè:  
Mentitos volucrum disce referre sonos.  
Hinc poteris curtæ supplere peculia cænæ;  
Hinc poteris totâ stertere nocte satur.  
Præda redundabit; dulces asperge sodales  
Parte tuæ prædæ; sic benè comis eris.  
Quem minùs ista juvant; hic psallat, inambulet, oret,  
Lectitet, exscribat: rus quoque Pallas amat.  
Mitte crumenisecæ clamosa volumina Baldi  
Ad tempus; genium solvat Apollo tuum.  
Quo me rura vocant? cur hæc prolixius æquo  
Persequor? o veniam, Lector amice, dato:  
Ruris amatrices quis nesciat esse Camænas?  
Quid mirum, hic vates si quoque tangit amor?  
Ast ego præcipuè; nam quæ mala tempora nostris  
Urbibus incumbunt! ruris amore trahor.

Fal-

Fallere , mentiri , stantem pervertere , plausus  
Fingere , vipereos corde fovere dolos ,  
Hoc balbi docuere Senes , didicistis Ephebi :  
Hoc viget ; hoc Urbis vivere more vocant .  
Juppiter humanâ lustrabat imagine terras ,  
Fidus Atlantiades cui comes unus erat .  
Virga gradum firmat : fluitabat mantica tergo ,  
Exhaustis levior mantica facta cibis .  
Deque viâ fessos , longisque erroribus actos  
Cœperat occulto vellere dente fames .  
Ostia , quod possunt , pulsan de more per urbes ;  
Exiguamque petunt supplice voce stipem .  
Exilit , & paulum referans ancilla fenestram ,  
Quam petitis , præstet Juppiter , inquit , opem .  
Atque aliquis , falsâ reputans sub imagine fures ,  
Oh faveat vobis , dixit , Atlantiades .  
Juppiter interea ; quænam gens incolit Urbes  
Ferreæ ? ut in miseros faxea corda gerit !  
Tentemus silvas : prisca pietatis imago ,  
Et pudor in filvis fortè superstes erit .  
Non procul exiguo surgebat villula tecto ;  
Prodidit hanc index fumus ; adire placet .  
Ostia vix pulsan ; pulsanibus obvia limen  
Pandit , & , o Juvenes scandite , Baucis ait .  
Præstat idem tremulâ senior cervice Philemon :  
Prolis uterque expers ; hi duo tota domus .  
Juppiter , o prisca , dixit , virtutis imago ,  
O quos longævus penè sacravit amor !  
Urbibus ejectos cunctis , ludibria vulgi ,  
Hæc tandem miseros excipit una domus .  
Hæc inter ; parvamque casam , tectumque subibant ;  
Parva , sed ingenuo munda nitore domus .

An-

Antevolat Baucis , farmentaue largiùs igni  
Addit , & exanimes promovet ore faces .  
Olla áderat privata focus , quæ jure fuillo  
Caulibus immisto , cœna duobus erat .  
Additur hospitibus tum lacti concolor hædus ,  
Seposita in festum mensa beata diem .  
Ipse præest ollæ , roburque saporibus addit ,  
Quiddam dulce afflans , fœmineumque cibis .  
Segnior haud illâ nitidum mantile Philemon  
Explicat : hîc crater : ponè Lyæus erat .  
Discumbunt , varioque epulas sermone morantur  
Numina ; nec Baccho parcit avara manus .  
Quoque minùs parcit , cyathosque benigniùs haurit ,  
Semper inexhaustus dat nova vina calix .  
Sensit ubi Baucis succrescere sponte Lyæum ,  
Numen adest , clamat territa , Numen adest .  
Djque senectuti faciles ignoscite nostræ :  
Simplicitas certè crimine nostra caret .  
Juppiter interea Numen cœleste fatetur ;  
Visus & est , cœli quantus in arce tonat .  
Confirmansque Senes ; veniam vos poscitis , inquit ,  
Et mihi vix grates reddere posse datur .  
Templum erit ista domus , jam non habitabilis ultra :  
Tanti est hospitio demeruisse Jovem .  
Et vos ite malæ vestris cum civibus Urbes ,  
In quibus antiquus degeneravit honòs :  
Hæc ubi dicta ; solum celeri vertigine volvi ,  
Inque suâ parvi fidere mole lares .  
Proque casâ Templum subito venerabile surgit ;  
Et jussi templo ritè præesse senes .  
Quæque suis Superos pepulerunt finibus , Urbes  
Obruit effusus vastus hiatus aquis .

Protinus in ranas cives abiere : molestum

Nempe peregrinis , hospitibusque genus .

Pauca quid hospitii nunc condere jura vetamur ?

Has quoque sustineas , parve libelle , moras .

Annuit : ecce tuas ocreis vallatus ad ædes ,

Provectaque madens nocte sodalis adest .

Quid , si non monitum te fecit epistola ? quid , si

Non ad condictum venerit ille diem ?

Surge toro properè , charumque amplexus amicum ,

Nocte moraturas in sua colla manus .

In tua deinde manu pressum conclavia duces ,

Fartus ubi plumâ commodiore torus .

Tunc modicos cœnæ velit excusare paratus ,

Utque boni vultum consulat ille , roga .

Altera lux mensæ fac damna rependat iniquæ

Lautior ; at dives nolo sit illa nimis .

Hospitium exercet nimium qui largiter , ille ,

Quem recipit , longè comiter ire jubet .

Displicet hoc meritò : quid si frons aspera rugis

Hunc fuget , & tacito nutus in ore loquax ?

Quique dies instare minùs peragrantibus aptos

Succinit , indubiæ garrulus auctor aquæ ?

Tu quoque digrediens alienas hospes in ædes

Quid malè suspectas protrahis usque moras ?

Effeda , servitium , curto cauponula tecto

Fac capiat ; domino sic leve pondus eris .

Quin , simul in sedes fueris delatus avitas ,

Protinus hospitii fac videre memor .

Officiosa tuâ pararetur epistola dextrâ :

Non tamen hæc sterilis pignus amoris eat .

Adjice quæque tuam deceant munuscula sortem ;

Quæ patrii fructum dixeris esse soli .

Hoc



Hoc fumus ingenio pars pleraque ; commoda tantùm  
Ut sua , præterito quisque pudore , velit .  
Quis non , cum valeat , medicos contemnit ? & idem  
Ad medicam supplex confugit æger opem .  
Ille tuus fautor , quo dudum exceptus amice es ,  
Casus , in urbe tuâ , sic tulit , hospes adest .  
Hæc mora nota tibi ; lux est jam tertia ; cessas  
Visere ? quid cessas Rustice ? redde vicem .  
Quod si noluerit , precibus compelle , dolosque  
Adstrue ; quàm dulces sunt in amore doli !  
Quid , si fortè , tuâ cum se feret obuius urbe ,  
Hospitis effugias prætereuntis iter ?  
Ostia pulsanti quid si te dicat abesse ,  
Mentitus falsi nomine servus heri ?  
Non tamen hoc quenquam deterreat ; ire per urbes .  
Quo minùs , & patriam deseruisse velit .  
Ite vagi , terrasque bonæ lustrate Parentis ,  
Ite per immensæ tecta rotunda domus .  
Tædia multa viæ , terræque , marique subibunt ;  
Hei mihi , desertos sæpe querere lares ,  
Perge : viæ pretium laturus grande ; redibis  
Auctior ; hoc quamvis sola crumena neget .  
Quos tu non mores populorum , insignia , ritus  
Noveris , inque suos regna dirempta gradus ?  
Qui Ligurum splendor , cultæque opulentiæ gentis ,  
Quantus in Allobrogum finibus extet honos ,  
Ut vigeat , semperque recens adolescat , & ævum  
Nesciat , Adriaci Fœmina magna maris ,  
Quàmque tenax recti sit fortis Iberia , quantus  
Lusiacos teneat relligionis amor ,  
Quàm solers sit Belga , potens quàm classe Britannus ,  
Quàmque sit Urbanæ Gallia laudis amans ,

Hæc tu de facili properante docere curru .

Doct̃or Iter multis & via longa fuit .

Cætera deficiant fac commoda : comis avitos

Crede mihi repetes , rusticus ante , lares .

Ille tumens animus patrii mirator agell̃i ,

Quique suæ reputat singula nata domi ,

Concidet ; ingentes simul advena veneris urbes :

Constat ab eventu iudice certa fides .

Quidam nup̃er erat levis ostentator avorum ;

Jactabat stultas , stultior alter , opes .

Casus ubique valet : Romam contendit uterque ,

Jam non garrit opes alter , & alter avos .

Ille suos inter patrio plaudente theatro

Doct̃us habebatur ; nec , puto , stipes erat ;

Parisiis venit , studiorum , & Palladis arcem :

Venerat huc doct̃or , moxque docendus abit .

Infelix ! primis qui quam vagitibus infans

Impulit , hac balbus repit in æde senex .

Ultima regna putat qui proxima rura , suumque

Natura urgeri deficiente latus .

Hospes es , & patriis absens à finibus , effer ,

Quam potes , ingenium gentis , & Urbis opes .

Singula laudato ; si quid tamen eminet illic ;

Hoc memori excipiat parva tabella notâ .

Vestigare tamen , si quæ magis abdita , noli ;

Submissum furtim ne quis ab hoste putet .

Quid geniumque loci , Patriæ quid commoda stultus

Effers , dum peragras extera regna , tuæ ?

Uritur auditor ; tum quid nos laudibus hospes

Obruit his ? patriam deperit ; ergo petat .

Jungite equos , pelagi consternite puppibus undas :

Non levis est patriâ fructus abesse domo .

Au-

Aurea sopito pellis rapienda dracone ,  
 Peliacæ fuerint præmia digna ratis .  
 Te fortis , fatigue manet Prudentia victrix ,  
 O' magis Argoo vellere digna peti !  
 \* Alvare tu testis [fileat modò docta parumper ,  
 Pagina , cui toto plauditur orbe , Sophòs !]  
 Quas tu non gentes scrutatus , & extera regna ?  
 Qui tibi non mores , fœdera , jura patent ?  
 Hinc nativa tuæ crevit solertia mentis :  
 Altaque consilii lampas , & usus adest .  
 Luce procul Cynicus , rebusque averfus agendis  
 Deliteat ; populi scurra , latrator iners .]  
 Doctus Aristippus magnis se regibus aptet :  
 Publica procuret commoda , profit , agat .  
 Præmia non captet ; si præmia ceperit , uti  
 Noverit , & meritum majus honore probet .  
 § Principibus placuisse viris non ultima laus est :  
 Hoc malè quam multis cesserit , aula docet .  
 Alvare , quid mirum , Latiis te fascibus auctum  
 In sua si dudum frena coegit honor ?  
 Hic quoque Cæsareo delatus nomine crevit :  
 Et Majestatem res data dantis habet .  
 At tu quo properas pennis majoribus use ?  
 Si sapias , ignotus vive libelle domi .

E 3

DE

\* *Eminentiss. & Reverendiss. S. R. E. Card. Alvarus Cienfuegos S. J. edicis præferebat de ineffabili SS. Trinitate Mysterio libris Scriptis præclarissimus.*

§ *Hærat.*

# DE VITA URBANA

## LIBER TERTIUS.

**U**Rbanos jam tempus adest componere cœtus :  
 Verbaque per certas conseruisse vices .  
 Non locus hic tetricis : fuge Rustice , quique severi  
 Grande supercilium fronte Catonis habes .  
 Ite procul scurræ viles , mimique protervi ,  
 Et cui plus iusto lubrica lingua sapit .  
 Omnibus o rebus præstantior una voluptas !  
 O quæ non vitæ pœnituisse facis !  
 Exilium tu sola levas dulcissima nostrum :  
 Nec pateris tristes carceris esse moras .  
 Præ te mella minùs sapiunt Hyblæa palato ,  
 Quique sitim recreat limpidus humor aquæ .  
 Præ te camporum necnon viridissima sordet  
 Scena , vel artificii facta tabella manu .  
 Parva loquor : me finge rotam conscendere Solis ,  
 Finge per incurvas ætheris ire vias ;  
 Hic mihi divitias quantumvis aggere magnas ,  
 Delicias plenâ , quàm libet , adde manu ;  
 Si tamen alloquio caream , mihi nulla voluptas  
 Suppetet ; atque inter tot bona pauper ero .  
 Deme voluptatem miseris mortalibus unam hanc ,  
 Nullus , qui vitam sponte subibit , erit .  
 Vel fera , vel Deus est , quem non commercia vitæ  
 Mutua delectant ; non Deus ; ergo fera est .  
 Quin Deus arcanis nostras illabitur aures  
 Vocibus ; æternum verbaque pondus habent .

Quo-

Quoque minùs dubites, circumspice quâ patet orbem,  
 An non ille Dei grande loquentis opus?  
 Adde quod ante Chaos solus non ille, sed unus:  
 Atque aliquis, cum quo colloqueretur, erat.  
 Sed quid ego majora meis nunc viribus ausim?  
 An gracilis tantum musa sonabit opus?  
 Me Casa jamque suos iterum compellat in hortos:  
 Unde legam capiti laurea ferta meo.  
 Principio placuisse velis, placuisse labora:  
 Hæc sit colloquii meta, caputque tui.  
 Unde tamen placeas (ars est nam certa placendi)  
 Quisquis es, hic paucis nostra Thalia docet.  
 Quem non obsequium, quem non reverentia vincat?  
 Hæc tibi sunt geminâ tela tenenda manu.  
 Venerit alloquii causâ novus hospes in ædes,  
 Obvius huic patulâ fronte decenter eas.  
 Hic præeat, tu ponè sequens stipabis euntem;  
 Tu famuli partes, ille jubentis agat.  
 Principis hunc fellæ dignabere pronus honore:  
 Teque brevi teneat fellula curta sinu.  
 Sunt quoque solemnes, quos noveris ordine, ritus;  
 Verbaque dimidios nata referre sonos.  
 Pes quoque verrat humum flexâ cervice frequenter,  
 Si cupis officio pondus inesse tuo.  
 Si nihil occurret; valeat, de more rogabis,  
 Nec ne; recens ecquid rumor in urbe ferat:  
 Ut nova se primis feges ostentarit in herbis:  
 Quas monstret Pallas, quasque Lyæus opes.  
 Si vetus hospes erit, longoque domesticus usu;  
 Est illi ut quædam proximiora roges;  
 Ut valeant parvusque nepos, & nubilis annis  
 Filia, vel quid agant, turba pudica, nurus.

Si novus hospes erit, res quærere parce repostas,  
 Est quod te monitum terque quaterque velim.  
 Res est sancta Domus, sancti mihi crede Penates:  
 Lar facer, & totâ quidquid in æde sacrum est.  
 Non tamen est cultus tibi par adhibendus in omnes;  
 Dispar, pro merito dispare, cultus erit.  
 Hic ætate præit; sua sit reverentia Canis:  
 Hic titulis; cultor Nobilitatis eris.  
 Et cole Palladiæ præeuntes arte palæstræ,  
 Et cole, quis doctum pectus Apollo rigat.  
 Præcipuo sacris operantes excipe cultu,  
 Quosque procul turbâ Clausura verenda tenent.  
 His assurge prior, præverte salutis honorem:  
 Est aliquid magno posse litare Deo.  
 Sed tamen his meritum facile est impendere cultum;  
 Excipe ad hæc iusto comis honore pares.  
 Proditur in minimis tamen hic; venientibus offer,  
 Si sit nulla super fella parata, tuam.  
 Innue, si tunicæ pulvis turpaverit oras,  
 Vel te clam pulvis decutiente cadat.  
 Exciderit digitis argentea theca remissis,  
 Curvus ab immundâ protinus effer humo.  
 Perge age; quem primis reverentia vicerit armis,  
 Arcius obsequio demerere tuo.  
 Sed prius explora, num Palladis arma secutus,  
 An magis Astrææ militet ille foro.  
 Carmina si pangit, vatem gratabere musis:  
 Dignaue Mæonio dixeris ore loqui.  
 Si solitâ fertur vagus ambitione per urbem,  
 Area, dic, meritis sternitur ampla tuis.  
 Si procul urbe suo vivit contentus in ære:  
 Frugiferum vitæ dixeris esse genus.

Lætus erit ; lætâ dederis te fronte videndum :  
Si lepidus ; comptos tu quoque sparge fales .  
Hei mihi ! virtutis via quam penè invia , utrinque  
Scinditur in præceps , antraque cæca patent .  
Inter monstra diem Phœbus vehit ; æquore secto  
Lampada non lævus , dexteriove regit .  
Scyllaque Trinacrias ex æquo adeuntibus oras ;  
Atque cavenda suis vasta charybdis aquis .  
Non secus & scopulis urbana latentibus anceps  
Est via ; directum carpe viator iter .  
Vilis adulator blandissima verba sub aures  
Garrit , & , ut placeat , nil sibi turpe putat :  
Riseris , arridet : si frontem obduxeris , ecce  
Mœret , & ex animo signa dolentis habet .  
Quidquid damnaris , quamvis sit jure probandum ,  
Protinus ad stygios deprimit ille lacus .  
Quidquid laudaris , quamvis sit jure notandum ,  
Protinus in cælum laudibus ille vehit .  
Me duce , certa tibi fac sit mensura placendi ,  
Urbani quisquis nomen honoris amas .  
Scilicet ut placeam vilis nugator in urbe ,  
Turpiter ipse mihi degener esse velim ?  
Non honor ante oculos , non lex sit sancta decori ?  
Et tua transiliam jura verenda , Pudor ?  
Non tot humus vario submittit germine flores ;  
Non tot alit pictas Sicelis Hybla rosas ,  
Litora non conchis tot versicoloribus albet ;  
Quàm studiis homines diffita turba sumus .  
Hunc rapit attonitum ventrisque gulæque voluptas :  
Ille inhiat solas turpis avarus opes .  
Sunt quibus una animo est oculorum operosa libido :  
Hunc capiunt modulis vasta theatra suis .

At

Ast ubi colloqui tempus, placet una voluptas,  
 Et lepor, & causas quidquid amoris habet.  
 Ergo nihil facies, sibi quo videatur amari  
 Quis minùs, in pretio nec fatis esse tibi.  
 Sed tamen interdum malè prodimur: occule flammam,  
 Protinus occulto flamma nitore micat.  
 Quis tussim, dum quassat agens pulmonis aquosi  
 Vincula, contineat? subsilit illa magis.  
 Occule sic genium, genio nudaris ab ipso.  
 Ad latus heu semper proditor ille sedet!  
 Quid cum verba seris lentus subfrigida; quid cùm  
 Dimidium profert, vix benè, lingua Vale.  
 Verbaque præcidis, si fortè supervenit alter;  
 Aut tussim simulas, aut pede scalpīs humum.  
 Proferat ille sales; vix gutture plaudis amaro;  
 Nuncia depromat; nuncia falsa doces.  
 Ad quæsitā nihil respondes; avolat illinc  
 Mens tibi; stas ipso durior Harpocrate.  
 Ecce mihi quidam fore se jurabat amicum,  
 Plus quam Theseā tempus in omne fide.  
 Oscitat hæc inter; falsi mihi pectoris index,  
 Quis putet? oscedo protinus illa fuit.  
 Scilicet invitā te mecum mente morari,  
 Ut mihi verba negent, ore patente doces.  
 Turpior est somnus: cave somnum, ubi mutua jungit  
 Verba per alternas densa corona vices.  
 Sæpe tamen vidi, pulvillo ex tempore factō,  
 Hic aliquem fronti supposuisse manum.  
 Jam tuba, jam rhonchus, jam fortior exit ab ore  
 Spiritus: en somno lumina victa jacent.  
 Horrida quæ species! femoralibus undique laxis  
 Cum pateat, quidquid mosque, pudorque tegunt.  
Hor-



Horrida quæ species ! spumantibus undique labris  
 Cum fluit in madidas spissa saliva genas .  
 Quid, qui, dum loquitur, sua terga loquentibus offert,  
 Vastus & accubitu liberiore jacet .  
 Quid , qui sæpe vagus nunc hos , nunc se vocat illos ,  
 Ut tacitis quiddam ponat in aure sonis .  
 Sæpe latus socii cubito ferit alter adaesto ,  
 Vel super alterius terga recumbit iners .  
 Crimina parva quidem, nec pondus habentia magnum,  
 Parva sed ut fuerint crimina , fœda tamen .  
 Mole carent fateor ; numero sed vindice pugnant :  
 Non est quod timeas grandia , plura cave .  
 Quo , nisi collectis mare guttis constat aquarum ?  
 Quo , nisi congesto pulvere constat humus ?  
 In minimis labor est ; minimas evadere noxas  
 Hoc opus ; hîc nostræ vertitur artis honos :  
 Quid mihi vobiscum , Parnassia turba , sorores ;  
 Numina cultori semper iniqua suo ?  
 Cur non magna cano ; jubeorque ex omnibus unus  
 Rebus in exiguis detinuisse lyram ?  
 Et mihi sunt vires , & pectus Apolline dignum ,  
 Cultaque per numeros prima juvenia suos .  
 Non satiùs magni me Cæsaris arma canentem ,  
 Ire per Odrysiæ funera gentis erat ?  
 Non satiùs Libyco perfusam sanguine Septam  
 Dicere , vel palmas , fortis Ibere , tuas ?  
 Quam mihi materiem tanto sub Principe Roma ;  
 Quam segetem Princeps tantus in Urbe dabat !  
 Num deerant latius monumenta tot inclyta famæ ,  
 Cogitur unde novæ cedere fama vetus ?  
 At nunc colloquium (pretiū quod grande Camœnæ est)  
 Ad numeros superest posse vocare meos .

Sit

Sit caput erectum, sit celsa figura loquentis;  
 Gesticulis, moneo, parcat inepta manus,  
 Carminis hoc nostri caput est; hæc Phœbe canenda,  
 Das mihi magnificâ grandia bella tubâ.  
 Esto: contigerit mihi non modus amplius agelli:  
 Cur etiam sterilis semper arandus ager?  
 Finge per Astrææ fora me clamosa vagari,  
 Vendentem attonitis tristia jura reis;  
 Finge tuas artes, atque altera regna secutum  
 Paucula Pergamei dogmata nosse senis;  
 Quam me ventoso per gentes-fyrmate ferrem!  
 Quam foret aggesto sordidus ære sinus!  
 At nunc tantorum merces quæ parta laborum;  
 Dum tua signa sequor, Cynthie? dicor iners.  
 Atque aliquis; quæ verba magis subtristia pungunt;  
 Quid nostros Vates obsidet iste lares?  
 Ergo lyræ valeant, valeat decoctor Apollo:  
 Vela legam; turpe est desipuisse viro.  
 Plura locuturum; nam me meus ardor agebat;  
 Injectâ tenuit torvus Apollo manu.  
 Mox ait: hæcne mihi, vates ingrate, rependis?  
 Hæc est pro meritis parta querela meis?  
 Scilicet obtigerit quod, cum fatis oris haberes,  
 Materies musis non fatis ampla, doles.  
 An tu parva vocas, quorum sine munere vita  
 Orba suis numeris, & rudis usque foret?  
 Anne ego subjectâ sine fruge volantia ferrem  
 Verba, locuturis jura nec ulla darem?  
 Scilicet ut ferrem, cum quis crocitantis aheni  
 Instar ab insulso promeret ore sonos?  
 Qui non mente prius narranda revolvat, inertem  
 Quidquid & in buccam se dedit, ore vomat?

Qui

Qui fileat dicenda, silendaque pluribus ornet  
Mucidus, & fociis tædia longa creet?  
Hæc tu parva vocas? magnis agitanda Poetis  
Sed tamen; in parvis gloria major inest.  
Saxa quid Amphion dictus traxisse canendo,  
Fluminaque ad Geticæ pleetra stetisse lyræ?  
Nempe rudes homines civilis semina vitæ  
Quodd primi numeris edocuere suis.  
Hæc tibi, quæ magnos exercuit area vates,  
Hæc datur: hanc audes jure vocare brevem?  
Hactenus ut Vates; quid, cum sublimis Olympo  
Exspatior fulvis, luminis auctor, equis?  
Non ita suspicio, testor te Juppiter, ignes  
Sive tuos, Helice, sive, Corona, tuos;  
Non Martis, Venerisque jubar sic detinet, aut qui  
Mane pruinoso Lucifer axe præit;  
Quam, quæ parva viam lactis candore micantem  
Sidera multiplici texta nitore notant.  
Hic ego defigor curru mirante parumper:  
Hæc beat, hæc nostrum sola moratur iter.  
Nempe placet textura frequens, candorque nivalis,  
Quique sub exiguis ignibus ordo latet.  
Quid tu, sola putas mihi carmina magna probari,  
Dictaque grandiloquâ bella cruenta tubâ?  
Quin magis admiror tenui quæ condita filo,  
Si modò quid solidæ carmina frugis habent.  
Hæc placet, hæc magnos extollit ad æthera vates;  
Hanc ventura probant sæcula, lector amat.  
Prima tuæ, Vates, pars est purgata querelæ;  
Altera nunc paucis expedienda manet.  
Quod scelus admisi, vitium quod temporis hujus,  
Si res Aoniis friget iniqua choris?

Au-

Auguror ipse tamen, nunquam mentitur Apollo,  
 Parta mihi in castris laus erit ampla tuis.  
 Nec mihi de nostris repetenda oracula Delphis,  
 Ipse domi sortes unde petantur, habes.  
 \* Militiæ Dux ille tuæ, quo Præside freta  
 Inclyta Loyolidum floret ubique cohors;  
 Ille per omnigenæ traductus castra Minervæ,  
 Quo pretio quævis ars sit habenda tenet.  
 Et licet immensa rerum sub mole fatiscat,  
 Non tamen averſa carmina fronte legit.  
 Sed legiſſe parum eſt, animos ſcribentibus addit;  
 Nec ſterilis tanto Teſte probante labor.  
 Longiùs ille videt, quique omnes advocat artes,  
 Ordine & has certo ſub ſua ſigna refert,  
 Intima quique ſacræ dat Caſtra tuenda Minervæ,  
 Me vult militiæ fronte ſedere ſuæ.  
 Tu modò ſumma tuiſt ſaſtigia pone libellis;  
 Ne dubita, tanto Vindice tutus eris.  
 Hæc ubi; conticuit: mox laurea vertice grana  
 Decuſſit, labris applicuitque meis.  
 Numen ineſſe novum ſenſi mihi; cura receſſit  
 Omnis; ad inceptum Muſa recurrat iter.  
 Libera gens Homines, ſummo deduſtaque Cælo,  
 Turbaque Cœlicolis proxima penè ſumus.  
 Juſque datum generi primævâ ab origine noſtro  
 In pecudes, in aves, vaſtaque monſtra maris,  
 Non benè limitibus naturæ adſtringitur iſtis,  
 Neſcio quid terrâ majus & axe capit.  
 Libertas dominumque facit, regemque potentem  
 Quemlibet; hinc nobis ſpiritus ille venit.

Quo

Quo magis, arbitrii ne lædite jura superbi :  
Vel Leo, cum dormit, quod timeatur, habet.  
Multa videnda tibi, quæ non fortasse probantur,  
Transige, teque oculos non habuisse puta.  
Audieris, quod fortè tuas non mulceat aures :  
Auribus ad tempus finge carere tuis,  
Et mihi nasus inest, nec sum sine pectore venter :  
Dum volo, sum venter ; dum volo, nasus abest.  
Scilicet olfactu quid singula carpis amaro ?  
Virgulaque in manibus semper acerba sonat ?  
Quis, quanquam valeatque minùs, decumbat & æger,  
Ante torum medicum semper adesse velit ?  
Corrige discipulos caperatâ fronte Magister,  
Imperium ferulæ si tibi grande sonat.  
His tamen abstineas, ubi Cœtus amicus in unum  
Venerit ; hic liber, Rex, Herus esse volo.  
Fortè solœcismus pinguißimus excidit ore,  
Transseat immunis ; syllaba vara, tace.  
Non benè crura sedent, fellâque vagantur ineptè ;  
Fac sedeant laxè, fac vaga crura fluant.  
Dulcia demulcent, vellunt subamara palatum :  
Verba fugant homines tristitia, blanda ligant.  
Rusticus hic tempus, dictamque fefellerit horam ;  
Hunc sua defecit non semel ante fides ;  
Dixeris oblitos potiùs, quam nomine ruptæ  
Hos fidei appelles, fœdifragosque voces.  
Mendacem dici quem non pudet ? ordine verso  
Quàm paucos, dici quod pudet, esse pudet !  
Ipse tuâ teneas quamvis mendacia dextrâ,  
Nemo tuo mendax audiat ore tamen.  
Tunc quoque cum verbis quisquam carpendus amaris,  
Elige quæ dulci sunt magis apta sono.

Vidi

Vidi ego , qui monitis laudes præmitteret amplas ;  
Tristibus & verbis molle præiret iter .  
Sic austera solent mitescere melle falerna ,  
Sic leuius pungit proxima spina rosæ .  
Præcipe quin culpæ partem ; communis utrique  
Noxa fit ; hinc monitis omnis amaror abest .  
Bardus hic , & stipes non sat percepta loquentis  
Verba tenet ; dulci verba retexe sono .  
Neve redargueris , non sat tua dicta teneri :  
Dic , non perspicuè fortè locutus ego .  
Alter hic erravit : durum est , si dixeris , erras ;  
Nos , melius dices , quis malus error habet ?  
Quò non fraus penetrat ? blandis prætexere verbis  
Quis non consueto crimina more solet ?  
Asper ab ingenio , rigidi servator honesti  
Audit , & hoc sese nomine laudis amat .  
Qui placitisque suis , dictisque immobilis hæret ,  
Constantis tacito devorat ore decus .  
Liber amat dici , nulloque sub ære teneri ,  
Qui promptum ut feriat semper acumen habet .  
Hæc ubi contigerint , ars morbo vincitur ; urnâ  
Pergameusque stupet deficiente Senex .  
Quæ morbum excutias , si te non noveris ægrum ;  
Forlitan & morbo des bona verba tuo ?  
Corporis ut labes abstergas , optimus index  
Est speculum ; speculi forma probanda fide .  
Ut labes animi certo sub vindice tollas ,  
Quis nisi in hos usus aptus amicus erit ?  
Ille vicem speculi tibi præbeat , ille monendo  
Adsit ; ab hoc vitæ norma petenda tuæ .  
Excute te , latebrasque animi percurrere latentes ;  
Si quid & à nostrâ deficiis arte , vide .

Dixeris & causam postquam te iudice, pœnas  
Solve; per hæc sensim profice, cultus eris.  
Est modus ulterior, si quis quibus eminet alter  
Dotibus, in mores transferat arte suos.  
Exemplum tibi Spinus erit, de paupere trunco  
Arbor, & innumeris fœtibus aucta parens.  
Plantarum Pomona olim genus omne vocarat,  
Ut regem eligerent per rata vota suum.  
Venit Palma, ducum claris spectanda trophæis;  
Altaque regali firmate verrit humum.  
Subsequitur Palmam Ficus: vix stipite pingui  
Se tenet; in tantas luxuriatur opes.  
Ponè Pyrus graditur ramos curvata virentes;  
Proxima Nux, piceo tincta colore genas.  
Palladis innumeris se fœtibus induit arbos;  
Et species illi Pallade digna fuit.  
Nixa corymbifero venit quoque palmite Vitis:  
Ni se contraheret, non habitura locum.  
Denique de populo non defuit ulla virenti,  
Seu procera arbor, sive pusilla foret.  
Vidit ut umbrifero completa sedilia cœtu;  
Pomiferæ Præses sic Dea gentis ait.  
Non levis, excierim cur vos, me causa coegit,  
Fructiferæ Stirpes, Arboreumque Genus.  
Qui dirimat lites, qui fine coerceat æquo  
Singula, Rex vobis ritè legendus erit.  
Magnum onus incumbit vobis: sed discite quæ sint  
Regia me paucis jura docente priùs.  
Non est res simplex Regis natura, nec una:  
Multiplici hoc tantum munere constat opus:  
Est oneri conjunctus honos, sunt proxima curis  
Gaudia, & alterno mista labore quies.

Consulat in commune bonum, sua negligat, olli  
 Sit merces tanti sola laboris Amor,  
 Denique qui dulcis, qui fortis & imperet, ille  
 Regalis punctum muneris omne feret.  
 Hæc sub dicta; frequens cava per subsellia murmur  
 Audiri, atque ingens ire per ora fremor.  
 Scinditur arboreus studia in diversa Senatus;  
 Et nulli visum non grave Regis onus.  
 Scilicet ut tanto maciem sub pondere ducam  
 Pinguis ego? haud patiar, Palladis arbor ait.  
 Cui Ficus; dulcem disturbatura quietem  
 Regia sceptrâ, sibi qui velit, ille ferat.  
 Non erit ut regnem, tacito tum murmure Vitis  
 Mussitat, & pluris sunt mea vina mihi.  
 Omnibus hæc potior visa est sententia; regnum  
 Quæ vellet, tanto ex agmine nulla fuit.  
 Temporis hoc puncto mediis se cœtibus infert  
 Spinus, odoratis conspicienda comis.  
 Quam sibi tum dispar! nulli prius utilis arbor;  
 At nunc multiplici germine læta viret.  
 Ipsa novæ formæ sentire videtur honorem;  
 Et majestatem temperat arte suam.  
 Cui breviter, cunctis Pomona silentibus, inquit;  
 Spine quid hic cultus, quid nova forma petit?  
 Non tu nuper eras truncus sine nomine? tantum  
 Unde tibi licuit conciliare decus?  
 Cui Spinus contrâ placido sic ore locuta est,  
 Et species pariter grata loquentis erat.  
 Jussa ego in hos dudum per te, Dea, pergere cœtus,  
 Cœpi sollicitâ talia mente loqui.  
 Frondis honore carens, sterilis sine fructibus Arbos,  
 Pomiferæ audebis tecta subire Deæ?

Eru-



Erubui, fateor, quod te non digna viderer,  
Parsque forem tantj despicienda chori.  
Sumpsi animum tamen hinc; nudor argumenta pudoris  
Sustulit; in lucris erubuisse fuit.  
Protinus Anatomes nota ad penetralia pergo,  
Illam compositis flectere certa sonis.  
Dic, Dea, quæ labes venis se immiscuit imis?  
Cur ego destituor fructibus una meis?  
Pomifer an succus nimio tardante veterno  
Hæret, & obstructum glutine sentit iter?  
An malè ventriculis digestus hiantibus humor  
Spargitur, & fucci fraudor alentis ope?  
Mitius hæc ferrem, solos despecta per agros  
Vivere si possem, vix benè nota mihi.  
Nam licet infelix essem, sine testibus essem;  
Tuque meis damnis detraherere pudor.  
Non tamen hoc licuit per iniquæ munera sortis;  
Heu fors in casus ingeniosa meos!  
Electura novum rata per suffragia Regem  
Pomiferæ imperiis evocor ecce Deæ.  
Displicui vel sola mihi; collata placebo?  
Crescit ab alterius fertilitate pudor.  
Nam quæ frondis inops, nec læta est fructibus arbor,  
Quid nisi sit rabidis præda pudenda rogis?  
Adde quod, & nostras dudum pervenit ad aures,  
Vitam hominum ut miris fulseris ipsa modis.  
Per te deprensus quo se rotet ordine sanguis,  
Sanguis inexplicitum currere fuctus iter.  
Artis opus Medicina vagum, te Præsidè, leges  
Accepit certas; impetus antè fuit.  
Fac genus arboreum simili tibi munere vinctum;  
Adjice & imperiis altera regna tuis.

Gratia nec sterilis : fructus , me dante , novellos  
Obsequii carpes pignora certa mei .  
Mota Dea est , zonâque finus præcincta viriles  
Expedit haud segnes ad nova cœpta manus .  
Corporis at motu ne dura exorsa morarer ,  
Nexibus haud unis brachia nostra ligat .  
Mentis inops cultros , ignotaque tela notabam ;  
In me carnifices jamque verebar acus .  
Vix non pœnituit , votorum summa meorum  
Effet tam subitâ quod mihi parta viâ .  
Illa ubi me trepidam sensit , quid inaniter , inquit ;  
Te crucias ? dolor hic causa salutis erit .  
Est dolor iste brevis , sed quæ mox certa sequetur ;  
Haud dubita , nunquam est interitura , salus .  
Post longi quæcumque venit dispendia morbi ,  
Plus solito reficit languida membra salus .  
Commendant nubes , tempestatesque serenum  
Et Bona plus sapiunt proximitate Mali .  
Hæc inter nostros de more perunxerat artus ,  
Ut fieret tali mitior arte dolor .  
Hinc novus irrepfit torpor per membra , soporis  
Res similis quædam , non sopor ille fuit .  
Non adverti equidem , tam dissimulanter ab illâ  
Mille fuit subito cuspis adaucta locis .  
Ter conata fui ruptis evadere vinclis ;  
Ter sensi ad nixus robur inane meos .  
Sed tamen exilui , putri de corpore sanguis  
Cum mihi multiplici visus abire viâ .  
Undique tabifero stillabant sanguine membra :  
Undique quæ flueret marcida pestis erat .  
Exilit haud aliter , longo relevata veterno ,  
Cum videt æstivis rura colonus aquis .

Sed

Sed magis exilui , cum fota potentibus herbis ,  
Per cava sensi animam serpere membra novam .  
Senferat Anatome successus læta secundos ;  
Navis & in portu jam tua , dixit , adest .  
Ilicet ex omni certas legit arbore frondes ,  
Vulneraque his aptè sanguinolenta foveat .  
Mira quidem , sed vera cano ; nova munera Divum ,  
Accipe , Posteritas , quâ decet usque fide .  
Vulneraque obduci , flores , peregrinaque nasci  
Poma , perexigui temporis hora fuit .  
Protinus exolvor vinclis , sed vincula , dixi ,  
Pectoris exolvat qui mea , nullus erit .  
Gratibus Anatomæ posthâc de more peractis ,  
Huc celeres gressus obsequiosa tuli .  
Qualiscumque tamen , vestris me fœtibus auctam  
Nunquam erit , ut præ me non ego grata feram .  
Vix ea , conticuit ; stupor ilicet occupat omnes ,  
Visaque luminibus non sat habenda fides .  
Ficus prima , novâ decerpfit ab arbore ficus ,  
Ficubus & dixit dulcior ista meis .  
Vitis & accessit prætentatura racemos ,  
Plusque meis botris hæc , ait , uva sapit .  
Quælibet accedit , fructusque examinat arbor ,  
Et fructus jurat quælibet esse suos .  
Tum Pomona gravi perpendens singula curâ  
Sceptra manu quatiens talia verba dedit .  
Et quid adhuc dubias teneat sententia mentes ?  
Spinus , quæ regnum jure capeffat , erit .  
Quam benè dulcedo , roburque coivit in unum ,  
Utraque dos uni quam benè Regis inest .  
Quid quod cùm vestris norit se fructibus auctam ,  
Imperii confors quælibet arbor erit ?

Vos modò propofiti fi Regis forma probatur ;

Eja agite , elatâ prodite figna manu .

Vix ea ; confufis fremuit cum vocibus æther ,

Unaque vox populi publica , regnet , erat .

Regnet , io , Spinus , regno digniffima Spinus ;

Illa regat noftrum tempus in omne genus .

Ut decet , ad Regem fe contulit ilicet omnis

Arbor , & obfequii figna dedere fui .

Hæc lufiffe fatis ; commenta faceffite vatum ;

Tuque fave monitis , Lector amice , meis .

Truncus iners , fructuque carens fis quamlibet omni ,

In promptu , fructus unde parentur , habes .

Fac tua fint , quæcumque vides bona ; quidquid honeftum

Infere , teque novâ transitione juvet .

Scilicet hic partes fe vertere natus in omnes ,

Comis , & ingenio commodus alter erit .

Tu quoque , fi facilis minùs eft natura , fequaxque ,

Frena repugnanti contrahe , mollis erit .

Semina diffidii præcidere noverit alter ;

Tu quoque lite pedem vix oriente refer .

Quemlibet alter adit , nulli peregrinus , & hofpes ;

Tu pariter cunctos more fodalis adi .

Hic quoque falſus erit , lepidoque facetulus ore ,

Tu parili comptos ſparge lepore ſales .

Ferreus ille quidem , qui riſum exterminat omnem ;

Triftitia ingenio diffidet iſta meo .

Nempe catenatos vitæ quis ferre labores

Poffit , & implicitæ tædia longa vitæ ;

Dulcibus interdum quin mulceat ora cachinnis ,

Lætitiæque animum liberiore levet ?

Seria non ſemper , non ludicra ſemper agenda :

Alternas norunt illa , vel illa vices .

Non

Non semper renovatur humus, nec vomeris unci  
Pondere taurorum colla gravata gemunt.  
Quæ prius æquoreos fulcavit remige fluctus,  
Ilicet in portu fessa carina jacet.  
Fontibus ergo suis comptos deducere risus  
Juerit, & cultos explicuisse sales.  
Nascitur ex turpi, (res est notissima), risus,  
Undè tamen iusti causa doloris abest.  
Hinc quia turpe suus decepto ducitur error,  
Materiem risus, qui latet error, habet.  
Dulcibus hinc pascit socios aliena cachinnis  
Credulitas; vitium, curva Senecta, tuum.  
Hinc quoque delectant, qui fagina signa moventes  
Imponunt mirâ dexteritate manus.  
Adde imitatores; tenui discrimine Veri  
Ludimur; illufis error & ipse placet.  
Est quidam, Eutrapelum dixerunt: dexter in omnes  
Vertere se formas natus, ubique decens.  
Pipilat ut passer, trutilat ceu turdus, Acanthis  
Nunc quod dulce canit, dulciter ille canit.  
Si tractim Philomela gemit, tractim ille fufurrat;  
Circinat illa melos, circinat ipse melos.  
Vertitur extemplo; latratorisque Molossi  
Colla, truces rictus, & rabida ora capit.  
Nunc & rixantem fingit cum fele catellam:  
Audieris: verum captus utrunque putes.  
Plaudit inexpletis circumflua turba cachinnis;  
Et quod defierit, signa dolentis habet.  
Sæpe movet dulces contracta facietia risus,  
Hosque magis, si sit tempore jacta, movet.  
Tempeftiva placent; nimium meditata, videntur  
Ingenii lentè progredientis opus.

Qualiter æstivo se fulgura tempore rumpunt,  
 Crinitoque micat fidere lucis apex;  
 Præpete sic fertur contorta facetia motu,  
 Ignea cum volucris semina mentis habet.  
 Hoc campo abstineas, si fortè morantis inertes  
 Ingenii vires senseris esse tui.  
 Hoc erit indicio, quod non sis talibus aptus,  
 Cum tua consuetudo dicta favore carent.  
 Namque ubi quid falsum fibras penetravit ad imas,  
 Protinus è liquido gutture risus hiat.  
 Luditur ambiguus verbis benè; scilicet unum,  
 Cum voces, aliud mens tua fortè notat.  
 Aut cum germano detorta vocabula sensu,  
 Affines capiunt te variante sonos.  
 Non expectati vel dexter acumine dicti  
 Cum quem fortè petis, plaudit amica cohors.  
 Vel cum verba Feris ratione carentibus aptas,  
 Et monitus prudens elicis inde graves.  
 Intermista ciet non nunquam fabula risus,  
 Quæ magis, urbano si sale sparfa, placet.  
 In rem quique suos profert ex tempore versus,  
 Carmina quique aptè fert aliunde, sapit.  
 Quid tibi nunc gryphos, sphynxes, proverbia dicam?  
 Additaque ingenio nomina ficta tuo?  
 Vel cum coniectos declinas callidus ictus;  
 Et leviter pungis, qui pupugere prius?  
 Vel cum stultitiæ sub imagine lusus, amicos  
 Ludis, remque tuam dissimulanter agis?  
 Hæc sciat Urbanus, tum tempore cuncta ministret;  
 Quæque decent, vigili singula mente notet.  
 Non decet in miseros salibus nos ludere, vel quos  
 Viliter obstrictos crimina magna premunt.

Quod

Quod leviter turpe est, justam ridentibus affert  
Materiem; graviter turpia flere decet.  
Denique ubi cultis locus est non risibus aptus;  
Effutire tuos parce, Jocosæ, sales.  
Nec minùs, eximiè quos diligis ipse, facietis  
Ut salibus carpas, jura, modusque vetant.  
Res Amor est fragilis, minimoque extinguitur ictu:  
Utque vitrum, incautas respuit ille manus.  
Hei mihi de stipulà quàm magnus nascitur ignis;  
Flamma ubi sub paleis parva relicta fuit.  
Sic memori quoties subamara facietia mente  
Sedit, inexhaustis ignibus ira furit.  
Mordet ovis, sine dente tamen; canis arida morsum  
Imprimit; urbani sint sine dente sales.  
Parcendum ingenio, jugulanda facietia; probrò  
Quæ venit alterius gloria, fœda venit.  
Nempe laceffit tibi clàm succenset amicus;  
Hunc tu si non vis perdere, perde jocos.  
Hactenus undè sales, succinctaque verba legantur;  
Nunc qui verba decor fusa sequatur, habe.  
Ordine narrabis quidquid narrabis amicis:  
Ipse fidem dictis lucidus ordo dabit.  
Magna Venus brevitæ; quamvis videre disertus  
Ipse tibi, quidquid dixeris, esto brevis.  
Quam potes in nucleum descende; putamine misso,  
Rem mihi narrandam, non tua verba putes.  
Vox animi speculum, sunt verba vicaria mentis;  
Apta ministerio delige verba suo.  
Hinc procul, ò, longâ squalent quæ trita senectâ;  
Quidquid & intonsos antè decebat avos.  
Utere nativis, proprioque valentibus usu;  
Puriùs ex ipso fonte petita fluunt.

Fren-

Frendet aper, dices, rugit leo, sibilat anguis;

Balat ovis, taurus mugit, adhinnitequus.

Gallica nam quid Iber, cui non benè cognita, Gallus

Verbaque magnificis inflat Ibera sonis?

Belga quid, extremis positusque Britannus in oris

Affectat veneres, Arne jocosæ, tuas?

Unusquisque suo loquitur sermone: loquentem

Sic docili cætus pronius aure bibet.

Garrule quid blateras semper? quem mittis ab ore,

Nil nisi quod vivis, spiritus ille docet.

Qualiter & primus, cessantibus undique remis,

Impetus in portum nautica vela refert;

Sic tu non cessas prurigne raptus anhelâ,

Materie quamvis deficiente, loqui.

Dicta iterum relegis; finem fecisse putabam,

Incipis, extento gutture semper hias.

Dolia nil resonant generoso plena Lyæo;

Si qua mero careant dolia, tange, sonant.

Qui pollet plus mente, filet magis; ille loquelæ

Largior est, cordis quàm minùs intus habet.

Hoc quoque: qui loquitur reliquis præstare videtur,

Vel præceptoris more, vel instar heri:

Ten' dominum me ferre diù tam vana loquentem?

Tu me quàm doceas stulte magister eris?

Hæret hic interdum; nec commoda verba loquenti

Sunt præstò; non est subdere verba tuum.

Qui bene stat, proprioque valet mercator in ære

Hunc pudet æra sibi mutua sponte dari.

Quis non eloquii se circumspectet in arte?

Quis sibi, dum loquitur, verba deesse putet?

Ex improvviso sua cui sit rupta voluptas,

Aspice quàm subitas excitet ira faces.

Si



Si quis, ubi lapidem jam projecturus in altum  
 Sese interceptum viderit, ecce fremit.  
 Si quis, ubi patulo jam spiritus exit ab ore,  
 Os subito occlusum fenserit, ecce furit.  
 Quò magis alterius faciles subscribite votis,  
 O quibus urbano vivere more sedet.  
 Fabula nota tibi, quam quis narraverit, audi;  
 Addita sit vero fimbria longa, file.  
 Si prolixus erit recitator, tædia perfer;  
 Quid salis adpersit, plaude favente manu;  
 Omnia tunc odi; si quis strepit, excreat, efflat;  
 Aut animam rauco creber ab ore vibrat.  
 Non exaudito, cum verba iterare necesse est;  
 Quàm subitâ turgent tunc mihi bile jecur.  
 Interpellatus, tacito sub pectore diris  
 Devoveo insulsum ridiculumque caput.  
 Non ego ferre animam cujusquam, numina juro;  
 Possum, triste oleat quamlibet illa nihil.  
 Hinc nimis applicita cave mecum fronte loquaris  
 Quisquis es, & spatio differ ab ore brevi.  
 Te minùs audieram; repetas, quæ dixeris, oro;  
 Cur mihi Stentoreâ voce reponis idem?  
 Sit quiddam medium: vox sit concinna, decensque;  
 Hæc, ut te fugiant; hæc, ut amere, facit.  
 Odimus & tacitos; diuturna silentia vita:  
 Parte tuâ taceas, parte loquare tuâ.  
 Colloquium genus est ludi: pila, si minùs ultrò  
 Missa remissa volet, ludus inanis erit.  
 Colloquium ceu cœna sapit, cui symbola quisque  
 Fert sua; collato plus placet ære cibus.  
 Quærite materiem vestris sermonibus aptam:  
 Materies laudem lecta decenter habet.

Frivola si fuerit, dum nugis fervidus instas;  
 Per mea clam somnus lumina repet iners.  
 Si nimium subtilis erit, dum magna, Cleanthas;  
 Nomina, & Arcefilas, Carneadasque sonas;  
 Bassia saltanti circum mea crura catellæ  
 Tunc te magnificè magna loquente, dabo.  
 Sit quoque temporibus non dissona: tristitia luctum  
 Tempora, lætitiæ tempora læta probant.  
 Nulli præcipuè pariat malè cauta ruborem,  
 Quæ prius eloquio lecta sit apta seges.  
 Mentio magniloqui tibi non facienda Thrasonis;  
 Miles ubi solitus credere terga fugæ.  
 Cui non forma placet sua, nimirum audiet ægrè,  
 Commoda Therisitæ quam minùs ora forent.  
 Consona personis quoque sit; non arma togato,  
 Rastra crepes nautis, militibusque libros.  
 Nec coram podagrâ capto, proluxiùs artem  
 Quâ queat ad numerum membra movere, refer.  
 O mihi si colaphos obscœna loquentibus, urbe  
 Ut mediâ incuterem, jura verenda darent;  
 Ipsos decuterem graveolenti è gutture dentes,  
 Ut flueret nervis lingua soluta suis.  
 Cœlicolas reverenter habe; nomenque Tonantis  
 Non nisi lingua tremens, non nisi parca sonet.  
 Nec sacra colloquiis interfere verba profanis;  
 Turpe est illotâ tangere Sacra manu.  
 Parce, quid immeritos audes incessere Manes,  
 Allidens dentes ad cava busta tuos?  
 Qui gladium, qui sceptrâ ferunt, clam scindere dictis  
 Stultum est; pro verbis verbera sæpe feres.  
 Talibus edocti cœtus celebrate frequentes,  
 Per me, perque artis publica jura licet.

At cave, nocturnis comitem te cœtibus addas,  
O cuicumque boni cura pudoris inest.  
Undè lues priscis ignota parentibus ortum  
Duxit; an è stygiæ protulit amne caput?  
Natus Amor Veneri fuerat, dictusque Cupido  
(Accipe; non longas res habet ista moras.)  
Cœtera pulcher erat, minùs hoc sed pulcher in uno;  
Quodd nimis exigua mole pusillus erat.  
Ætas crescebat, sed vel crescentibus annis  
Non ullâ visus crescere parte puer.  
Tum Venus, & quid, ait, matris mihi nomina profunt?  
Tantilli genitrix Pumilionis ero?  
Anxia se Themidi sistit, remque ordine pandit:  
Fatidicæque Deæ sedula poscit opem.  
Tum Themis, ò simplex Cytherea, Cupidinis, inquit;  
Ingenium argueris non bene nosse tui.  
Ille potest nasci solus, non crescere solus:  
Si cupis, ut fiat grandior, ede parem.  
Alter amet, redametque alter; nova pabula sensim  
Concipiet, specie captus amoris Amor.  
Dicta fides sequitur, puerum genuisse Dione  
Dicitur, atque parem, sæve Cupido, tibi.  
Nec mora, conspecto paulatim fratre calefcit  
Frater, & hinc vires sumit uterque novas.  
Nunc palpare manus, nunc arridere vicissim;  
Dona per alternas nunc dare certa vices.  
Vincere vult alter, non se vult vincier alter:  
Rixa fit: alternas nutrit at illa faces.  
Hinc amor ingentes paulatimadolescere pennas;  
Et formidatum crescere sensit ebur.  
Qui modò pumilio, jam vertice sidera pulsat:  
Aspiceres; minor hoc mole Typhœus erat.

Hinc

Hinc vetus ingenium mansit ; loca sola Cupido  
Effugit , & turbâ nunc quoque gaudet Amor .  
At nunc plaude tuis proles Cythereja regnis :  
Plus tibi , quàm velles , tempora nostra favent .  
Ecce puellarum ; juvenumque sedilia fervent  
Cœtibus , infidias nox tegit ecce tuas .  
Non citharæ defunt , non enervantia mentem  
Nablia fœmineâ pulsa , repulsa manu .  
Res est blanda canor ; ficti cantantur amantes ;  
Et specie falsi verus adhæret amor .  
In primam protracta canam convivia lucem ?  
Territa quis visis sæpe resistit Eos .  
Alea quid pernox , quid tempora quassa Lyæo ,  
Jussaque nox pavida lucis obire vices ?  
Cur Lalage templum , quæ matutina colebat ,  
Sera colit ? totâ devia nocte fuit .  
Cur minùs in vultu bona Delia conjugis hæret ?  
Visa quod in cœtu jam nova forma placet .  
Cur minùs egregios soboles formatur in usus ?  
Cur ? toto noctis tempore mater abest .  
Hosne probem cœtus , per quos jam decolor ætas  
Surgit , & exhausto vita pudore labat ?  
Dixeris ; ergo domi , te præceptore , latendum ;  
Triste quid imponis , dure magister , onus ?  
O miser , & quoties numero subducere non est ,  
Infelix , sua cui sordet avita domus .  
Scilicet hic lætus parili cum conjuge vivat ,  
Cui juga conjugii sorte ferenda pari .  
Instruat ad laudem nunc , dulcia pignora , natos ,  
Quodque premi jubeat gloria , monstret iter .  
Altera curâ subest , cellas ornare Lyæo ,  
Sintque lares nitidi , nec sit iniqua penus .

Rus eat ; hic duros , sua rustica regna , colonos  
Evocet , & , quàm sint jugera culta , probet .  
O quàm dulce sua decerpere ab arbore pomum !  
O quàm dulce suis promere mella favis !  
Cui semel hæc animo fuerit libata voluptas ,  
Turba procul , dicet ; me juvat esse domi .  
Quid tibi conventus , nocturnaque jurgia profunt ,  
Cui matutino tecta cliente calent ?  
Nocte fores primâ , clavisque trabalibus obde ,  
Hoc Themis , hoc sancti postulat urna fori .  
Tu quoque cui fasces , sellæque curulis honorem  
Publicus imposuit per rata vœta favor ,  
Quid populos levet , aut quid nam commercia peccent  
Publica , de media consule nocte vigil .  
Cum tua non oleant vigilata poemata lychnum ,  
Quid quereris nusquam , stulte Poeta , legi ?  
Nox favet ingeniis , nox promovet alta Camœnas ,  
Corpora dulcis alit nocte silente quies .  
At , quibus est animus dura ad medicamina mollis ,  
Carpite me facilem non renuente viam .  
Qui , nisi sola suis mordacia præcipit ægris  
Pharmaca , vix medicos inter habendus erit .  
Sunt fomenta ; novum sunt demulcentia vulnus  
Plurima , queis tutò vulnus adire queas .  
Quisquis ubique , viri , parili consortia cœtu  
Jungite , cum paribus quisque coite pares .  
Clarus eques titulis , cur se fallonibus æquet ?  
Aut inhiat Procerum futor amicitias ?  
Divitis affectas ut quid commercia pauper ?  
Anne feros mitis diliget Agna Lupos ?  
Quos toga pulla tegit , sacri velamen honoris ,  
Sint procul à cœtu , turba profana , tuo .

Cum

Cum famulis famuli coeant , cum milite miles :

Cum pueris pueri , cum senibusque senes .

Nec mihi displiceat , juvenum cingente coronâ ,

Qui ferat in medium verba disertâ senex ,

Expers consilii Palinurum quære Juventus ,

Qui tua per dubias vela gubernet aquas .

At mihi præ reliquis is cœtibus unus amatur ,

Quem colit Aoniis dedita turba Sacris .

Tunc locus est salibus , tunc culta facetia risus

Elicit , & culto pectore culta fluunt .

Hæret adhuc memori dudum percepta voluptas

Hæc mihi , lethæis non abolenda vadis .

Hortus Aventini nemoralibus oblitus umbris

Surgit , Apollineis area grata choris .

Arcades huc , veneranda cohors , acceptaque Musis

Gens coit , æstivas sole tenente vias .

Fistula Mænaios hic plurima cantat amores ,

Telaque de pharetrâ prompta , Cupido , tuâ .

At quibus infedit præcordia major Apollo ,

Nonnisi formandis moribus apta canunt .

Hic me fortè sacras spatiantem nuper ad umbras

Cum sociis custos (\*) Alphesibœus adit ,

Protinùs accedo docti Venerator amici :

Est quod te paucis , incipit ille , velim .

Quando erit , Urbanæ leges ediscere vitæ

Ut valeat numeris culta juvenia tuis ?

Quando erit ut nostros inter tua fama Poetas

Digna sit à memori posteritate legi ?

Quòd piger interdum , somnoque fruire benigno ,

Nescio quis de te rumor in urbe sonat .

Ex-

---

(\*) *Marinus Crescimbeni Arcadia Custos Generalis.*

Excute te ; vigiles virtus amat, odit inertes :

Non nisi res animi multa moventis Honos.

Tunc ego ; pro meritis Dî tempora talibus addant ;

Quanta velis annis , Alphesibœe, tuis .

Arguor in somnum paulò proclivior : esto .

Somnus at hic , sese quo tueatur , habet .

Non mea fruge carent vèl somnia ; nocte sub ipsâ ,

Vel , quod profit , ago , corda movente Deo .

Judice te starem , si somnia fortè liceret

Promere , sed nostrâ doctus ab arte vetor ,

Alphesibœus ad hæc : crimen purgabis abunde ,

Si modò quid frugis stertere nocte soles .

Quid , si longa nimis sint somnia ? Scilicet , illa

Ut narres , veniam , quam petis , ecce damus ,

Area vicino suberat viridissima prato :

Hic nos gramineis excipit herba toris .

Adfuit ex æquo Musis acceptus (1) Erastus ,

Et sine fraude bonæ cultor amicitiae .

Adfuit (2) Eurindus , qui carminis arte magistrâ

Pollet , & Astrea scita verenda docet .

Pone sequens (3) Myreus erat, qui carmine Etrusco,

Carmine qui Latio , par ad utrumque , canit .

Proximus huic (4) Semirus adest, qui pectore largo

Bellerophontearum cominus haurit aquas .

Hunc (5) Acis sequitur , sibi quem Divina Matheſis,

Quem sibi Castaliæ promeruere Deæ .

Hunc & (6) Aristeus , cui mille in pectore linguæ ,

Unus & omnigenam possidet Historiam ,

G

Gen.

---

(1) *Franciscus Caveni* , (2) *Franciscus Maria Gaspari* . (3) *Michael Joseph Morei* . (4) *Antonius Franciscus de Felici* . (5) *Eustachius Manfredi* . (6) *Antonius Maria Salvini* .

Centum aderant alii ; dicendi cum mihi Custos  
 Innuit elata tempus adesse manu . . .  
 Ordior ipse : Sopor fessos irrepererat artus ;  
 Altior ; & medium luna tenebat iter .  
 Tramite Flaminiae consistere fortè videbar ,  
 Urbs ubi tergeminiis scinditur ampla viis .  
 Illicet attonitas ingens fragor impulit aures ,  
 Et populi circum vox fuit una : venit .  
 Pompa venit ; Galateus adest , discedite , LiCTOR ,  
 Semitaque hinc illinc iusta patefcat , ait .  
 Ecce ferebatur curru Galateus eburno ,  
 Candidus in niveis conspiciendus equis .  
 Quæ , Superi , species ! quam digni Principe vultus ?  
 Quanta verecundæ gratia frontis erat ?  
 Quam facilem præfert , majestatemque severam !  
 Qui decor ! atque Urbis quantus in ore color !  
 Vivat , Io , urbani Princeps Galateus honoris ;  
 Vitæ ornamentum nobile , vivat Io .  
 Rusticitas pereat , regnet Galateus in Orbe  
 Semper ; in has voces plausus ubique sonat :  
 Undique deciduo conspergitur imbre rosarum :  
 Quæ graditur , vario flore renidet humus .  
 Hæc ego dum cupidis obtutibus omnia lustro ,  
 Abripit hinc oculos altera pompa meos .  
 Ordine partito , brevibusque armata sarissis  
 Visa inter lituos ire , tubasque cohors .  
 Excipit hanc equitum series longissima , in illis  
 Flos Latix Princeps Nobilitatis erat .  
 Vertitur altus equo media inter millia Prætor , \*  
 Cui dominum stipant agmina densa latus .

Ob-

(\*) *Alexander Falconerius Præfatus Urbanus vigilantissimus ; idemque , dum hæc ab Authore typis ederentur , ad Romanam Purpuram effusis totius Urbis studiis evocatus a BENEDICTO XIII. P. O. M.*



Obvius hic sese Galateo insignis agebat ;  
 Hospitis ut tanti poscere visus honos .  
 Ergo ubi convenere simul , per publica primum  
 Signa , animi produnt pignora certa sui .  
 Mox etiam officiis visi interioribus uti ,  
 Usus ut alterni longus amoris erat .  
 Nunc palpare manus , nunc arridere vicissim ,  
 Et quiddam arcano pressius ore loqui .  
 Magnus ad hæc hospes , præconia Præsulis addit ,  
 Prosequiturque gravi talia voce palam :  
 Quas tibi , quas referam , Præsul dignissime , grates ?  
 Promeritis minor est gratia nostra tuis .  
 Quantus iustitia , quam nec timor obruit ullus ,  
 Gratia nec blandis flectit amica modis ;  
 Quantus avis , atavisque potens , & sanguine vero ,  
 Curvaque quam contra secula rectus eas ;  
 Hæc alii dicant : quin Urbs hæc prædicat ipsa :  
 Quæ mihi contuleris , me tua dona movent .  
 Novimus , Urbani quæ sit tibi cura decoris ,  
 Pro regno vigiles quantus & ipse meo .  
 Per te Romuleæ frænata licentia scenæ ;  
 Pulpitæque ad leges plaudere iussa meas .  
 Per te læta magis docilis stupet Orgia Bacchus  
 Ire verecundo per fora tuta gradu .  
 Denique inurbani sub te petulantia regni  
 Aut ruit , aut , certè jam ruitura , labat .  
 Non tamen hoc miror , laudo magis ; Urbis habenas  
 Sic regis , ut Patriam noveris esse tuam .  
 \* Pulsibus hæc inter majoribus icta sonabat  
 Præses Palladii Nola superba fori .

G 2

Ili-

(\*) Collegii Romani Princeps Nola , quæ bis in die ad Discipulos convocandos pulsat .

Illicet e transtris cirratula turba Minervæ  
Surgit, in occursum Principis acta sui.  
Circuit huc, illuc, cuneosque ex ordine fingit;  
Atria qui latius Palladis ampla regit.  
Huc Galateus equos obliquo tramite flexit,  
Visurus sobolis germina lecta suæ.  
Vidit, & obstupuit, moderatoremque Juventæ  
Sevocat, auditis alloquiturque sonis.  
Hanc ego spem nostri, spem Religionis, & orbis  
Commendo curis, dulcis amice, tuis.  
Cætera si peccat (nam peccat plurima semper  
Hæc ætas) veniæ sentiat esse locum.  
Ast ubi seu Pietas, seu res urbana laborat,  
Implacabilibus sæviat ira modis.  
Nec mora: Tarpejam recta contendit in arcem:  
Hoc iter; hæc illi meta suprema viæ.  
Defilit è curru, folioque exceptus eburno,  
Principis Imperio, Judicis ore sedet.  
Innumeri in tabulas referebant acta ministri;  
Quos regni Comites legerat ante sui.  
Obvius est cunctis, dubitataque jura resolvit  
Comis in aspectu, comis in alloquio.  
Quæritur in primis, sacra dum delubra petuntur;  
Num velit urbanis ritibus esse locum.  
Sponte sua mitis, justas Galateus in iras  
Exilit, & tales intonat ore sonos.  
O domus, o fidei templum venerabile nostræ  
Maximus urbani Roma Decoris apex.  
Quid juvat augustas ad cælum attollere moles;  
Altaque conspiciuis ponere templa tholis,  
Si minùs in Superos per te reverentia constat,  
Et tuus hîc aliquâ parte laborat honos?

Car-

Carpento Matrōna gravis dum ducitur aureo ,  
Spectet adorantes ambitiosa viros .  
At dum templa petit , vultu demissa modesto ,  
Non procul oranti credat adesse Deum .  
Nempe premat genibus Babylonica fulcra supinis ,  
Nempe agitet molli plumea flabra manu ?  
Oscula Felsineis nempe imprimat uda catellis ,  
Crustulaque apponat perlita melle procax ?  
Ubera quid tumultis prostant turgentia fictis ,  
Velaque sunt velis impedienda novis ?  
Ritibus urbanis , Equites , hinc parcite ; non est  
Nutibus hinc vestris , officiisque locus ,  
Ipse ego , quo pollent urbanæ Præside leges ,  
Ponderis hinc jubeo parte carere sui .  
More Rei posthac ( quid non sibi fingit , & audet ;  
Somnia dum mirâ temperat arte sopor . )  
More Rei posthac & tristitia squalidus ora  
Pulvis agebatur , dives Avana , tuus .  
Non super hoc eadem vulgi sententia constat ;  
Pars hæc oppugnat fortiter , illa favet .  
Surgit in hunc verbis rigidus delator amaris ,  
Crimen & his nectit , qua valet arte , modis .  
Quâ minus hic animo , minus integer Indole , Princeps  
Optime , de vultu proditur ipse suo .  
Aspice cognato concretam pulvere barbam ,  
Aspice , sit quantâ fordida labe toga .  
Hæc tamen in minimis facilis numeranda putarem :  
Quod magis est , Patriæ desidiosus obest .  
Otia nempe fovet , quæ dum foveantur ab ipso ,  
Proditor , hoc uno , crimina cuncta fovet  
Res quoque divinas audax obturbat , & inter  
Orandum , illicitis obstrepit usque suis .

Obstrepit, & fœda demum prurigine victor,  
Ad cœlum puras non finit ire preces.  
Pulveris hæc fatui stric̃tim sunt crimina, Princeps;  
Pendet ab arbitrio debita pœna tuo.  
Protinus alter ad hæc, si res extrinsecus, inquit,  
Pendimus, in Cœlum est rursus agenda Themis.  
Est facies objecta viro deformis; amatur  
Attamen, innumeros nactus in orbe procos.  
Num melior Baccho facies, dum sordidus uvas  
Calcat? & his pedibus quàm bona vina fluunt!  
Num melior Cereri vultus, dum sordida panem  
Pinfit? an illa minus pulverulenta placet?  
Otia nempe fovet, robur qui sæpe colonis  
Addit, & inceptum, quod stetit, urget opus?  
Inter deficeret Patriæ consulta Senator:  
Qui relevet fessum, pulvis amicus adest.  
Inter Palladios torperet dextra labores:  
Haustibus appositi pulveris illa viget.  
Otia nempe fovet? quin impedit: utitur illo  
Sæpe aliquis, ne nil desidiosus agat.  
Adde, quod Urbanæ fovet hic commercia vitæ  
Pulvis, & agrestes non finit esse manus.  
Quid quod amore pari dulces confirmat amicos?  
Primaque amicitia non semel arrha fuit?  
Hæc ego odorato breviter pro pulvere dixi:  
Nunc est judiciis lis dirimenda tuis.  
Partibus auditis, fellâ Galateus ab altâ  
Incipit; & mediam carpit utrinque viam:  
Discite jam nostræ quæ sit sententia mentis,  
Quæ rata perpetuis vivat in ære notis.  
Sit procul à sacris; hoc primum: qui sacra turbat  
Pulvis inurbanus, pulvis iniquus erit.

Si

Si sacra excipias, sit pulvis honestus, & insons,  
Hauriat hunc quando parca, decensque manus.  
Plauditur; & parti nova jura probantur utrique.  
Utraque nam victrix pars sibi visa fuit.  
Proxima sufficitur Pictorum causa: laborat  
Hæc tamen, haud ullis fulta patrociniis.  
Non nisi visa loquar: tabularum impura supellex;  
Quâ patet, è tota cogitur Urbe simul.  
Sic collecta, pedes Galatei advoluitur inter:  
Turbaque, quid super his sentiat ille, rogat.  
Non aquila hic deerat, pluviumque e nubibus aurum,  
Non Bos, non quidquid de Jove fecit amor.  
Quidquid turpiculi deliravere Poetæ  
Pictum aderat; quidquid peccat & Historia.  
Ferte citi flammæ, Galateus turbidus irâ  
Infremit, huc celeres (quæ mora?) ferte faces,  
Ite, & suppositis fœda argumenta favillis  
Urite; ab his flammis Roma pietur, ait.  
At vos, dira lues, scelique opprobria nostri,  
Gens mala, Pictores, Eumenidumque Genus;  
Si sapitis, vestras aliò convertite curas,  
Unde Pudor pariter constet, & artis honos.  
Pingite; sed cari properantem in vulnera Nati,  
Quem vetet Aligeri dextera certa; Senem.  
Pingite Phœbeæ remorantem lampadis ignes,  
Dum redeat cæso funditùs Hoste, Ducem.  
Non ego fœmineos tabulis committere vultus  
(Vertitur hic quando Gloria summa) vetem.  
Pingite, sed clavo figentem inimica traballi  
Tempora Jaelem: Fœmina gessit opus.  
Pingite, sed fufis dum tergeret uda capillis  
Magdala Divinos, jam pudibunda, pedes.

Pingite ... Me miserum ! quid non corrumpitur arte ?

Inficit hæc effrons vèl monimenta labor .

Cœlicolæ vultus quoties subiere profanos

Per vos , & vultus erubuere suos !

Debbora voce tenus quoties quæ credita , Phrine est !

Quæque fuit Judith credita , Thais erat .

Suspectas hinc sæpe preces impurus amator

Protrahit , & dubiis hæret imaginibus .

Ergo quid hic statis ? procul urbibus ite , profani ,

Urbibus haud satis est : Itē vel Orbe procul .

Plauditur : in plausus vix tinnula sufficit Echo :

Adstrepit & rauco proximus amne Tybris .

Interea populi sensim crescentibus undis ,

Urgeor , & turbâ progrediente feror .

Profuit impelli : nam Principis ora tueri

Ilicet obtutu proximiorē datum .

Ille ubi me vultu coram prospexit amico ,

Tu ne meæ , dixit , conditor artis ades ?

Sevocat , & fellæ dignatur honore minoris .

O coram tanto Principe rarus honos !

Mox ait ; inceptum constanter perface , Vates ,

Nostri incrementum grande decoris , opus .

Urge , age , Propositum : monitis bene vivere discat

Et Juvenum , & Puerum turba petulca tuis .

Sed satis hæc : aliquid nunc tu , dulcissime Vates ,

A minùs urbanis , unde queraris , habes ?

Ede mihi tantum nomen ; sit ferrea quamvis

Frons illi , meritâ stigmata fronte feret .

Tunc ego , non quenquam nostrum est incescere , Princeps ;

Scilicet angustī pectoris iste labor .

Nec malefacta pari mihi fraude rependere mos est ;

Quin reor offensas ad decus esse gradum .

Quod

Quod si tanta mei sedit tibi pectore cura,  
 Quâ caveam invisum, dic precor, arte genus?  
 Tum \* Galato Galateus ait: rem quæris, amice,  
 Difficilem; res est non opis illa meæ.  
 Donec erunt culices, muscarum & sæda propago,  
 Et quidquid puras non finit esse manus;  
 Semper inurbani stabunt quoque; vivida virtus  
 Sæpius ut victo robur ab hoste trahat.  
 Rima fugæ tamen una patet: consortia turbæ  
 Effuge: vis liber vivere? vive tibi.  
 Carminis at tanti, vigilatorumque laborum;  
 Nulla meus Vates præmia digna feret?  
 Non levè erit, propriumque mei: Jus Urbis habeto,  
 Æternumque tuâ nomen ab arte feras.  
 Protinus, excusso somni velamine, surgo.  
 I nunc, & somnos, Invide, carpe meos.

DE

---

(\*) *Galatus*, *Anstolis* inter *Arcades* nomen.

## DE VITA URBANA

## LIBER QUARTUS.

**M**Agnum opus aggredior: vestro sacra thura Poetę  
 Eja agite Urbanę deproperate Deę .  
 Ferte manu violas , philyrisque recentibus aras  
 Spargite ; Panchęis fumet acerra focis .  
 Annua sacra Seni de more paramus Etrusco ;  
 Quo didicit cultus vita docente novos .  
 Ergo comas fusę , nexęque ex ordine pompam  
 Ducite , funereas terque rotate faces .  
 Pars pheretrum subeat, pars mollibus ossa hyacinthis  
 Integat , effuso pars litet exta mero .  
 Dędaleo interea surgat mihi machina cultu ,  
 Desuper excelfo pendeat orbe tholus .  
 Mille peregrino surgant de marmore signa ,  
 ęraque Mentoreą nobilitata manu .  
 Hic mihi fęda suos circumfęcet ungue capillos  
 Illuvies , viridi torta dracone caput .  
 Faunorumque greges , & hiantia rictibus ora ,  
 Dędala cęlato ludat in ęre manus .  
 Livor & Urbanis infensus cętibus adstet ,  
 Et sua fumiferas vertat in ora faces .  
 Ast Honor elato sacer urbibus arceat ense ,  
 Gentem hominum truncis , arboribusque fatam .  
 Adsit vinęta comas , & honesto Gratia vultu ,  
 Pectoraque alterno fędere nęctat Amor .  
 Stet bona Simplicitas , rectique Modestia cultrix .  
 Stent liquidi Ritus , stent sine felle Joci .

Mox



Mox ego sacra pio faciens de more, Sequester  
 Publicus, hæc hominum nomine vota feram.  
 Sancte Senex, Cæli queiscunque sub orbibus erras,  
 Accipe pacato, quas damus, ore preces.  
 Cernis inurbanæ quam se seges horrida turbæ  
 Efferat, & nostro pullulet usque solo?  
 Obruimur numero: quis brachia tendere contra  
 Possit, ubi effusis æstuat unda vadis?  
 Hostia multa tuis fœdissima concidit aris,  
 Etrusco quondam dum gravis ore tonas.  
 At quæ succrevit vitiatò e stipite passim,  
 Fac pereat jaculis turba relicta meis.  
 Non ego mactato tam sim Pythone superbus;  
 Vel spoliis læter sic, Erymanthe, tuis;  
 Civica Monstra meis quàm si confossa sagittis  
 Hæc pereant; titulum nominis hujus amo.  
 Hoc fuit, exiguo vellem quòd currere gyro,  
 Area cùm nostris magna pateret equis.  
 Materies hinc lecta meis angusta Camœnis,  
 Commodius possem cùm graviora sequi.  
 Tu modò prævalidas in carmina suffice vires;  
 Nec pigeat vati lampada ferre tuo.  
 Fallimur? an tumulo cineres majore recepti,  
 Protinus his visi concaluisse sonis?  
 Urge operose tuum mea per vestigia Vates;  
 Quod gratâ semper fruge vigebit, Opus.  
 Ad mea nunc iterum, juvenes, præcepta venite;  
 Vos vos præcipuè respicit iste labor.  
 Corporis hic gestum motumque docebimus omnem,  
 Quidquid & urbanus damnat, amatque decor.  
 Sed priùs hæc vestræ sedeat sententia menti,  
 Fœdius incomptis moribus esse nihil.

Cernitis , ut stricto mulctet natura flagello ,  
Quos semel hâc tactos viderit illa lue .  
Hâc facit occursum ferat horum ut nemo libenter ,  
Illa odii nobis femina tanta parit .  
Ecce theatrales referant proscenia ludi ,  
Non his qui sedeat proximus , ullus erit .  
Ecce coronatam graditur nova pompa per urbem ;  
Fit fuga : Inurbanis area magna patet .  
Nec leve credideris , parvoque piabile crimen ,  
Quod meritis virtus vincere nulla potest .  
Sit licet intonso probitas tibi digna Catone ;  
Infideat labris Attica Suada tuis ;  
Ordine nobilium longo ducaris avorum ,  
Dives longævas arca ministret opes ;  
Denique contigerit tibi quidquid sedula nutrix ,  
Et pueris optat mater habenda suis ;  
Si minùs urbanus tamen his cum laudibus audis ;  
Crede mihi , populo iudice , nullus eris .  
Dixerit hîc aliquis ; peccata levissima , verbis  
Quid facis , ò Author , magna , diserte tuis ?  
Non gravius peccant in publica commoda fures ,  
Aut quibus injusto fordet ab ære manus ?  
Esto : sed ut leges gravius violentur ab illis ,  
Non leve rusticitas hinc tibi crimen erit .  
Sit licet Oceanus terras diffusus in omnes ;  
Non tamen exiguus , Nile , tumescis aquis .  
Ambiat immensâ Sol quanvis lampade terras ;  
Nomen habent cœlo Marsque , Venusque suum .  
Adde quod in fures , gravioraque crimina , leges ,  
Ne gliscant , vigiles publica tela movent .  
Libera sed contrâ , nullisque coercita vinclis ,  
Latius hâc mediâ serpit in urbe lues .

Ad-

Adde, quod, ut gravius, sic peccant rarius illi;

Sæpe deest sceleri copia, sæpe manus:

At tibi, inurbanis quæ moribus obstrepat, ut non

Quæsieris, præstò plurima turba domi est:

Quid magis Hyrcani metuendum dente leonis?

Quam leviter rostro musca timenda suo est?

Attamen excieris latebris nisi fortè leonem,

Vel leo nullius causa timoris erit.

Ut contra cesses, muscas innata nocendi

Sponte suâ rabies in tua damna vocat.

Hæc quoque dum scribo, Stygiis emissa latebris

Obstrepsis ut quid adhuc musca proterva mihi?

Ecce volat, revolatque procax: nunc stridula naso,

Nunc summis pendet sanguinolenta genis.

Ecce superciliis exclusa, revertitur; instat;

Et nova mordaci vulnera figit acu.

Ergo ego, qui possum vastum vitare leonem,

Non possum insidias, musca, cavere tuas.

Quare agite, & solido tandem inculpatur in ære

Clausula, quæ dictis elicienda meis.

Crimina magna nocent, leviora molestius urunt;

Rusticitas levis est culpa, molesta tamen.

Perge age: jam scopulis implexum evasimus æquor:

Nunc mea per placidas cymba feratur aquas.

Nunc tibi, nunc numero graviore, Thalia, sonandum,

Tristiaque iratâ stringe flagella manu.

Non tamen, ut quenquam offendas; prodesse memento,

Si te victurum nomen in orbe manet.

Sed tamen, ut nostros relegens quicunque libellos,

Hinc sibi cautus opem, præsidiumque petat.

Forsthan & tacito suspirans murmure, dicat:

Hic novit mores unde Poeta meos?

## 110 DE VITA URBANA

Vultus habet primas ; princeps componere vultum  
 Sit labor ; hoc noster tramite currus eat .  
 Consultit æthereos , puppim qui dirigit , ignes ;  
 Ars sua nè mediis victa labore aquis .  
 Consultit & vultum , qui tecum mutua jungit  
 Colloquia : hic animi signa latentis habet .  
 Nubila si fuerit facies , Discedite , secum :  
 Non habet hic ventos nostra carina suos .  
 Si tristis ; mortem numquid dolet iste parentis ?  
 Vir bone , non isto conveniere loco .  
 Scilicet ex ipso capimus præfagia vultu :  
 Intus quidquid agis , nos docet iste foris .  
 Ars tamen est , ficto mentiri plurima vultu :  
 Hei mihi ! jam sancti est ingenuique nihil .  
 Sæpe dolor falsi latitat sub imagine risus ,  
 Et risus partes sæpe doloris agit .  
 Me duce , mendaces vultu deponite larvas ;  
 Ora levis scurræ vilia larva decet .  
 Odi ego , qui vultu nunquam sibi constat eodem ,  
 Et nova , ceu vestes , induit ora sibi .  
 Seria nunc totus contractâ fronte volutat ,  
 Frivola nunc pueri more jocantis amat ;  
 Nunc sibi ridentis vultum , nunc flentis adoptat ,  
 Dissimilemque sui quælibet hora videt .  
 Ecce salutantem quem comiter ipse videbam ,  
 Protinus is , dixi , fidus amicus erit .  
 Non mora longa fuit : visum prior ipse saluto ,  
 Comiter accedo ; stipitis instar erat .  
 Quid mihi blanditias misces ; mox torvus & effrons ,  
 Ipsa fodalitii publica signa negas ?  
 Qui mihi mel labris stillabas nuper amicis ,  
 Cur me de facie noscere deinde negas ?

Ite

Ite leves animi, quàm sit mens ponderis expers  
 Vestra, sat hæc vultus extima forma probat.  
 Sunt, quibus est facies adamante protervior omni,  
 Fronsq; corynthiaco duriùs ære riget.  
 Si placet his, magnos mutasse cubilia montes  
 Stantibus affirmant intrepidisque genis:  
 Si placet his, ardere nives, frigescere flammæ  
 Affirmant, terras currere, stare polum.  
 Si placet his, Solem Cælo lucere negabunt;  
 Et quid non audet frontis honore carens?  
 Non tamen in vestro subrusticus ore probatur,  
 Quique puellarum vix decet ora, pudor.  
 Illa placet facies, quæ spirat amabile quiddam,  
 Quæque sit urbano semper honore decens.  
 Hactenus in vultu primis prolusimus armis:  
 Nunc mihi per partes excutiendus erit.  
 Frons sit lætitiæ propior, non aspera rugis.  
 Lux placet innubis, frons sine nube placet.  
 Sunt, quibus infideat veluti Respublica fronti,  
 Par Atlanteo ferre videntur onus.  
 Magna minaturam sed si scrutabere mentem,  
 Invenies solidæ frugis inesse nihil:  
 His similes, pictos immani mole Gigantas  
 Cernimus auratis subdere colla tholis.  
 Cumque nihil moveant, tumidâ cervice labascunt,  
 Et latet in ficto vera labore quies.  
 Quo minùs inflatis quisquam procedere buccis  
 Audeat, exemplum non leve Pallas erit.  
 Nulla Deas inter calamos inflare cicutæ  
 Doctior ægiferâ Pallade dicta fuit.  
 Vix pastorem labris admorat avenam,  
 Hæsit ad insolitum sylva, nemusque melos.

Fons

Fons erat illimis, sub margine sedit aquarum,  
Exhibuit tumidas protinus unda genas.  
Confestim calamos frangens; non est Dea tanti,  
Dixit, ut hâc pereat noster ab arte decor.  
Non Venus hoc fecit; Venus hîc suspecta fuisset:  
Sed Dea cui curæ forma virilis erat.  
Ergo genas inflet madidus Tibicen Jacchæ,  
Dum salit incomptis rustica turba modis.  
Dedecet Urbanum, propriam immutare figuram,  
Urbis cui nunquam per sacra jura licet.  
Rîsus hiet modice; turpe est ostendere dentes  
Ridentem, ceu tu, vilis Afelle, facis.  
Tam magis innatâ si sunt rubigine putres,  
Protinus in claustris coge laterè suis.  
Rideat Urbanus parè: cum causâ requirit  
Scilicet, & rîsum flagitat ipse locus.  
Absint & turpes ridentis ab ore cachinnî;  
Ingenii pinguis signa cachinnus habet.  
Est quoque Sardous, qui blandus imagine rîsus  
Est primâ, occultum virus at intus habet.  
Hunc sibi Faunorum gens fœda libenter adoptet,  
Abfit ab ingenui sed tamen ore viri.  
Quo magis est anceps, oculorum & lubricus usus,  
Sic magis urbanæ postulat artis opem.  
Japetides limo vitalia dona daturus  
Traxerat exigua solis ab axe facem.  
Cætera membra suis stabant dimensâ figuris;  
Ast oculos nondum fecerat ille faber.  
Ilicet in cæcos quæ flammula venerat artus,  
Edidit artificî talia verba suo:  
Ergo ego in obscuro versabor carcere semper,  
Nullaque cognatæ copia lucis erit?

For-

Forſitan hæc mentis mihi munere damna rependis ,  
Et facis ut videam nobiliore via ?  
Quæ tamen hoc fiet , mentis ſi prævia lampas ,  
Ingeniique , Oculus , fronte fatelles abeſt ?  
Unde , per exuvias rerum mihi femina veri  
Prima legam ? hæc oculos debita præda manet .  
Hæc ſuper , imperium mihi , respice , quale dediſti ,  
Sarcina ſitque humeris quanta ferenda meis .  
Hinc leo bella movet , ſævamque exſciſcit iram ,  
Arrigit inde ungues tigris inuſta ſuos .  
Ecce volutabris ſus horridus hæret in imis ,  
Unde animo expirant nubila denſa meo .  
Et canis , & vulpes teſto ſtabulantur in uno :  
Hoc miſera in regno regia ſceptra gero .  
Respice ad hæc , quanto rerum confundar acervo :  
Et patiar quantas , una , nec una , vices .  
Ignis agit furſum , retrahit me terra deorſum ,  
Aer diſſimilem poſcit , & unda locum .  
Differor in partes ; tum quidquid prævalet horum ,  
Temperies vitæ ſcinditur æqua meæ .  
Adde oculos : rebus prudentia parta notandis  
Imperio accedet maxima norma meo .  
Adde oculos , ſecura legam , nocitura cavebo  
Gramina : proveniat quo mihi certa ſalus .  
Si nihil iſta movent : da ſaltem , juſta precamur ,  
Corporis artificem poſſe videre mei .  
Si minùs ; in patrium fac rurfus deferar aſtrum :  
Hic locus exilii eſt , ille quietis erit .  
Finierat ; votis motus cum talibus Author  
Verſus ad effigiem talia verba refert :  
Ibis in immenſi condenſa pericula ponti ,  
Mille dolis hominum parva petenda ratis .

Forſitan & ſcopulos fugeres ſecura latentes ,  
 Ni traheres oculis ultima damna tuis .  
 Scilicet hinc tenuis qui jugiter avolat humor ,  
 Nil finet in tacito corde latere diu ;  
 Cauſam quæſieris ? partes qui corporis omnes  
 Compegi , facilis cura docere mihi eſt .  
 Subtilis vapor , & ſincero ſanguine miſtus  
 Si fluat , hic quod ames , non levis author erit .  
 Scintillæ ex oculis erumpunt ſanguine miſtæ ,  
 Trux ubi flammivomum concitat ira jecur .  
 Gaudia tranquillâ ſe lampade læta fatentur :  
 Obducit trifti lumina nube timor .  
 Ut cadit arx , multo quam milite circuit hoſtis ,  
 Et labat in mediâ militis arce fides ;  
 Sic te mille foris quam denſa pericula cingunt ,  
 Interno labes major ab hoſte manet .  
 Donec teſta latet , patriis roſa ſentibus hæret :  
 Involat in patulas quilibet ungue roſas .  
 Quàm felix eſſes , ſi tu quoque teſta lateres :  
 Ne lateas , oculis impediere tuis .  
 Eſto : tibi pateat ſpectabile quidquid Olympus ,  
 Spectandum vaſtus quidquid & orbis habet .  
 Rebus inardeſcet quàm tum ſpes anxia viſis !  
 Imaque pars quantâ ſeditione fremet !  
 In te bella movens ſumptis leo ſæviet armis :  
 Imperium excutiat quæ tibi , tigris erit .  
 Motibus alternis regalia ſceptra lababunt !  
 Servilique geres vincla pudenda manu .  
 Docta minùs , regnum ſecurius ipſa teneres :  
 Quàm vereor , ne mox doctior inde cadas ,  
 Aſt oculis quæ certa fides ? ſi lumina fallunt ;  
 Mens quoque non fidis teſtibus uſa ruet .

Ut



Ut non fallantur , quàm paucula scire licebit ,  
 Non nisi continui parta laboris ope .  
 Quod scis dulce minùs ; quod nescis fortiùs angit :  
 Deque mari tanto gutta bibenda datur .  
 Denique tam varios fors offeret invida casus ,  
 Ut cuperes tantis cæca latere malis ,  
 Cum decus oppressum , cum crimina stare videbis ,  
 Quàm velles oculos non habuisse tuos !  
 Cum tot Inurbanos in qualibet urbè videbis ,  
 Quàm velles oculis posse carere tuis !  
 Sed quid plura loquor ? quod vis tandem accipe munus ,  
 Sed, puto , non faciliis muneris usus erit .  
 Vix ea : cum frontem terebravit utrinque , duasque  
 Fixit in excelsà lampadas arce faber ,  
 Utque luto fuerat compacta recenter imago ,  
 Flevit , & a lacrymis orsa videre suis .  
 Omen inest lacrymis ; sunt Pharmaca proxima morbo ;  
 Lumina quod peccant , lumina jure luant .  
 Crimina nunc aliis graviora notanda relinquo :  
 Quod licet , in nostrà non satis arte , canam .  
 Quorum oculi volucres , nec sede morantur in una ,  
 Author ego , semper dixeris esse leves .  
 Lumina luminibus passim occurrentia nolo ;  
 Pupula non tantum sustinet ista jubar .  
 Hæret hic in vultu stolidè defixus ; & instar  
 Nunquam visa prius monstra notantis , hiat .  
 Rusticus haud aliter pellitus obambulat urbem ,  
 Cui patrii multum fronte mapalis inest .  
 Est , oculis etiam cui mos nictare frequenter ;  
 Ceu tremulo nictant sidera fixa polo .  
 Est , oculos qui sæpe suos distorquet , & alter  
 Dum fursum spectat , despicit alter humum .

Trajicit ille oculos, huic pupula conditur; ille,  
Quo solet hircus olens more videre, videt.  
Odi prostantes, nativæque claustra perosos,  
Quos laribus jures cedere velle suis.  
Quid dicam, speculâ vigilant qui semper ab altâ?  
Durus ut excubias nocte satelles agit.  
Quidquid agis, furtim observant; sub valle latenti  
Vividus insidias sic struit Umber apro.  
Non ita ab alternis qui febribus uritur, horam  
Pallidus invisi frigoris ante timet;  
Non ita virginibus gravis est, puerisque magister,  
Cum ferulam quassans, ore manumque tonat;  
Ut genus hoc hominum quisque averſatur, & odit,  
Per quos libertas, pax & amica ruit.  
Rustice, te-ne meos clam contrectare libellos?  
Nostraque furtivâ vertere scripta manu?  
Sæpe meæ, memini miser, erubere camænæ,  
Cum sua clam domino carmina lecta forent.  
Scilicet incomptis ars nondum extrema decorem  
Addiderat, cultus nec satis aptus erat.  
Displicet hoc meritò: quid epistola lecta latenter?  
Materies justî quanta doloris erit?  
Scilicet arcanis vix exportanda tabellis  
Quæ damus, impuro ferreus ore leges?  
Illa sales quamvis, & nil nisi frivola narret,  
Non tamen est oculis charta legenda tuis.  
Occultos decet esse sales: quàm sæpè decorem  
Littera deperdit publica facta suum?  
Si quis fortè manus alienam intrusit in arcam,  
Fur est; exanimus de trabe pendet onus.  
Qui mihi furtivis chartas sublegit ocellis,  
Fur est; cur mediâ tutus in urbe volat?

Viderit hæc judex : Nostram formandus ad artem  
 Tæ quoque nunc paucis , Nase petulce , venis .  
 Quis furor immundas digitis emungere nares ,  
 Munda , age , quid cessas ? lintea prome , Puer .  
 Quis furor est globulos illinc spectare cadentes ;  
 Num gemmæ hæ , Ganges , nunquid , Erythra , tuæ ?  
 Denique , quidquid erit fastidia gignere natum ,  
 Nil refert fuerit clam ne , palam ne , tegas .  
 Sit pudor ò nostri , sua sit reverentia solis :  
 Quemque colas , tecum semper adesse puta .  
 Te vereare ; tuique tibi largitor honoris  
 Fac sedeas : monitum non leve lector habes .  
 Sternuerit quisquam ? flexu cervicis honorem  
 Innue , mox tacitâ voce precator , Ave .  
 Dein reliquos partus nullo dignabere cultu ,  
 Queis non æqua Venus , nec bona Juno favet .  
 Sed quid ego nostris comprehendere versibus optem  
 Singula : num parvo clauditur orbe Thetis ?  
 Juverit hinc sacros generatim ostendere fontes ,  
 Unde tibi certis norma petenda locis .  
 Quod leviter nocet , & sædum se sensibus offert ,  
 Hoc tacitè urbanum dixeris esse minùs .  
 Aures offendit sonus asper ; scabra caveto  
 Cum scabris durâ confricuisse manu .  
 Displicet hinc ferri , ferræque inamabile murmur ;  
 Et gemitus tractæ , quâ via iniqua , rotæ .  
 Aures offendit sonus ingens ; effuge quidquid  
 Aut strepit , aut vocem grande boantis habet .  
 Quid mihi Stentoreo tumidus baccharis hiatu ,  
 Quum lateri sedeam proximus usque tuo ?  
 Quàm potes , ò , minimo tibi murmure tussis anhelet ,  
 Quàm potes , ò , minimo sternue quisque sono .

Aures offendit discors sonus ; effuge cantum ,  
 Si vox abnormis , nec satis apta tibi est .  
 Et tamen hos videas subcantillare frequenter ,  
 Quæis vox quiddam æris pingue sonantis habet .  
 Hi Venetis quidquid modulatur scena theatris ,  
 Trinacriosque tenent , Sequanicosque modos .  
 Cantus in ore sonat , si fortè negotia tractant ;  
 Ludicra si tractant , cantus in ore sonat .  
 Cantus in ore sonat , si turba canentibus adstat ;  
 Si procul à turbâ , cantus in ore sonat .  
 Malim ego tractorum stridorem audire rudentum ,  
 Æraque discinctis quæ faber aptat equis ,  
 Gutturè quam tetro jugulatos ferre susurros ,  
 Atque inconcinnis verba liquata modis .  
 Sunt oculis quoque grata parum ; deformia visu ,  
 Fœda , nihil certi quæque decoris habent .  
 Cui coma pexa minùs , cui fordida barba , pilosæ  
 Cui nares , oculo judice crimen habent .  
 Qui linguam labris educit hiantibus udam ,  
 Qui digitis barbam , qui caput ungue fricat ;  
 Qui prudens oculos divaricat , ora ferarum  
 Induit , invalidum jactat utrinque caput ;  
 Qui tinnit digitis , qui pressis stridet acutum  
 Dentibus : hæc oculo judice crimen habent .  
 Quàm tener olfactus ! tetros fuge cautus odores ,  
 Nasus in hæc solers arte magister erit .  
 Parce notes digito , si quid via publica fœdum  
 Occulit , aut turpi contegit herba fimo .  
 Spiritus impuro cui teter anhelat ab ore ,  
 Hic mihi plus modico distet ab ore loquens .  
 Non tamen ut sensim pastillos pinset odoros ;  
 Ars retegit morbum , non tegit ista tuum .

Sor-

Sordidus unguentis , semperque opobalsama spirans ;  
 Hic tibi suspectus , ne tegat ulcus , erit .  
 Displicet omnis odor , modò sit quæsitus ab arte ;  
 Nativo quidquid fragrat odore , placet .  
 Vir redolecto virum ; peregrinum spiret odorem  
 Fœmina ; sat benè , qui nil mihi putet , olet .  
 Denique , quod , deceat spectabis in omnibus , istâ  
 Voce fac infideat pectore nulla magis .  
 Quid tamen est Pulchrum , vis ducitur unde Decorì ,  
 Dicite Pierides , Pégasidesque Dæ .  
 Hæc ego dum mecum tacitâ sub mente voluto ,  
 Perculit obtutus lux inopinâ meos .  
 Virgo erat aspectu , redimitaque virgò coronâ :  
 In manibus gemmis circinus asper erat .  
 Mox Dea subridens ; quid pulchrum , nulla docere  
 Te melius vates , quam Venus ipsa , potest .  
 Sum Venus ; at spumis non mobilis edita Ponti ;  
 Sum Venus , at summo nata sub axe Venus .  
 Ordo mihi pater est ; ego dicor ab ordine nasci :  
 Quòd placeam vobis , qui placet , Ordo facit .  
 Cum chaos , & rerum confusa lateret imago ,  
 Terræ ignis stabat proximus , ignis aquæ .  
 Partibus accessit vix digladiantibus ordo ,  
 Inque suas abiit didita massa domos .  
 Tunc fuit , ut caperes moderâmen , Phœbe , diei ,  
 Lunæque nocturnis alta sederet equis .  
 Ordine cuncta fluunt , suus omnia continet ordo :  
 Ordine eunt menses , ordine terra parit .  
 Semina hyems condit , ver elicit , excoquit æstas ,  
 Autumnus cellis congregat illa suis .  
 Ordo facit , vindex quòd pœna coerceat urbes ,  
 Præmiaque alternâ dividit ordo manu .

Et suus est ipsis virtutibus insitus ordo :

Ordo , quòd placeant , alliciantque , facit .

Dissolvunt elementa fidem , Respublica nutat ,

Deficit & virtus , si semel ordo ruit .

Partibus ad totum sese referentibus , ordo

Nascitur : hoc pulchrum fonte , decensque fluit .

Sed satis hæc : patrii concentibus avocor axis :

Hinc operi , Vates , collige multa tuo .

Dixit , & ad cælum geminis se sustulit alis .

Hei mihi congressus quàm brevis ille fuit !

Ordine stat Pulchrum : careat non ordine gestus :

Quidquid agis numeris temperet ordo suis .

Fortè sedent focii ; cur tu discurre in ædes ?

Si stant , cur illis stantibus ipse sedes ?

Accubituque minùs fellæ projectus honesto ,

Crura superpositis cruribus usque foves ?

Quid quod , rauca refers digitorum tympana pulsu ,

Hac , illacque pedes irrequietus agis ?

Interdumque legis , si quid tibi scripsit amicus ;

Aut tacitis mussas nuncia scripta notis ?

Quid quod , & aversus laquearia pendula spectas ,

Nec pudor est altas enumerare trabes ?

Quid quod forficulà refecandos totus in ungues

Incumbis ; fædum virus ut inde trahas ?

Quid quod , & infertis expurgas unguibus aures ;

Expolit aut dentes cuspis eburna tuos ?

Et quota pars fluxit , rogitas persæpe , diei ,

Æraque plus nimio publica stare doles ;

Aut spuis in digitos , animam vel comprimis oris ,

Longiùs ut fordes ejaculare tuas ;

Aut laqueos muscis , & subdola retia tendis ;

Captivasque infers in sua claustra feras ;

Aut

Aut per laxa manu repis femoralia furtim,  
 Ut pereat vigili tortus ab ungue pulex.  
 Omnia fœda : modis & pinguibus illita fordent,  
 Nempè quod his nullus gestibus ordo subest.  
 Nec fatis ad Pulchrum, quòd membra venusta seorsum  
 Singula sint ; propriis si minùs apta locis.  
 Est Juvenis quidam, nomen reticere juvabit,  
 Qui niveis vincit cana ligustra genis ;  
 Luminibus fax bina micat, coma concolor auro ;  
 Rîsus hians modicè, nâsus in ore teres.  
 Singula laudares : totum contemnere velles,  
 Nec tibi, quod facies illa placeret, erat.  
 In promptu est ratio ; vultu non vultus in uno  
 Unus erat, simplex forma nec illa fuit.  
 Dixisses, quàm dulce micant hæc lumina : vultus  
 Lumina sunt, Juvenis, non tamen ista tui.  
 Dixisses, flavo nitet hæc coma concolor auro ;  
 Aptior alterius sed foret illa genis.  
 Emendicato pudeat te vivere vultu ;  
 Redde, puer, dominis singula membra suis.  
 Viderat hoc Zeuxis Calabras accitus in oras,  
 Pingeret ut vultus, rapta Lacæna, tuos.  
 Non fugio certamen, ait, septemque vocatis  
 Virginibus, magnum pingere cœpit opus.  
 Arte tamen certâ, quidquid præstaret in illis,  
 Protinus in tabulam se vocat ille suam.  
 Hæc spectanda genis, sed erat minùs apta capillis ;  
 Eminent hæc oculis, sed minùs ore valet.  
 Reddite, Pictor ait, discordia membra puellæ :  
 Hæc sibi restitui nostra Lacæna cupit.  
 Hinc opus Artificis mirata est Græcia tanti,  
 Pulchrior & verâ picta Lacæna fuit.

Qui

Qui legis ista , meis hoc prudens erue chartis :

Tam magis urbanus ; quam magis unus , eris .

Unus eris quoties ; quæ feceris omnia ; vel quæ

Dixeris , urbanus diriget illa decor .

Unus eris , quoties , quid tempora certa requirunt ,

Et locus , urbanâ pendere lance velis .

Unus eris , quoties talem te cortice primo

Exhibeas , nucleo qualis & intus eris .

Vir non unus eris , si fortè ornabere cultu

Fœmineo ; sed eris fœmina , virque simul .

Vir non unus eris , si militis arma togatus

Indueris ; doctor sed sagulatus eris :

Vir non unus eris , si comptus more vetusto

Incedas , sed eris vir vetus , atque novus .

Vestibus idcirco , tua quas laudaverit ætas ,

Utere , si carum te juvat esse tuis .

Dissociant animos varii discrimina cultus :

Par animos cultus nectit amore pari .

Navita cæruleos trahit in sua retia pisces ,

Gausapa cæruleo tincta colore gerens .

Lanigeras pastor qui ducit in antra capellas ,

Non nisi lanigerâ corpora veste tegit .

At quibus indueris , tibi sint aptata decenter :

Sat dives , sedeat si bene , vestis erit .

Hinc fuge venali prostantia pallia filo ,

Quidquid & exterso vendit Apella situ .

Munditiis studeas ; modus at quærendus in illis :

Quæsitus nimia displicet arte decor .

Vidi ego composito fluere nisi Syrmate vestes ,

Nec foret in certos zona voluta sinus ;

Si pilus abrafo fruticaret in ore relictus ,

Linea divideret nec bene ducta comas

Aut.



Aut levis inficeret tunicæ pulvisculus oras,  
Protinus iratum fanda nefanda loqui.  
Quid tua conditio, tua quid sibi postulet ætas,  
Quodque genus deceat vestis utramque, vide.  
Candida fac careat cesto Venus, Ægide Pallas:  
Deme fides Phœbo, tela trifulca Jovi;  
Aut sua si Baccho præcidas cornua, notus  
Vix tibi de superis unus, & alter erunt.  
Sæpe salutatus titulo mihi futor equestri,  
Sæpe, velut futor, dissimulatus eques;  
Cur? nisi quod vestes futor gestabat equestres;  
Vilia futoris pallia ferret eques.  
Præcipue festâ tamen hoc tibi luce cavendum,  
De grege cum quivis luxuriatur, erit.  
Sardonycas digitis grandes tunc institor aptat;  
Exuit & pexus pallia trita coquus.  
Tunc Ianius totam scutulatus obambulat urbem;  
Perlitus & cocco compita pistor obit.  
Pompa venit: templi decedite parte Quirites:  
Quid statis? procul, ô, cedite; pompa venit.  
Respexi, trepidusque meâ statione relicta  
Decessi; tamquam regia pompa foret.  
Ecce tibi templum crepitantibus obsita gemmis;  
Et gravis insuto fœmina Gange subit.  
Clara requirenti mihi stemmata gentis, in aurem  
Nescio quis; Ianii divitis uxor adest.  
Quid juvat adscitis ridendum incedere pennis?  
Exemplum cornix, quod caveatis, habet.  
Quis ferat in morem Phrygii Ganimedis amictum;  
Cui propè jam vitæ meta peracta, Senem?  
Læta decent juvenes, insignibus utere lætis,  
Dum calido vernat sanguine vena recens.

Pul-

Pulla decent ætate graves , senioque verendos ;  
Qui medius color est inter utrumque , viros .  
Plurima prætereo ; nam plura doceberis usu :  
Corporis ornatum qui regat , usus erit .  
Si sibi quisque tuâ detondet in urbe capillos ;  
Nolo ego promissis conspiciare comis .  
Si sibi quisque finit senium succrescere barbæ ;  
Nolo ego detonsis conspiciare genis .  
Non tamen hoc prohibet , modice desistere ab usu  
Quin possis , usus derogat ipse sibi .  
Cruribus es brevibus , proluxaque vestis in usu est :  
Quâ tegeris , vestis longa sit illa minùs .  
Cruribus es longis ; contractaque vestis in usu est :  
Quâ tegeris , vestis longa sit illa magis .  
Non levis artis erit , vitium occultare decenter :  
Ne nimiâ id fiat sed tamen arte , cave .  
Ut si quis caligis flammantibus utitur ostro ,  
Tibia cui talo non benè nixa suo est ,  
Non tegit hic vitium : sed qui color eminet idem  
Efficit , hâc vitium prodat ut arte magis .  
Ut si cui scapulæ gibboso tubere turgent ,  
Hunc nimis adstricto fibula dente premat ,  
Non tegit hic vitium ; sed moles tuberi extet  
Ut magis , adstricto fibula dente facit .  
Ni tamen urbanis vestes incessibus effers ,  
Profuerit vestis quid benè culta ? nihil .  
Incessu vir quisque patet , tacitusque fateri  
Qui sit , ab incessu cogitur ipse suo .  
Mollem animum fractus ; vagus incertusque , solutum ;  
Si fuerit constans ; arguit esse virum .  
Hæc ego dum meditor , referatis fortè fenestris  
Spectabam populi prætereuntis iter .

Ecce

Ecce mihi primum sese cirratulus offert ,  
 Oblitus unguentis , deliciisque fluens .  
 Pellibus Euganeis manus utraque tecta latebat ,  
 Nobilis è scissa pelle nitebat onyx .  
 Protinùs incessum naso censore notavi ;  
 Materies monitis cresceret unde meis .  
 Non ita mollis Anas , cum defluit amne secundo ,  
 Circumagit clunes , albaque terga rotat .  
 Non picturatis ita te circumspicis alis  
 Scurra Palatinæ , Pavo superbe , domus ;  
 Ut puer hic fractis lustrabat gressibus urbem ,  
 Crispans composito lubrica terga gradu .  
 Substiteram paulùm ; cum se testudinis instar ,  
 Guttatim lentis passibus alter agit .  
 Hic volat adductis cursoris more lacernis :  
 Manat ab immundis plurima gutta genis .  
 Calcitrat hic ; varis se fert incessibus alter ;  
 Hic titubat , mediis ut solet alnus aquis .  
 Quolibet ille gradu pavidus cunctatur , & hæret ,  
 More viam carpens multa timentis equi .  
 Pes huic rauca gemens luctantia saxa fatigat :  
 Tinnula non alio plaustra fragore sonant .  
 Nescio quid loquitur , dum solus obambulat ille :  
 Fallor ? an elatâ supputat æra manu ?  
 Hic velut in socium paries casurus inhæret ,  
 Nec cubito parcens turbat euntis iter .  
 Respicit à tergo ceu fures ille timeret ;  
 Urgeretque suum sica dolosa latus .  
 Sed priùs enumerem quot habet Methymna racemos ,  
 Gargara quot fruges , Trinacris Hibla favos ,  
 Quàm varios possim complecti carmine motus ,  
 Quos dedit ante oculos hora vel una meos .

Vidi ego qui furas passu diduceret amplo ;  
Haud aliter laxo Circinus orbe patet .  
Vidi ego qui recto nunquam se tramite ferret ,  
Parque tuis iret , torte Cayster , aquis .  
Singula dum mecum speculâ meditabar ab altâ ,  
Perstreperetque meo risus in ore frequens ;  
Ilicet insolitis clamoribus avocor ; aures  
Arrigo , jam propior verberat astra sonus .  
Quæ species , & quanta fuit ? quam mirus ubique  
Splendor , & à gemmis crescere visa dies :  
Anteit effusis famulorum fluctibus agmen ,  
Quos Phrygia insignis vestis obibat acu .  
Succedunt mox ære graves , auroque quadrigæ ,  
Sectile quas Pharii dentis oberrat opus .  
Gratulor oblatae spectacula regia pompæ ,  
Tempestivè oculos detinuisse meos ,  
Hæc ego dum tacitis obtutibus omnia lustro ,  
Materies dubitans vincat , an artis opus ;  
Præcipuè incessus mentem oblectabat equorum ;  
Hæc species oculos detinet una meos .  
Nil erat arte carens , Cervix erecta micabat :  
Immotis stabant pectora lata toris .  
Dixeris urbanam perfectos nuper ad artem ;  
Non nihil his nostræ mentis inesse putes .  
Mox ego : proh quantas hominum solertia vires  
Exerit , & quantum numinis instar habet !  
Forsthan his excors agitasset plaustra bubulcus ,  
Et via ridendis hæc tereretur equis ;  
Dum tamen a teneris gressus glomerare magister ,  
Compositoque docet flectere crura gradu ;  
Hos modò quàm cupidis spectant obtutibus omnes ,  
His modò quàm læto murmure Roma favet .

Quod

Quod si multa feris concessum est discere brutis,  
Miraque dum dociles mens aliena regit;  
Cur, ubi mens habitat, folioque locatur avito,  
Non magis in proprio prævalet illa loco?  
Scilicet ut pueris facies invisa magistri,  
Ut medicum rarus, qui colat, æger erit,  
Ille suis nugis puerile quod abstinet agmen,  
Pharmaca quod tristi diluat iste manu;  
Nomine sic ratio fugienda videtur utroque,  
Dum docet, & munus triste medentis habet.  
Ast alii, quocunque ruit natura, queruntur  
Invitâ frustra se ratione trahi;  
Utque latus victum, nil oblucente magistro,  
Obiicit insanis concava puppis aquis;  
Sic quoque decisis mentem languescere nervis,  
Nos ubi præcipiti turbine sensus agit.  
Nulla ne naturæ circumdare fræna ruenti  
Possumus? huic mentem succubuisse decet?  
Quid furit igne magis? quanta est truculentia flammis?  
Cum per terrarum subdita claustra ruunt.  
Tormentis resonare cavis tamen arte docemus,  
Et dociles ignem texere in astra fugas.  
Est aliquid tumidi violentius æquoris undis?  
Amne quid effuso sævius esse potest?  
Frangimus arte tamen tumidarum robur aquarum,  
Fræna procelloso ponimus arte mari.  
Aspice nativis motos de finibus amnes,  
Aspice compulsos in sua claustra lacus.  
Quid dicam jussos latè decrefcere montes,  
Et valles summis montibus ire pares?  
Ergo ne, cum terræ, cælo, dominetur, & undis,  
Mentem naturæ succubuisse decet?

Pa-

Pareat hæc , leges indicat sensibus illa ,  
Atque reluctantes in sua fræna trahat .  
Nec minùs internos discat componere motus ,  
Quam simili motus corporis arte regat .  
Nequid in incessu nimiâ gravitate notetur ,  
Nequid festinum sit nimis , illa vetet .  
Quod ceroma sapit , luctatricemque palæstram ,  
Passibus urbanis jusseris esse procul .  
Quodque nimis fractum , nimiumque imbelles , cavebis ,  
Quodque scholam , & choreas , deliciasque sapit .  
Non vagus hæc illâc , non desultorius ibis ;  
More nec incedes succutientis equi .  
Nec minùs erectis incessibus utere durus ,  
E solido tanquam fusilis ære fores .  
Denique sit constans , rectusque incessus , & aptus ,  
Et procul à vitio , docta Thalia , tuo .  
Quis probet argutasque manus , digitosque loquaces ,  
Sanus , & in numeros brachia mota leves ?  
Aut cum laxa jacent , lentisque fluentia nervis ,  
Aut temerè hæc illâc , more ferentis , eunt .  
Ni quid fortè vetet , gremio conjunge decenter .  
Parte togæ geminas impediende manus .  
Non tamen hærendum passu tibi quolibet esse  
Finge , meas leges si tenuisse velis .  
Sit modò longævus , primisque assumptus ab annis  
Ufus , & in portu jam tua navis erit .  
Litterulas puero cum prima notaret arundo ,  
Torquebat ductu littera quæque suo ;  
At nunc sponte manus ( calamum clam dirigit usus )  
Fertur in officium libera facta suum .  
Quam durum est voces numeris vincire , modosque  
Addere , quo consent singula verba sibi .

At

At nunc sponte mihi (numeros clam suggerit usus)  
Occurrunt aptis verba ligata modis.  
Nec facile est tantum, longo quod discitur usu,  
Suave fit ex usu, triste quod ante fuit.  
Sive quod à pueris quæ discimus, altiùs hærent;  
Et bene quæ norit quisque, libenter agit.  
Sive quod occultè naturam transit in ipsam  
Ufus, & in nobis par quoque pondus habet.  
Quidquid id est, longo non sic dediscimus usu,  
Quæ mala sunt teneris moribus hausta semel.  
Ut discas novitatis amor, laudisque cupido  
Urget, & incæptum nil remoratur iter.  
Dediscas ut contra aliquid, contrarius obstat  
Impetus; adversis carbasa ducis aquis.  
Tristibus unguentis corrupta Fidelia primum,  
Ut bene radatur, pristina semper olet.  
Sordida ut affusis subigatur vestis in undis,  
Quæ latuit labes non benè, rursus hiat.  
Forfitan assuèrat femoralibus abdere semper  
Quidam, dum fuerat virque, puerque, manus.  
Canus id erubuit, studioque hoc cogitat omni  
Ut clandestinas arceat inde manus.  
Sed manus interea, femoralia nota revisens  
Clam sene, consuetas itque reditque vias.  
Forfitan assuèrat verba inter singula nasum  
Tangere, dum fuerat virque, puerque, suum.  
Improbat id senior, totamque huc admovet artem,  
Ad consuèta manus ne loca rursus eat.  
Sed manus interea nasum complexa tenebat  
Fortiùs, irridens irrita vota senis.  
Est morbi genus, hic pueros comprehendere natus;  
Morbillus latiâ nomen in urbe tulit.

# 130 DE VITA URBANA

Hic simul infecit puerilia labra, genasque,  
 Nunquam delendas figit in ore notas.  
 Morbilli genus est, quidquid puerilibus haustum  
 Moribus, urbanus læditur unde decor.  
 Morbilli genus est, primo quæ parva sub ortu,  
 Culpa, suum sensim tollit ad astra caput.  
 Atqui sæpe homines vitiis emergere vidi,  
 Quæ graviora forent, quæque cavenda magis.  
 Hic putris in Venerem noctesque diesque ruebat;  
 Pœnituit; parvo tempore castus erat.  
 Hunc damnosa suis permunxerat alea talis;  
 Erubuit; talos jamque valere jubet.  
 Scilicet exuimur vitiis majoribus; at qui  
 Morbillum valeat tollere, nullus erit,  
 Exue morbillum, dum nondum obduruit ætas;  
 Seminaque ingenii spontè sequacis habet,  
 Exue morbillum, dum nondum apparuit ulcus;  
 Lanaque non alio tincta colore rubet.  
 Stulte, quid Æthiopem fontana mergis in undâ?  
 Num niger affuso tollitur imbre color?  
 Stulte, quid & Lapithas, quæ pocula parte bibantur,  
 Quosque colat ritus publica mensa, doces?  
 Inter Sicelidas non te, Galatea, Puellas,  
 Æquoreasque fuit pulchrior ulla, Deas.  
 Protinus hanc vidit; visam Polyphemus amavit:  
 Et, Valeant aliæ; tu mea, dixit, eris.  
 Quid tibi cum pulchrâ, Pastor turpissime, Nympha;  
 Scylla foret thalamis non magis apta tuis?  
 Dona coloratas mittit dotalia conchas,  
 Demptaque vimineis pronuba mella favis,  
 Aggerat his nivei condensa coagula lactis,  
 Intactamque suo de grege mittit ovem,

Lit-



Littera mox putris peraratur cortice fagi :  
 Hei mihi quàm fœdis littera scripta notis !  
 Hoc caput : Ut nollet si nubere sponte roganti ,  
 Vim sibi de mediis rapta caveret aquis ,  
 Vix ea perlegit ; flavos Galatea capillos  
 Solvit , & indigno sauciat ungue genas .  
 Ab Jove certa ferens glauco mandata Tonanti ,  
 Mercurius Siculas hospes obibat aquas .  
 Isque ubi te mœstam coram , Galatea , notasset ,  
 Et quæ causa tui , Nympha , doloris ? ait ,  
 Explicat illa minas , & turpis vota Mariti ,  
 Præsentemque sibi Numinis orat opem ,  
 Risit Atlantiades ; Polyphemum eludere pronum est ,  
 Scribe , ait , & mentis summa sit ista tuæ ,  
 Te facilem tanti subituram jura Mariti ,  
 Quo Siculis nullus pulchrior esset agris ;  
 Hoc tamen oratum Polyphemum velle , decori  
 Interea studeat , munditiasque colat ,  
 Cumque foret vitreâ Neptuni festus in aulâ  
 Inter Nereidas mox peragendus Hymen ,  
 Disceret ad numerum choreas agitare decenter ;  
 Claudatur solito littera scripta Vale ,  
 Hæc ubi præstiteris , scopulo latitabis in illo ;  
 Innuit & scopulum : non procul ille fuit ,  
 Huc quoque Tritonas vastâ se mole ferentes  
 Occule : tu positâ jussa faceffe morâ .  
 Paruit hæc ; missis gaudes , Polypheme , tabellis ,  
 Spemque nihil dubiâ credulitate foves .  
 Ergo coloratis conferta monilia conchis ,  
 Velleraque eximio de grege tonsa capit ,  
 Pectit & hirsutos rastro septēmplice crines ,  
 Liliaque ingenti quassat opima manu ,

Corpore mox toto pelagi projectus ad oram ;

Turpia commotis fluctibus ora lavat .

Stulte , quid auritos venaris in aere cervos ?

Blanda quid è duro marmore mella petis ?

Quid tibi munditiæ , Pastor turpissime , profunt ?

Omnia fac : semper tu Polyphemus eris .

Jamque dolos secum tacitâ sub mente volutans ;

Venerat huc Majâ de genitrice satus .

Tum quid agis , bone Pastor , ait , quæ causa recentis

Cultus ? unde nitor tantus in ora venit ?

Ille sub hæc ; Novus instat Hymen , Galatea maritum

Me petit ; huic conjux jungar oportet , ait .

Jussit ut ornarer ; mora nulla decentiùs ornor :

Munditias colerem ; munditiasque colo .

Displicet hoc tantùm , choreas quod discere jussit :

Quâ miser heu ! valeo prorsus in arte nihil .

Scilicet hoc angit ? si me , Polypheme , magistro

Uteris , ut discas , est brevis hora fatis .

Dic age , Pyrrhichiis agitare rotatibus artus ,

An magis Æolio ludere more cupis ?

Rite salutabis flexâ sic fronte coronam ;

Sic tibi pes curvo poplite verrat humum .

Vir bone , num cervix obduruit ænea collo ?

An ne pedes subito diriguere gelu ?

Funibus hic opus est ; gaude fortissime Pastor :

Nè dubita , voti me dace compos eris .

Nec priùs hanc didicit tibi par Tirynthius artem ,

Quam sineret vinclis crura , manusque regi .

Herois te tanta sequi vestigia par est :

Nunc mihi , quæ peragas , pauca monendus ades :

Brachia recte traham ; jactato brachia , furas

Excutiâm ; furas , nec mora , tolle sequax .

Hæc

Hæc ubi ; villosis circumligat horrida setis  
Brachia , & in pedibus taurea lora ligat.  
Imperiis duri pares , Polypheme , magistri ,  
Tantus in attonito pectore torpor erat .  
Et jam Mercurius scopulo confederat alto ,  
Alternâ quatiens lora magistra manu ;  
Quem subter pavitans vix se Galatea tegebat ,  
Tritonesque citi , Nereidumque chorus .  
Quove suam molliret opus , Polyphemus avenâ  
Personat ; illa gemens murmura quassa jacit .  
Nunc caput attollit , frontemque in nubila jactat ,  
Grandia nunc circum membra sine arte rotat .  
Vidit ut alterno pastorem crure labantem ,  
Dexter in obliquum lora magister agit .  
Concidit ad terram Polyphemus : tota remugit  
Ora maris ; vastis motibus Ætna tremit .  
Ilicet emergunt vitreis Tritones ab antris ,  
In tales dudum Turba parata dolos .  
Tum villosa feri Pastoris in æquora trudent  
Corpora ; luctantem fortius agmen agit .  
Illum spumifero manantem rore videres ,  
Pugnantem & validâ scindere lora manu .  
Plaudunt Nereides ; turpem Galatea maritum  
Risit ; Atlantiades victor in astra redit .  
Fabula narrata est : monitus nunc percipe nostros ;  
Non quidquam his majus Delphica laurus habet .  
Ni puer à primis urbanè assueveris annis  
Vivere ; qui legis hæc , tu Polyphemus eris .

## DE VITA URBANA

## LIBER QUINTUS.

**E**T jam me positis Urbis convivia mensis ,  
 Et tua vitifator pocula , Bacche , vocant .  
 Ite , corymbiferis puppim redimite coronis ,  
 Quæ portum fesso remige læta subit .  
 Sed tamen, ante datas,quàm tangimus æquore metas,  
 Ni grave sit , paucis , Musa , monenda mihi es .  
 Non tibi fas humili penetrare Palatia focco :  
 Si sapis , ad magnas siste , Thalia , fores .  
 Aspice , regifico niteant ut fercula luxu ,  
 Mensaque Mentoreæ splendeat arte manus ?  
 Quæ Batavæ nevere nurus mantilia cernis ?  
 Fœminaque artifici Belgica lufit acu ?  
 Argento pretium vis auri detrahit , auro  
 Gemma, suas luxus perditur inter opes .  
 Hic , cave , quæfieris , ne quâ sit fraude supellex  
 Parta , vel occultis turpiter auêta dolis ;  
 Nec si funereo Provincia ploret amictu ,  
 Væstigal Dominæ pendere iussa gulæ ;  
 Desine : mordaci non hæc perstringere versu  
 Tempus , & ingenium mœlle , Thalia , tuum est .  
 Qui fragor , & quantus ! famulorum turba per ædes  
 Dum sine lege procax , dum sine fronte ruit .  
 Plus ubi servorum , vix est qui serviat aptè :  
 Quæque obeunt plures munia , nullus obit .  
 Quid tibi regna canam , quæ mox durissima structor  
 Exercet , dominâ dum regit arte dapes ?

Ec-

Ecce capillati, qui mensæ operantur Ephebi,  
 Ad numerum cyathos, haustaque vina vocant.  
 Succedunt dapibusque dapes, & fercula trudent  
 Fercula, per certas irrequieta vices.  
 Tangere multa tibi, sed scindere pauca licebit;  
 Magna oculis aderit pompa, pusilla gulæ.  
 Quid mihi, si niteat gemmis extantibus asper,  
 Si tamen exiguò vix patet ore, calix?  
 Quid quod longa salus domino libanda potenti,  
 Quæque per antiquæ stemmata gentis eat.  
 Hæc ubi præstiteris, tanto quæ parta labori  
 Est Merces? minimo fallere labra mero.  
 Finis adest mensæ: mensâ de divite surgit  
 Nec benè cœnatus, nec benè potus Eques.  
 Intereâ libata sacræ vix fercula cœnæ  
 Obsceno famuli turpiter ore vorant.  
 Illuduntque super, magnis quòd sumptibus empta  
 Fercula sint Dominis, gaudia parta sibi.  
 Hæc ne putem nostris convivia legibus apta?  
 Ad numeros revocem fercula picta meos?  
 Ergo age: privato quâ se torus explicat orbe,  
 Né græve sit Vati, Musa, præire tuo.  
 Aut ubi cultus eques, parili stipante coronâ,  
 Sumit honoratâ pocula parca manu.  
 Nec pudor, accubuisse tibi genialibus hortis  
 Margine sub viridi lene sonantis aquæ;  
 Aut ubi regali se Pincia Villa theatro  
 Effert, urbano carpere more dapes.  
 Me duce,\* Testa frequēs quibus imminet, atra cavebis,  
 Aut pila queis nomen, lusibus apta, dedit.

I 4

Me

\* *Crypta vinarie Roma celeberrima. Mons Testaceus. Taberna, cui nomen à pila lusoria.*

Me duce , non humiles dignabere , Musa , tabernas ;  
 Namque locus tantam dedecet ille Deam .  
 Vilibus hæc Bacchi sacris operata juvenus ,  
 Hæc petat è mediâ plebe popellus iners .  
 Non , nisi quæ deceant , canimus convivia ; quæque  
 Vel Cato porrectâ fronte subire velit .  
 Et quibus assideant , loto tamen ante decenter  
 Ore , fenēs Curii , Fabriciique graves .  
 Risit ad hæc furtim , tacitoque Thalia susurro ,  
 In me nulla mora est : perge , Poeta , sequar .  
 Quisquis es , alterius qui cœnaturus in ædes  
 Veneris , ad jussu tempus adesse velis .  
 Sedula turba sumus semper , sed sedula nunquam  
 Turba magis , quàm cum mensa parata vocat .  
 Hinc ego devoveo , celebrat quas fœmina , mensas ,  
 Cui plerunque graves sunt in amore moræ .  
 Ante , leves orbes quàm digerat illa comarum ,  
 Et certo teretes ordine figat acus ;  
 Et bene descendant operoso firmate vestes ,  
 Et bene dum capiti stet mitra , vesper adest .  
 Testis ab Assyrio quondam rejecta Tyranno  
 Fœmina ; sacra cano , parce movere fidem .  
 Straverat immenso Rex publica fercula luxu ,  
 Proderet ut partas ambiciosus opes .  
 Confitus eligitur platanis genialibus hortus ,  
 Ingenio ne magis dives , an arte locus ?  
 Illicet attolli Babylonica vela videres ,  
 Quæ facerent puros , & sine sole dies .  
 Marmoreis fulcitur opus Regale columnis :  
 Byssina tornatum lora coercet ebur .  
 Pars sedet electro , solido pars accubat auro :  
 Sub pede proteritur vermiculatus onyx .

Par fuit in dapibus luxus : quas pontus , & aer ,  
 Terraque progignit mensa dat una dapes .  
 Larga quidem passim , sed libera vina dabantur :  
 Vina recusantem cogere crimen erat .  
 Vertere jamque merum temulenti corda Tyranni  
 Cœperat , & compos vix erat ille sui .  
 Imperat acciri Vasthim : mora nulla vocanti  
 Adsit : in has nondum venerat illa dapes .  
 Semiviri parent : crystalla , & Pyxidas inter  
 Stabat inornatis Regia sponsa comis .  
 Præsto aderant centum primâ de gente puellæ :  
 Nullaque non proprium sedula munus obit .  
 Hæc erat a speculis , speculumque adversa tenebat :  
 Altera candentes igne fovebat acus .  
 Illa Cythoriaci sibi pectinis asserit usum :  
 Hæc vacat armillis , torquibus illa præest .  
 Omnes sedulitas , omnes labor occupat : unum  
 Nempè caput tantæ comere molis erat .  
 Regis ab accitu quæ non sibi plauderet uxor ?  
 Hæc dolet , exitii causa futura sui .  
 Mox ait : hæc Regi per vos responsa ferantur :  
 Ut veniam , videor non mihi compta satis .  
 Semiviri responsa ferunt : incanduit irâ  
 Rex , folio Vasthi , non mora , cedat , ait .  
 Sic pœnas dedit illa moræ : tenet altera regnum ;  
 Et thalamum : crines i colo , stulta , tuos .  
 Talibus edoctus convivium ferus adire ,  
 Pœna licet levior sit subeunda , cave .  
 Quis bona cunctando corrumpat prandia prudens ?  
 Cum Cerere has refugis , Bacche jocosæ , moras .  
 Venerit , & pactas sub mensæ tempora merces  
 Institor expediet ? rursus adesse jube .

Si latus obfideat circumflua turba clientum ;  
Labere , quâ cæcum janua præbet iter .  
Deproperanda tibi sit epistola ? scribere differ :  
Syngrapha signanda est ? syngraphia , cede procul !  
Denique nil tanti tibi sit , quo cætera dicat  
Turba , quid hic tantùm noster amicus abest ?  
Non tamen idcirco te matutinus in ædes  
Confer , ubi ad mediam prandia dicta diem :  
Tempore fac adeas : si contigit ocyus ire ,  
Ne quid turbetur te properante domi .  
Utque tibi mordax præcordia vellicet humor ,  
Sunt tamen instantis signa premenda famis .  
Cur toties oculis argentum temporis index  
Promitur ? & jussos anteit hora sonos ?  
Teque vadaturum primo sub vespere fingis ,  
Aut tuâ clamoso testâ cliente premi .  
Nutibus hic Domini standum : sermonibus horas  
Contrahe : sic furtim fallere disce famem .  
Turpe carens fidibus Citharædus , acinace miles ,  
Discipulis Dôctor , Causidicusque togâ :  
Turpe etiam dulces vir asymbolus inter amicos ;  
Cœna ubi collato pacta sit ære prius .  
Sumptibus alterius si fortè parabitur , illuc  
Non nisi cum fueris sæpè rogatus , adi .  
Aulica sunt quædam , nucleoque carentia verba ;  
Altera pondus habent ; utraque nosse decet .  
Conjice de vultu ; vultus certissimus index ,  
Fingat , an ex animo simpliciterque roget .  
Cum tamen hæc fuerint ; convivia rarus adibis :  
Hei mihi lautitiis alea quanta subest !  
Scilicet ut carpas pudibundo singula gestu  
Fercula ; de parvis magnus acervus erit .

Dum



Dum thyma libat apis, nec flore moratur in uno,

Distendunt pingues furta minuta favos.

Farris & ingentem formica exhaurit acervum,

Pondere dum gracili sæpè gravata redit.

Ergo ubi sobrietas, & parca modestia peccat;

Quæ tibi ab effusâ damna timenda gulâ?

Quis furor est, procerum cœnis inhiare per urbem

Cum, quantum satis est, præbeat olla domi?

Fictilibus ne minus, quàm divitis orbe metalli

Aut juvat, aut stomacho forsitan esca sapit?

Num magis in gemmâ demulcent vina palatum,

Quàm patulo vitreus præstet in orbe calix?

Solus eris? comites tibi dulcia prandia sternent;

Sanctæque libertas, simplicitasque decens.

Arguet hîc nemo, si pocula fortè pitissas,

Cumque labris paulò si sit inuncta manus.

Nullus & objiciet, si peccant crura sedenti,

Aut libet accubitu liberiore frui.

Non ita liber eris, nostrisque à legibus exors;

Hospita mensa tibi cum subeunda foris.

Sedulus hîc igitur, solitoque decentior ibis,

Sit coma pexa recens, sit sine labe toga.

Barba nec emineat manibus detonsa magistris;

Neve cavo fruticet naris in orbe pilus.

Quem non offendant liventes fordibus ungues?

Turpis & illoto pædor in ore sedens.

Quem non offendant scabri rubigine dentes?

Perque cavum menti crebra saliva fluens?

Ecce puer tonsis præfert mantilia villis,

Inque manu signis asper aqualis adest.

Tu modò vel Parii candorem marmoris æquent,

Nec dubita modico spargere rore manus.

His

His ubi perfunctus, capias ex ordine sedem :

Quam capies, meritis æqua sit illa tuis.

Scrupulus hinc oritur, decimo quod tertius, inter

Convivas, certi funeris omen, adest.

Vana superstitio, quid anilibus obstrepis umbris ?

Non facit ad larvas mensa parata tuas.

Quin magis ante dapes bona dicite verba Tonanti,

Et superos tacitis conciliate sonis.

Nonne Deus, quodcunque sapit, quodcunque palatum

Mulcet, inexplicitâ providus arte parat ?

Projicit ille suam cunctis animantibus escam,

Munificas quoties pandit ab Axe manus,

Blandiùs hinc sylvis argutula concinit ales,

Non intellectis carmina grata modis.

Et turpes, quâ voce valent, sub gurgite phocæ

Auctori grates persoluere suo.

Et dubitet quisquam sub primæ fercula mensæ

In sua propitium dona vocare Deum ?

Sed jam prima gulæ præludia ritè feruntur,

In quibus ipse suas explicat annus opes.

Ecce tibi lippæ laceris in vestibus adstant,

Quas positâ ficus villica legit acu.

Proxima succedunt dissecta tomacula porcæ,

Felsina quæ doctâ pressit opima manu.

At tu parce dapes invadere, miles ut hostem,

Utque ruit viso vividus Umber apro.

Fila priùs Citharæ fidicen prætentat eburnæ,

Elicit inde manu liberiore melos.

Tu quoque sub primæ præludas fercula mensæ,

Præcipitemque regat sobria dextra gulam.

Ne tua longa putans quisquam jejunia, secum

Dixerit; ut curtas res habet iste domi!

Ad-

Adde quodd & primo cùm limine victa refedit,  
Segnior in cursu cogitur ire fames.  
Hinc tibi profuerit, caveas quo crimen utrunque,  
Appositos lento conficere ore cibos.  
Ni facias, quàm multa feres incommoda; morbis  
Omnibus ex illo janua laxa patet.  
Scilicet hinc pluvio stillantia rheumata naso,  
Et quassum tussi subfiliante latus.  
Quid, cùm pasta diu vivaci in sulphure febris  
Membra per alternos uret anghela dies?  
Quid, cùm nodosâ gressus tardante podagrâ,  
Quassabis trepidâ lignea fulcra manu?  
Aut mala se membris fundet tabentibus Hydrops,  
Et formidatis pallidus ibis aquis.  
O quot amara bibes medicatis pharmaca succis,  
Inque suo plaudet pharmacopola sinu!  
Frivola discedant, jam fervida mensa caleseat:  
Ite procul tenues, vulgus inane, dapes.  
Ferte coronatas libis cerealibus escas,  
Fumet & in patinis grandibus assa caro.  
Nunc locus est cultris; teretes distingite cultros,  
Nunc sonet in digitis fuscina cûrva tuis.  
Dic age, dic Erato, Siren blandissima mensæ,  
Quis bonus invexit commoda tanta Deus?  
Nupserat Oceano, res antiquissima, Tethys:  
Evocat hûc omnes pompa marita Deos.  
Conveniunt Superi: discumbitur: ordine nullo  
Aggestæ stabant, & sine more dapes.  
Fagina inæquali fluitabat stipite mensa  
Nuda, nec inducto vellere sueta tegi.  
Vastus & attritis stabat quoque cantharus ansis,  
Qui patulo cunctis funderet ore merum.

Fiſtilis urceolus vetus inſtillabat acetum,  
 Et ſalis, & piperis charta cucullus erat:  
 Non tulit hoc Pallas, cœtuque adſtante Deorum;  
 Ægide ter motâ talia verba dedit:  
 Hæccine placatâ convivia mente feremus?  
 Sordibus his quando, Numina, finis erit?  
 Hæc licet illuvies Saturnia regna deceret,  
 Non decet imperium, Juppiter alme, tuum.  
 Quid juvat in templis nitor, & bene culta ſupellex,  
 Si careat cultu ſordida menſa ſuo?  
 Quot non humanis inveximus uſibus artes?  
 Nos adeò ſegnes in bona noſtra ſumus?  
 Sed quid plura juvant? rem facta diſerta perorent:  
 Non opus eſt verbis: Dux ego rebus ero,  
 Dixit, & extemplò mollitum pollice vellus  
 Ipſa magiſterii texuit arte ſui.  
 Ipſa leves mappas, & longâ toralia nevit;  
 Dignus Palladiâ noſcitur arte labor,  
 Plauditur invento: ſuperos agit æmulus ardor,  
 Expediuntque alacres ad nova cœpta manus,  
 Mulciber igne potens argillæ fiſtilis orbes  
 Dividit, & patinas protinus eſſe jubet,  
 In quamcunque velit flammæ munere partem  
 Ducit inoffenſum, quâ valet arte, vitrum.  
 Jam phialas vaſtâ turgere mole videres,  
 Et tumido trullas creſcere ventre breves,  
 Pocula quàm vario cælavit Dædala cultu!  
 Mira quot in cyathis extudit arte faber!  
 Hic brevis, & duplicem præfert tractabilis anſam:  
 Arduus hic labro vix brevior patet,  
 Turbinis in morem convolvitur alter acuti;  
 Hic conchæ ſpeciem præbet, & ille ratis,

Mar-

Martis ad imperium, quo se custode tegebat,  
 Redditus est culter, qui prius ensis erat,  
 Munere Neptuni, desit ne fuscina mensis,  
 Provisum, triplici fuscina dente minax.  
 Quæque vehi gaudes conchis lasciva marinis,  
 Tu concham mutas in cochleare, Venus.  
 Ut digesta suo procederet ordine mensa,  
 Munia de superis quilibet apta capit.  
 Mercurius sectorque dapum, mensæque Magister  
 Eligitur, vafræ dexteritate manus.  
 Alma parens frugum, tibi cella penaria cessit;  
 Bacche, tibi laticis credita cura tui.  
 Candida præficitur, quæ pocula misceat, Hebe:  
 Iliacus nondum viderat astra Puer.  
 Ut numeris constare suis convivia vidit  
 Jupiter, ad superos talia versus ait:  
 Non leve quid vestro perfectum est munere, Divi,  
 Per quos cœpta suo mensa nitore coli.  
 Juppiter hospitiiis præsum: convivia nostri  
 Sunt juris: mensas qui regat, unus ero.  
 Juscula, quæque fluunt pingui farcimine pultes,  
 His aptum dapibus quis cochleare neget?  
 Nemo tamen tumidis ferventia juscula buccis  
 Asslet, anhelanti ne quid ab ore fluat.  
 Displicet & fundo patinas quæ radit ab imo,  
 Tinnitum patinæ per cava labra ciens,  
 Ergo nihil, fervens quod tergeat unda, superfit?  
 Mundities, superi, non mihi tanta placet.  
 Cultro opus est solidis: scindenda tenacia, quæque  
 Admittunt ægrè fercula tosta manus.  
 Scissile quidquid erit, lævâ tibi fuscina sistet,  
 Dexter erit, peragat qui tibi culter opus.

Non

Non tamen ut digitis nihil attrectetur ab ipsis :  
 Aptior ad quædam est conficienda manus .  
 Ostrea , pisciculos , conchas , volucresque minutas  
 Quin digitis carpas , non mea jura vetant .  
 Adde racemiferis lectas de vitibus uvas ,  
 Quidquid & illiciti mensa secunda dabit .  
 Adjice caseolos , concretaque lacte vetusto :  
 Excipe quæ tenero mollia lacte fluunt .  
 Singula quid nostris comprehendere legibus optem ?  
 Plurima quæ doceant , tempus , & usus erunt .  
 Cœlicolæ nova scita probant : peccasse Bimater  
 Te primum constans fama , Lyæ , refert .  
 Quod fluit , audieras cochlearibus esse petendum ,  
 Nec fatis attentâ cætera mente notans ;  
 Dum biberes , modicis cochlearia potibus implens ,  
 Visus ad os tremulâ ferre referre manu .  
 Continuo superi festos agitare cachinnos :  
 Bacchus & in cœlo fabula longa fuit .  
 Nunc mihi si quando tristes discedite curæ :  
 Importune dolor pectoris hospes , abi .  
 Ite sales circum , succinctaque verba , lepores ,  
 Ictaque festivis perstrepat aula sonis .  
 At tibi fortè puer florentibus unicus annis  
 Raptus erit , columen , præsidiumque domus ;  
 Creditor aut vultu tibi forsitan instat amaro ,  
 Torvus & elapsas clamat esse vices ;  
 Aut malâ , quod magis est , clamosaque contigit uxor :  
 Et quis non causas , unde queratur , habet ?  
 Si sapias , abstineas conviva sedere per urbem ,  
 Teque tuæ mœstum protinus abde domi .  
 Sin minùs , introrsum tibi cura , dolorque vorandus ;  
 Signaque erunt luctûs dissimulanda tui ,

Curia consilio, patet area publica ludis;  
 Tempia sonant precibus, vasta theatra jocis.  
 Mensa litat genio: genialibus utere verbis:  
 Lætitiæ locus est; non nisi læta refer.  
 Hinc procul, o tristes, mala cedite nomina, morbi!  
 Hinc procul, o mortis mentio tetra, fuge.  
 Nolo suos casus, si pocula ducat Ulißes,  
 Aut Priamus mecum, narret uterque mihi.  
 Offa verenda Patrum, sine, contegat ima sepulchris  
 Terra, nec extinctos mensa loquatur Avos.  
 Quid leges, numerosa juvat quid condere jura,  
 Si, dum condideris plurima, pauca vident?  
 Legis ab admonitu quin irritata cupido  
 Gliscit, &, ut pecces, sat vetuisse fuit.  
 Hæc ego præcepi: satis hoc, ut protinus alter  
 Spernere, quæ dedimus, jura protervus amet.  
 Tum mala, quæ totâ collegit plurimus urbe,  
 Ad cyathos recitat mucidus ecce senex.  
 Ille, quot Autumnus, quot funera messuit Æstas,  
 Bruma quot è medio sustulit una, refert.  
 Mox & Massiliæ referens lachrymabile fatum,  
 Verbofum oculis promit epistolium.  
 Quàm laxis ramosa lues dein gliscat habenis,  
 Quæque mali fuerint semina prima, docet.  
 Multaque tabifero de tubere disputat, addens,  
 Quàm putre, & quidquid dicere turpe putem,  
 Læva nec intereà cessat manus: horrida pingit  
 Funera, diducto sandapilasque mero.  
 Mox circumvolvens stillantia lumina tabo,  
 Omnia funestis afflat imaginibus.  
 Vidi ego tunc, Geniumque loci, torvæque Lyæum  
 Fronte suas stimulis vix cohibere manus.

Nec fecus effusis Cererem lugere capillis,  
Persephone, raptu quàm foret antè tuo.  
Pessima cede procul nostræ Cornicula mensæ:  
Cede procul, pluvix Gracculus auctor aquæ;  
Quid, si materies irrepserit ista? Silendum:  
Nam tempestivè qui filet, ille monet.  
Juverit hæc aditu nec non præcludere primo;  
Si quid in urbanâ dexteritate vales.  
Nec mihi sublimis, clamosaque quæstio surgat,  
Dum calet appposito mensa jocosa mero.  
Scilicet hic aliud, quàm dogmata sancta Lycæi  
Quærere, vel Samii scita silentis amem.  
Me ne canis Cynici latratus ferre molestos,  
Poneris in patinâ dum mihi, blande lepus?  
Dum flores, Epicure, legens spatiaris in horto,  
Applicitus labris me beet iste calix.  
Nunc valeas, divine Plato: convivia siccum  
Me tua, prandentem dulciùs ista juvant.  
Parcite Cecropii, doctissima turba, Magistri:  
Hic ego non ullo partis amore trahor.  
Materiem hic componit aquis: componat aquosus:  
Igne volunt alii singula stare: velint.  
Et mihi Socraticæ patuerunt scrinia chartæ:  
Delector placitis, Stoica turba, tuis.  
Regula quæ morum, sancti quis limes honesti,  
Quæ bona sunt animi, quæ mala, doctus ego.  
Nil, nisi Turpe, malum: virtute quiescit in unâ;  
Qui sapiens: merces hæc satis ampla sibi est.  
Talibus imbutus sacris pede fata superbo  
Calcat, & humanas despicit ille vices.  
Ille Perilleo quamvis inclusus in ære,  
Diceret, ò flammâ quàm cruciante beor!

Hæc



Hæc benè nota mihi : promam , cum flagitat usus :  
 At simul accubui , dedidicisse juvat ,  
 Quid mihi cum doctis inter tua pocula libris ,  
 Bacche ? loco quisquis desipit , ille sapit .  
 Ah quoties tibi nostra minùs præcepta secuto ,  
 Prælia desipient inter oborta dapes ,  
 Verba volant primò , mox jurgia rauca sequuntur ,  
 Atraque sanguineas ventilat ira faces .  
 Inde simultatum mala semina : quique fovetur  
 Ingenio vinci non patiente furor ,  
 Quid quod sæpe , tibi qui dulcia prandia struxit ,  
 Mentis inops inter verba disertæ stupet .  
 Devovet & doctos secum taciturnus amicos ,  
 Qui sapiunt , plus quàm mensa , calixque probant .  
 Non ego suspiciam vos , vestraque carmina , Vates ?  
 Pars ego sum vestri quantulacunque chori .  
 Parcite sed posito recitare poemata Rhombo ;  
 Verba coronatus respuit ampla calix .  
 Credite , rem sacram vos primi carmina Vates  
 Perditis , & vestro crimine vestra jacent .  
 Mille modis cogendus erat , si gurgite velles  
 Carpathio Vatem paucula verba loqui .  
 Cæsaris arcanas dum mulcet Horatius aures ,  
 Hæc sibi non tenues arte paravit opes .  
 Dum Mæcenati sua rura probaret , & agros  
 Virgilius , multis jugera bobus arat ,  
 Vos fora bacchantes , vos horret mensa canentes ,  
 Nullus & à Musis vicus in Urbe vacat .  
 Quid mirum , pretio prostat Parnassia nullo  
 Si merces , cupidos non habitura viros ?  
 Adde , quòd insulso fucantur melle Camænæ ,  
 Et solidam frugem pagina rara sapit .

Cum sacro leges indiceret ore Poësis ,  
 Et populos traheret sub nova jura feros ;  
 Cum decus affereret virtuti robur Honesto ,  
 Atque minax toto perderet orbe reos ;  
 Credita tum munus populis fuit illa Deorum ,  
 Genſque Poëtarum res ſacra dicta fuit .  
 Palpitat exectis at nunc ingloria nervis ,  
 Legibus ò quantum degener ipſa ſuis !  
 Quo me , Muſa , rapis thyſſo graviore furentem ?  
 Quo ruis ? ò ! gyro curre , Thalia , tuo .  
 Jam menſe redeant : odi ſublimia quanvis ,  
 Non tamen idcirco frivola verba probem .  
 Parce loqui , quid agatve puer , quid ſedula nutrix ,  
 Quidve laris cuſtos fida catella gerat .  
 Siquid in urbe novi , ſi quid fora rauca volutant ,  
 Hæc ſeges eloquio ſufficienda tuo .  
 Aspice , materiem quàm præbeat unus opimam  
 Eugenius , Latii gloria prima Sagi .  
 Tu refer , ut Fidei nutantibus undique rebus  
 Communes Fidei fulſerit unus opes .  
 Utque cruentato Phariis bis cædibus Iſtro  
 Fregerit Agmetis multa timentis opes .  
 Pingẽ manu Themes ſtagnantia clauſtra reſuſi ,  
 Clauſtra ſubalpino non benè clauſa Duci .  
 Pingẽ , ſed appoſito Taurunum grande Salillo ,  
 Cui formidato militat amne Savus .  
 Aspicias , ut noſtram ſlos confluit orbis in urbem ,  
 Romaque ſit cunctis gentibus una domus .  
 Dic age , Vindelici Dominator ut inclytus aula  
 Miſerit huc thalami pignora bina ſui .  
 Tu quoque materies noſtris dulciſſima menſis ,  
 Rex patriæ profugus ſede Britannus , eris .

Qui

Qui vir, & (ò Superi) quantus! fac cetera defint;  
 Staret in hoc uno teste Latina Fides.  
 Depositum tu Roma ingens servare memento,  
 Hoc Thamefis, tacito sed tamen ore, rogat.  
 Nec minus, & segetem lætis sermonibus aptam,  
 Quæ nova prodierint Scripta diserta, dabunt.  
 Dic age, venturis quæ produnt Arcades annis,  
 Carmina, magnificum temporis hujus opus.  
 Si placet exiguos his addere fortè Poetas,  
 Nil moror: his nomen Vatibus adde meum.  
 Prodiit ecce recens, dices, Galateus in Urbem:  
 Prostat Agonali publicus ille foro.  
 Non liber hic tetricæ sapit argumenta Minervæ,  
 Grande nec eloquium magna professus habet.  
 Sed licet exiguo deductus Apolline repat,  
 Non tamen urbano dente Poeta caret:  
 Quoquè minùs solitâ perleverit arte Camœnas,  
 Is causam, sese quâ tueatur, habet.  
 Nempe quòd hæc primò pueris florentibus ævo  
 Scripsit, ut urbana fingeret arte rudes.  
 Pharmaca quid refert vitro libentur, an auro,  
 Si tamen in vitro non minùs illa juvant.  
 Cerne, Sophocleis heroum facta cothurnis  
 Ventoso tumidus Scriptor ut ore canat.  
 Ast humiles Comædus agit per pulpita soccos,  
 Cum mores hominum scena magistra refert.  
 Pro re mollè canit Tubicen, nunc inflat acutùm:  
 Non faciat Vates cognitor artis idem?  
 Nec sibi præterea Sylvis nova ligna videtur  
 Ferre, nec Oceano mittere fontis aquas;  
 Quòd priùs Etrusco digesserit ore libellos  
 Hos Casa, quis nullum doctius extat opus.

Terruit Hesiodi non rustica musa Maronem ,  
 Quo minùs hic caneret , quos canit alter , agros .  
 Ipsa quot egregiis vexata est Troja Poetis ?  
 Et suus ex merito quemque secutus honos .  
 Adde , quod hic noster , misceret ut utile dulci ,  
 Dogmata Pieriis vinxit honesta modis .  
 Pace loquor vestrà , Scriptores parcite , munus ,  
 Ut doceat Populos , grande Poësis habet .  
 Demitur asperitas præceptis insita cantu ,  
 Et suus hac monitis concidit arte rigor .  
 Dulcius hinc animos medicina illabatur ægros ,  
 Quam bona musæo carmina melle tegunt .  
 At tibi , quisquis eris , pro me tam vera locuto  
 Fortunent Superi tempus in omne dapes .  
 Et jam tempus adest , sic moto vertice Bacchus  
 Imperat , ingenuum deproperare Merum .  
 Ferte leves calices , & pocula porgite circum :  
 Vestra quis , ò Pueri , Brachia torpor habet ?  
 Pocula prævertant monitus submissa frequenter :  
 Si peccat , peccet sedulitate manus .  
 Res est dura , Rogo : fatiùs data vina recuset ,  
 Non data quàm renuat poscere vina Pudor .  
 Ore agitare merum , dein hausta refundere vina  
 In terram , nostræ non finit artis honos .  
 Nec tibi , cum cyathum libat manus altera Bacchi ,  
 Altera perpetuo pendula fonte fluat .  
 Hæc sine , quâ laurus monstrat vinosa tabernam ,  
 In lacerâ faciat veste popellus iners .  
 Non ego sum , cyathis certas qui dicere leges ,  
 Atque tuos haustus dinumerare velim .  
 Scilicet huic vitro mens naufraga torpet in uno ,  
 Nil titubat sumptis ille , vel ille decem .

Tu lex esto tibi, tu certaue norma bibendi,  
 Tu, tibi quid valeas ferre, Magister eris.  
 Quis, nisi mentis inops, in mutua bella laceffit,  
 Quo se vincendum viderit hoste prius?  
 Quis, nisi mentis inops, quo se sciat igne cremandum,  
 Admotâ prudens excitet usque manu?  
 Tu quoque si metas prætergrediere bibendo,  
 Et nocitura trahes pocula, stultus eris.  
 Non ego pampineos vellens a stirpe racemos,  
 Legibus adscribam, dure Lycurge, tuis.  
 Quid facis, ah demens? quid sæta tumentibus uvis  
 Ubera naturæ, Sanguinolente, fecas?  
 Scilicet hanc primo depulsis ubere mammam  
 Admouet, & rubro mascula lacte beat.  
 Inde novus per membra vigor turgentia serpit,  
 Et liquidâ gliscunt viscera pasta dape.  
 Inde quies animis curarum mole gravatis,  
 Nubila tetra mero discutiente, redit.  
 Nempe nocent etiam? si cuncta nocentia tolles,  
 Ne nimis ipse velis tollere multa, vide.  
 Tolle, age, divitias; sunt hæ fomenta malorum:  
 Sed quis, opes posthac qui bene donet, erit?  
 Tolle simul gladios: grassator abutitur illis;  
 Militis at justo cingitur ense latus.  
 Nequitiam demis, segetem virtutibus aufers;  
 Fortius hæ crescunt proximitate mali.  
 Quid quod deciperis, bone Legislatur aquarum,  
 Nomen & hoc ipso perdis, inepte, tuum.  
 Lex quæcunque vetat, non destruit illa vetando:  
 Tu facis: an legum conditor esse potes?  
 Illic bona vina mihi; nam si mala vina vetabat,  
 Hoc aliquâ dignus laude Lycurgus erat.

Dos sua cuique loco est ; studiis viget altera belli ,  
 Altera Palladiâ gens magis arte viget ;  
 Dat celeres Epirus equos : Sicyonia tellus  
 Fert oleas , gemmas dives Erythra parit .  
 Thura legunt Arabes , tenuissima vellera Seres ,  
 Gargara dant segetes , India mittit ebur .  
 Bacchus in Etruscis regnat mitissimus oris ,  
 Hic parit ille simul , quidquid ubique parit .  
 (\*) Artimina bibis liquidos imitata pyropos ,  
 Sanguine jamque novo vena tumebit anus .  
 Dolia cui Vallis fecere bibacia nomen ,  
 Pocula Bassaridum gutture digna dabit .  
 Chantia si plenis hauris generosa culullis ,  
 Præcipiti fugient cura , dolorque gradu .  
 Politianus ager quæ dat bona vina , Lyæus  
 Creditur in mensas seposuisse Jovis .  
 Quò magis ipse datis sapientiùs utere donis ,  
 Nec gladio demens conficiare tuo .  
 Usus divitias , usus commendat honores .  
 Non bona res laudem , sed bonus usus habet .  
 Igne procul friges , iustoque propinquior ardes ,  
 Nec prope , nec longè qui sedet , ille calet .  
 Prodigus es vini ? ferves ; frigebis , avarus :  
 Fac modico tepeas , inter utrumque , mero .  
 Vidi ego , ab affuso quæ tacta vigeret olivo ,  
 Pallade mox nimia consenuisse Facem .  
 Quas acuit vires Bacchi moderatior usus ,  
 Obruit ingesti copia larga meri .  
 Non bibit , immani qui pocula proluit haustu ,  
 Mergitur hic potiùs ; qui sitit , ille bibit .

Tur-

(\*) *Laudatissima Æstruriæ Vitis . Vinum , vulgò Artimino . Chianti  
 l'al di botte.*

Turpe virum titubante gradu, blæſoque palato  
 Non intellectis frangere verba ſonis,  
 Quid non noſſe ſuos, quid ſingula cernere bina,  
 Stantiaque appoſitâ teſta tenere manu?  
 I procul, Ebrietas, tranſcende libentiùs Alpes;  
 Non facit ad mores Italia menſa tuos.  
 Illic invenies temulenta cadavera vino,  
 Attonitosque greges, & ſine mente pecus.  
 Sternitur hic, labat ille tremens: vomit arte Lyæum  
 Alter, & ad Bacchi fortior arma redit.  
 Haſ ſi fortè recens adveneris hoſpes in oras,  
 Quid tibi præſtandum, non mora longa, canam:  
 Si potes, oblata certamina reſpue pugnae;  
 Dicque laceſſenti, vincimur ante tubam.  
 Si minùs hæc valeant, ſtomachum cauſatus inertem,  
 Hauſtu libabis pocula ſumma levi.  
 Cernis ut in vino Venus innatet, ipſaque falcem  
 Exacuat ſumpto trux Libitina mero?  
 Fac tibi ſuccurrat Pellæi menſa Tyranni  
 Ebria, & humano Sanguine ſæpè madens.  
 Fac tibi ſuccurrant tractata Bimembribus arma,  
 Cum crater, belli teſſera, vaſtus erat.  
 Hinc comes urbanis pudibunda Modestia menſis  
 Aſſideat, cœnæ norma ſit illa tuæ.  
 Diluat hæc cyathos, & pocula parca miniſtret.  
 Proque modo ſtomachi ſuggerat uſque dapes.  
 Si quid ſcindendum, nil parte ſecabis iniquâ,  
 Quò potior patinas impleat eſca tuas.  
 Officiis pugna: ſua ſunt certamina menſis,  
 Miſſa per alternas mutua dona vices.  
 Parce tamen fociis quod prælibaveris ore,  
 Et dare dimidiâs, fruſta inhonora, dapes.

Sæpe mihi stomachum res hæc fœdissima movit ;  
Et fastiditos reddidit una cibus .

Excipe , si quis erit , qui munere major , & ævo ,  
Fors velit e patinâ te quid habere suâ .

Protinûs assurgens , & flexo vertice , dices :  
Immerito tantus quî mihi venit honos ?

Non hæc fatidicæ cecinerunt dogmata quercus :  
Nulla mihi Aescræis numina visa jugis .

Ufus opus movet hoc : dominatur in omnibus Ufus :  
Hoc duce vix unquam decipiendus eris .

Sæpe puer , memini , senioris ab ore Magistri  
Pendebam : dubiæ dux erat ille viæ .

Hic positi nunquam gustasset pocula Bacchi ,  
Quàm biberet , meritis qui foret ante , prior .

Sic ego nec positi gustabam pocula Bacchi ,  
Quàm biberet præstans conditione prius .

Confectâ non ille prius confurgere mensâ ,  
Quàm cuperet signo cetera turba dato .

Sic ego non ausus mensâ confurgere primus ,  
Cetera quàm mensæ surgeret orbe cohors .

Et tibi profuerit , si quid titubaveris anceps ,  
Alterius normâ clam præeunte regi .

Quod facit hic , facias : gestum hic moderatur edendi ;  
Quosque colit ritus , dum bibit ille , colas .

Turpia sunt quædam , nulloque docente cavenda :  
Videris hæc ; refugo protinus ore notes .

Ut cum densa putri quis reumata promit ab ore ,  
Tussit , & horridulo perfricat ungue caput .

Aut Suis in morem mensæ projectus anhelat ,  
Sive bibens clocitat , sive coaxat edens .

Sed satis : obtutu tibi summa patebit in uno :  
Aspice ; quid caveas , parva tabella docet .

For-



Fortè fuit Juvenis qui sanguine clarus avorum ,  
Decolor , & proavis inficiandus erat .  
Oderat ingenuas divinæ Palladis artes ,  
Oderat Aonias , Numina sancta , Deas .  
Non spumantis equi comescere colla lupatis ,  
Non agitare leves per juga summa canes ;  
Plaudere non choreas solitus , non eminus hastam  
Mittere , nec ficti Martis amore capi .  
Nil , nisi venter , erat , perdendis frugibus aptus ;  
Vix numerus , moles carnea , pondus iners .  
Lætior at nunquam , quàm cum sine lege sedenti  
Distraherent dubiam fercula densa famem .  
Illicet in mensâ cubito resupinus inhæret ,  
Olfactuque cibos proximior probat .  
Scindere nil solitus , manibus rem strenuus urget :  
Barbara vox illi , Fuscina , Culter erat .  
Mandit utrisque genis , luctantia fercula dente  
Scindit ; & in mentum sordida jura fluunt .  
Quàm sibi non dispar ? cùm pocula vasta Lyæi  
Haurit , & , ut sacris , dextera parcat aquis .  
Ecce paludatus patinæ committitur amplæ  
Adriacæ rhombus maximus hospes aquæ .  
Illicet exsurgit prædæ mirator opimæ ,  
Miles & egregius gaudet in hoste pari .  
Linea mappa fuit , quâ frontem tergeret udam ;  
Quâ lineret nares , linea mappa fuit .  
Grandibus hinc maculis mantilia sæda videres ,  
Purpurat effuso sordida mensa mero .  
Victa fames epulis , sed non gula victa resedit ;  
Pluraque cùm nequeat , plura vorare cupit .  
Pectore tum mœrens suspiria fundit ab imo ,  
Et tales crudo ructat ab ore sonos .

Tu

Tu ne parens generis , Natura , vocabere nostra ?  
 Digna quidem dici fœda noverca magis.  
 Nos paris ad miseros genitrix invisa labores ;  
 Hoccine materni pignus amoris habes ?  
 Qualis ubi , laceram vento jactante carinam ,  
 Expuitur tumidis navita nudus aquis ;  
 Non secus ad vitam nudi , flentesque vocamur ,  
 Quos labor hinc ulnis excipit , inde dolor .  
 Quid loquor , ut primos Pallas sibi vendicet annos ?  
 Heu natum ludis barbara tempus habet !  
 Pallade defunctos ubi firmior occupat ætas ,  
 Per varios vitæ cogimur ire gradus .  
 Hic orat causas , clamorque jurgia miscet ,  
 Tractat & infani garrulus arma fori .  
 Ille togâ fretus popularibus incubat auris ;  
 Hic sequitur pugnas horridus ære truces .  
 Alter gemmiferos properat mercator ad Indos ,  
 Stultus & in mediis funera quærit aquis .  
 Nescio quâ raptos miseræ dulcedine famæ ,  
 De mediâ quosdam nocte lucerna videt .  
 Mille per ærumnas , rerum discrimina mille ,  
 Quæ merces tandem quæritur ? una ; cibus .  
 Quàm brutis natura feris se prodiga contrâ  
 Effudit largo , mater opima , sinu .  
 His vitreos fontes , his prata virentia cessit :  
 Quâ patet , his tellus publica mensa jacet .  
 Quod magis invidæ , non tempora longa morantur ,  
 Aptâ sed ad pastum quælibet hora venit .  
 At nos , qui vano brutis præstamus honore ,  
 Bis tantum certo tempore mensa manet .  
 Hic quoque quàm multis convivia legibus horrent ;  
 Tractandus quantâ relligione calix .

Sic

Sic bibe, sic digitos moderaberis inter edendum ;  
 Sic accumbendum est, sic agitanda manus .  
 Felices tauri, quibus omni lege solutis,  
 Ut libet, in stabulis accubuisse licet .  
 Quid gula, quod puncto vix circumscribitur uno ?  
 Quodque sapit, fluxu prætereunte sapit .  
 O ego, si fierem totus gula, totus & essem  
 Venter, quàm saperet dulcius esca mihi !  
 Quid mihi vobiscum, vanissima Numina, Musæ,  
 Quid mihi vobiscum, Bellerophontis aquæ ?  
 Æternùm jubeo valeas mihi, tetrica Pallas :  
 Tu tibi, Phæbe, tuæ præmia frondis habe .  
 Audiit hæc dudum Parnassi rector Apollo,  
 Quodque cupis, posthac improbe fiet, ait .  
 Nec mora : lunato sinuosis cornibus arcu,  
 Mittitur in pueri lecta sagitta caput .  
 Protinus in collum cervix tenuatur acutum,  
 Quodque fuit pectus, fit via longa gulæ .  
 Jam scapulas subeunt alæ, jam pluma capillos,  
 Inque Gruis formam nubila summa fecat .  
 Quin & litterulas, odii monimenta prioris,  
 Nunc quoque deformi sub pede signat avis .  
 Grande gulæ specimen pueris, pariterque puellis ;  
 Dum mea, sæde Puer, Musa legetur, eris .  
 Dum tener est, primisque riget paliurus in herbis,  
 Providus ex imâ vellit arator humo .  
 Dum tener est, nec adhuc serpit per proxima Cancer,  
 Arte Machaoniâ qui valet, ense secat .  
 Vos quoque nascentes a stirpe recidite pestes,  
 O, quibus est prolis provida cura suæ .  
 Sera venit, quæcunque venit puerilibus annis  
 Cura : vel in cunis incipe, Serus eris .

Si malè lallavit nutricis ab ubere pendens ,  
 Si lac turgidulo traxerit ore procax ;  
 Si torvum spectet , si lanca vincla recuset ,  
 Non impunè , licet sit leve crimen , eat .  
 Hæreat hinc puero morum , vitæque Magister ,  
 Protinus urbanum quo duce signet iter .  
 Si quid in accubitu , si quid sub pocula peccat ,  
 Vapulet erroris conscia dextra sui  
 Forsitan hunc spectans lacrymantem frigida mater ,  
 De senis excutiet flagra severa manu .  
 Et simul ò maneant , censor bone , verbera natos  
 Ista tuos ; nostri parvula culpa quid est ?  
 Parvula gutta quid est ? aliis tamen addita guttis  
 Perdidit innumeras gutta vel una rates .  
 Quid sumptus levis est ? levibus sed sumptibus *hausta*  
 Sæpe vel ingentes interiistis opes .  
 Amphitheatralis pendentia rudera molis  
 Cernis , & antiquo saxa peresa situ ?  
 Fallitur , hæc taciti qui diruta moribus ævi ,  
 Hæstaque præcipiti turbine fortè putat .  
 Exiguum parvæ volucris de gutture semen  
 Excidit , hoc terræ gleba pusilla fovet .  
 Additur huic tenuis pulvisculus : educat imber  
 Hunc levis : occulto caudice findit humum ,  
 Jam nemus est semen : parvo de semine tandem  
 Magnum Romanæ concidit artis opus .  
 Hæc infulsa tuo reputes fac pectore , Mater ;  
 Hinc nati , dices , parvula culpa mei est .  
 Nunc mihi quid cœnæ Dominus , Conviva , **Ministri**  
 Expediant ; summâ parte docendus ades .  
 Quisquis es , ad cœnam mihi qui condixeris ; iram ,  
 Vel si causa subest justa , cavere velis .

Vidi

Vidi ego compressis dominum turgescere labris ,  
 Cum caderet pueri fracta patella manu .  
 Quodd si fortè calix casu periisset eodem ,  
 Illum alapa impressis turpiter ire genis .  
 Hæc ubi contigerint , coacescit mensa palato ;  
 Sit licet illa tuis dulcior , Hybla , favis .  
 Acria mandentem spectabam nuper , & ecce  
 In mea jam tristis venerat ora sapor .  
 Dulcia mandentem , confectaue melle videbam ,  
 Protinus inque meo gutture dulcor erat .  
 Sic bona mens , aliena putans sua gaudia , secum  
 Gaudet , & alterius tacta dolore dolet .  
 Adde , quod & Domini tibi crimen inuris avari ,  
 Cum tulerit fractus prælia tanta calix .  
 Quid quod & aptus erit minùs ad sua munia servus ,  
 Quem Domini toties attonuere minæ .  
 Lux oculos quæ rara iuvat , densissima turbat :  
 Qui nimium stimulis pungitur , hæret equus ,  
 Dixerit hic aliquis ; famulos dimittere præstat ,  
 Si minùs hos Dominis increpuisse licet .  
 Nempe tuis liceat cum nullus in ædibus hospes ;  
 Dedecet hoc , coram cum tamen hospes adest .  
 Huic primas concede libens , huic subijce fasces ,  
 Huic breve jus cedas , arbitriumque domûs .  
 Divitis in cœnâ cum fortè vocatus adesssem ,  
 Pœnituit , quamvis cœna beata foret .  
 Quid fuit in causâ ? dicam ; lautissima vultus ,  
 Qui mihi condiret fercula , nullus erat .  
 Massica sepositis promuntur vina lagenis :  
 Vinâ nihil , vultu quodd caruere , placent .  
 Digna tuis Luculle aderant convivia mensis :  
 Nullus in his , vultu deficiente , sapor .

Quàm

Quàm subamara meo , nec erant , sunt visa palato  
Fercula ? quàm , nec erat , perlita felle Ceres ?  
Ecce sub hæc Pauper cœnam condixit : adimus :  
Structa erat , heu , quantum tristibus illa cibis ?  
Cetera pauper erat , dives tamen ore ; beavit .  
Nectar & huic mallet posthabuisse Jovis .  
Vappa fuit vinum , sed quanvis vappa , placebat :  
Fallor , an & vultus , qui biberetur , erat ,  
Juscula quàm sapiunt ? sapiunt nec juscula quidquam :  
Quàm pinguis ? nec erat , sed mihi visa penus ,  
Re lapidosa fuit , re fursure lurida nigro ;  
Commoda sed vultu facta latente , Ceres .  
O' , quibus est epulas aliis ornare cupido ,  
Hos memori monitus figite mente meos .  
Quis furor in cœnis patrios effundere census ?  
Sit modus , o ; frugi pars bona ventre sumus .  
Quod caput est , comem patinis apponite vultum :  
Credite : pars cœnæ maxima , vultus erit ,  
Non tamen officiis amor est captandus ineptis ;  
Displicet interdum velle placere nimis ,  
Melle laboratas hic fastidiverit offas ;  
Abstinet apposito sobrius ille garo ;  
Pinguibus ille sibi pulmentis temperat ; alter  
Innocuum capiti non fore jurat aprum ;  
Cogendus tibi nullus erit : vèl munera sordent ,  
Cum quis in invitas conferat illa manus .  
Quem non occidunt ? Bibe rursus : confice ; nondum  
Est satis : ah nimîa pocula perdis aquâ .  
Hæc licet excuset , purgetque domesticus usus ,  
Non tamen urbanâ labe carere putes .  
Nempe minûs liber posthac conviva recumbam ;  
Et tacito dicam murmure ; Censor adest .

Sæpe mero fallam labris primoribus hausto ,  
Furtivâ invergens vina relicta manu .  
Sæpe cibos fingam me mandere , mansa catellæ  
Te clam , sub mensâ quæ latet , exta dabo .  
Plaudite , Convivæ , vultuque rependite vultum ,  
Et date lætitiæ candida signa , Boni .  
Ista dapes merces interfecet , ista sequatur :  
Hoc Domino pretium persoluisse decet .  
Huic de mōre cohors per dulcia pocula vitam  
Ultra Nestoreos libet amica dies .  
Huic si frater erit longinquis hospes in oris ,  
Hunc etiam jubeat sæpe valere calix .  
Inde bonæ valeantque Nurus , valeantque sorores ,  
Totaque gens hausto deveneranda mero .  
Forsthan huic parvusque nepos hærebit ; & illum  
Excipe complexu , blanditiisque fove .  
Ingeniumque simul metitus abindole , dices ;  
Agricolæ quantam spem facit ista seges !  
Ultima pars superest , mensæ quæ cura , Ministri ,  
Vestra sit ; hîc factō fine quiescet opus .  
Quis dubitet , primi florentem viribus ævi  
Quin mihi , qui cyathos præbeat , esse velim ?  
Nempe senex tremulâ mihi pocula fronte ministret ?  
Nempe dapes tremulâ porrigat ille manu ?  
Inter opus subitâque pedes remorante podagrâ  
Ejulet ? & manibus discus , & esca fluant ?  
Non tamen idcirco cirratulus adstet ephebus ,  
Fœmineo solitus pingere more genas .  
Ipse nec in cœlo magni pincerna Tonantis ,  
Iliacus caruit suspiciōe Puër .  
Quæ media est ætas inter juvenemque , senemque ,  
Hæc placet : hanc prudens elige ; tutus eris .

At cave deformes, nimiaque gravedine tardos ;  
 Luminibus læsos, doripedesque fuge ;  
 Sedulus in primis tibi sit, promptusque legendus ;  
 Plurimus a celeri sedulitate favor ;  
 Pareat ad nutum genii captator herilis ;  
 Jussaque de Domini prælegat ore sagax ;  
 Quid strepitu cultri, quid tinnituque salilli ;  
 Calleat, & tussi quid velit ille levi ;  
 Sit mare compositum, sit leniter unda tumescens ;  
 Cui mea se tutò credere cymba velit ;  
 Ipsa salutares sensim bibit altiùs imbres ;  
 Arida cum modicis terra fovetur aquis ;  
 Prandia cur subito modò concitâ turbine fervent ;  
 Nunc eadem vento deficiente cadunt ;  
 Lancibus en subito, patinisque tumescit obesis ;  
 Protinus en vacuo detumet orbe torus ;  
 Sedulus hæc norit, prudensque cavere minister ;  
 Peccantem propriâ nam quis in arte ferat ;  
 Ne quid turpis hiet, ne mensa dehiscat inanis ;  
 Ex intervallo suggerat ille dapes ;  
 Nec patinam, conviva loco quàm velle moveri ;  
 Innuat, hanc mensâ detrahat antè Puer ;  
 Non ego signa dedi, nostrâ quod ab arte vetabar ;  
 Sed tamen urebat bilis amara jecur ;  
 Scilicet urebat, cùm clandestinus amicum ;  
 Pæne meo patinam sustulit ore Puer ;  
 Sustulit, & latitans absorbuit : inde peruncta ;  
 Ore, tulit furti fordida signa sui ;  
 Stulte, quid aggeminas crimen, Puer ? ablue fordes ;  
 Hic scelus illuvies, quàm gula, majus habet ;  
 Nam quid erit posthac, horum si fraude laboret ;  
 Quorum servari debet ab arte nitor ;



Et quid tecta juvant operoso splendida cultu;  
 Pictaque barbaricâ texta superba manu;  
 Si lacer, & turpis famulatus in ædibus adstat,  
 Sitque cohors Domino pæne pudenda suo?  
 Illo præcipuè sed tempore, sacra Lyæi  
 Publica cum fervent; omnia munda decent.  
 Fuscinulæ niteant, referant cochlearia vultum:  
 Sit sine labe toral, sit sine forde calix.  
 Tunc quoque recta cohors mensam circumstet herilem,  
 Et bene pexa comas, & bene lota manus.  
 Non quodcunque licet, pariter decet; at licet omne  
 Quod decet: exemplis res liquet ista suis.  
 Quis Phalaris tussim, vetuit quis sputa Procastes?  
 Ut minùs hæc deceant, mensa superba facit.  
 Quid mihi, stulte Puer, stomachum facientia præbes  
 Pocula, dum tussis succutit ægra latus?  
 Quidve dapes spurco mihi rheumate turgidus afflas?  
 Quidve scabis fœdo turpiter ungue caput?  
 Quàm malè cancellata sedent tibi brachia tergo!  
 Dextera suspectâ quàm malè parte latet!  
 Quàm, si fortè cinis sedeat, malè discutis escas  
 Flamine! post ventum sæpè sequuntur aquæ.  
 Alter at ecce sales, & quidquid mensa latrarit,  
 Et quidquid cyathi desipere, refert.  
 Ergo, quod appposito ludit conviva Lyæo,  
 Candidus ingenui simplicitate meri;  
 Evolet, & totâ tuba publica personet urbe,  
 Pugnet & in Dominos mensa jocosa suos?  
 Hæc mala fac ullo gliscat sine vindice pestis,  
 Quantus erit Domino conscia mensa timor!  
 Finis adest mensæ: cubito conviva soluto  
 Oscitat, & dentes cuspis eburna linit.

Me quoquē jam fessis subeuntem littora velis  
 Par est quassatæ membra levare ratis.  
 Talia dicebam ; foribus cum spontē reclusis  
 Fulsit ab insolito parva nitore domus .  
 \* Ecce vir aspectu sese venerabilis offert ,  
 Visus & est quiddam majus habere viro .  
 Nota mihi facies ; nec erat bene nota ; sed illi  
 Obtulerat similem multa tabella virum .  
 Dum tamen ancipiti dubitabam mente , quis esset ?  
 Ipse color vestis prodidit esse Casam .  
 Præsulis in morem violâ pallebat amictus ,  
 Et toga carbascos conspicienda sinu .  
 Non secus , ac viso fingit puer ora magistro ,  
 Utque suum miles flectitur ante ducem .  
 Sic me collegi , pudibundaque lumina fingens ;  
 Urbanæ , dixi , Legifer artis adest .  
 Flaxerat ad talos mihi zona volubilis imos ,  
 Adducta est celeri zona voluta manu .  
 Pulvis , Avana , tuus tunicæ turpaverat oras ,  
 Excussus digito pulvis , Avana , tuus .  
 Sensit ubi nimîa me religionē teneri ,  
 Verba per hæc nostros fastulit ille metus .  
 Ars mea , tu nosti , quàm parcat amica Poetis ,  
 Quosque suis curis docta Minerva terit .  
 Nempe diu volucris fessos indagine veri  
 Sollicitâ mendas pendere mente leves ?  
 Quid refert , dum compta minùs tibi cingula peccant ;  
 Si , minùs ut peccet publica vita , facis ?

Quid

\* Sæpe a me in his libellis , &c. nunquam satis laudatus Jeanes Casa , qui  
 Dialogum de moribus , cui Galateus nomen est , Etruscâ linguâ per eissè  
 me scripsit , quemque Etruscæ Senis sub nomine invenies hic aliquand. ap-  
 pellatum .

Quid mihi pulvillus tenuis, si carmine fragi

Tergis inurbano pectora crassa situ?

Gratulor ipse tuis, Vates dilecte, Camœnis,

Nostra quod egregius miles in arma venis,

O quotiès sufo mihi victor ab hoste redibis,

Cum Juvenum incipies publicus ore legi,

Multa quidem noster docuit Galateus; at unus

Omnia non potuit ferre, brevisque liber.

Namque ubi densa viret, semperque uberrima surgit,

Non nisi multiplici falce premenda seges.

Vel nunc; ecce tibi nova gens erupit in auras;

Pessima gens, nostri prorsus honoris inops,

Hæc, ut avos quondam nondum sat nota latebat;

Tempus ad hoc certâ sic quoque voce caret

\* Curseat huc illuc gens desidiosa per Urbem;

Hoc & agit tantum sedula, ne quid agat,

Nomen & officii ventri prætendit honestum;

Re tamen has muscas non nisi mella vocant.

Hæc quoque nocte tuis jentacula dulcia mensis,

Et brevis hæc summum fimbria lambat opus,

Tunc ego ab insolitæ perculsus imagine lucis,

Hæc retuli contrâ, lumina fixus humi,

Quantus honos, humilesque lares, & adire Penates

Exiguos, tantum non puduisse virum?

Non tu vivendi pariter, pariterque loquendi

Doctor, Apollinæ summus & artis apex?

Fama quidem tenuis, rumorque incertus ad aures

Venerat, hoc hominum vivere in Urbe genus.

L 3

Qui

\* Exotici quidam Aulici, vulgò Galoppini, forsasse ita dicti à cursitando, & esset specie magnorum Principum aulas celebrando, præsertim ubi Xenia, ac reposita vel ante, vel post meridiana magnus aliquis Propter excipitur.

Quî tamen ingenio , vitâque remotus ab aulâ ,

Hæc valeam numeris inferuisse meis ?

Fac aulas celebrem ; villosæ gauſape tectum

Me falibus carpet Turba Togata ſuis .

Adde quod & famuli , qui Principis atria ſervant :

Serica non veſtis , Vir bone , vade procul .

Scilicet hæc terrent ? vaſros eludere ſervos ,

Ne dubita , noſtri cura laboris erit .

Annulus hic ambos cupidis obtutibus aulæ

Tollet , & haud viſis cuncta videnda dabit .

Exitus in promptu eſt ; gemmâ protectus amicâ ,

Per fora non ulli cognitus ampla feror .

Nec mora : Patriciis ſuccedimus ædibus ambo ;

Structa ubi quæ Regem pompa deceret , erat .

Diſtrahor hinc illic per tot miracula luxus ;

Et , dum contemplor ſingula , plura trahunt .

Hic rapit attonitum tabularum picta ſupellex ,

Grajugas poſſent quæ decuiſſe manus .

Hinc revocant Pario ſpirantes marmore formæ ,

Grajugæ poſſent quas meruiſſe manus .

Alliciunt priſco fabrefacta toreumata cælo :

Alliciunt altis pendula vela tholis .

Qualiter æquato pugnantibus impete ventis ,

In mediis hæret fixa phaſelus aquis ;

Sic ſpectata pari dum me rapit arte ſupellex ,

Conſtitit attonito dulcis in ore ſtupor .

Jamque novum fallente gradu conclave ſubibam ,

Pone ſequens Comitibus multa docentis iter .

Hic mihi menſarum ſeſe longiſſimus ordo

Obtulit , & dominæ pegmata ſtructa gulæ .

Quam variis illuſa modis chryſendeta vidi !

Murrhina Dædaleâ quàm bene ducta manu !

Vis

Vis Ligurum confecta focis, & melle Sicano  
 Rorantes offas? copia magna subest.  
 Crustula Parthenope vel quæ generosa laborat,  
 Quæque Sabauda manus? copia dives adest.  
 Quid dulci concreta gelu carchesia dicam,  
 Frigoraque in liquidas crescere iussa dapes?  
 Hæc violæ referunt primum vernantis odorem,  
 Hæc, quod fraga jugis lecta recenter, olent.  
 His expressa tuum largiris, Amygdala, nomen:  
 Nomen & his vestrum, Persica mala, datis  
 Sunt quæ lacte novo, spumisque tumentibus alben-  
 Cinnama sunt, Cerasi, Mexiacusque latex.  
 Fervet opus: tumidis æratas ventribus ollas  
 Succutit hac illac irrequieta manus.  
 Hic digitum intendente Casâ, fœdissima primum  
 Est mihi per certas cognita turba notas.  
 Ecce: viden? cui manca pedes pertingit ad imos  
 Vix toga; Lurconum Dux præit ille gregem.  
 Ille, Viden? macie confectus, & ore canino  
 Esuriem spirans; pila secunda regit.  
 Hi, quos incessus reliquis discernit agrestis,  
 Ultima militiæ signa gregalis habent.  
 Interea strepituque pedum, strepituque rotarum  
 Principis adventum conscia nola docet.  
 Jamque bipartito volat agmine lecta juvenus.  
 In manibus pateræ, densaque liba sonant.  
 Aulica gens modicis sua perlinat haustibus ora,  
 Dumque bibit, comptos spargit ab ore sales.  
 Lac aliquis prædulce bibens; hoc suspicor olim  
 Lac dabat infanti Cressa capella Jovi.  
 Hic summis libans mellita Cydonia labris;  
 Fallor? an hoc pomo trux Atalanta stetit?

Al-

Alter ; an hic bibitur fitis , & fitis ipsa lititur ?  
 Tantale an hanc velles forte fitire sitim ?  
 Nil tibi cum salibus , Lurconum turba , jocosus  
 In manibus cyathi ; remque potenter agis  
 Quàm fædi rictus , vastæque sub ore lacuna  
 Indefecturæ quanta vorago gulæ !  
 Plus tamen argentum gens hæc , plus esurit aurum  
 Quàm gelidæ succos , quàm tua liba , Ligur  
 Vascula fortè videt cælata decenter , adhinnit  
 Hamus inest oculis , unguibus hamus inest  
 Hic suspecta diu cochlearibus oscula figens  
 Quo valet , argenti frustula dente secat  
 Ille scyphum , pateramque tenens ; si fortè sigillum  
 Abstrahat , infixo fortiter ungue premit  
 Jam furtim mappæque volant , nitidique tridentes  
 Vascula jam miris cedere visa modis  
 Pervigil ut custos sibi rem decedere sensit  
 Plus quàm Stentoreo protinus ore tonat  
 Furibus aula patet ; famuli prohibete : quid inter  
 Ingenuas faci nidificantur apes ?  
 Servorum truculenta manus distringere fustes  
 Attonitosque minis , verberibusque sequi  
 Præcipites fugiunt , aulâ ridente , catervæ  
 Furtaque callidiùs quàm sua terga tegunt  
 Dum fugerent , loculi , collisæque vasa sonabant  
 Voxque latrocinii tinnula testis erat  
 Dum fugerent , loculis imprudens excidit uni  
 Scheda , per has , memini , deproperata notas  
 Frons erat hæc : Cupidis alienâ vivere quadrâ  
 Carmine præcipitur , quæ peragenda , brevi  
 Aulica quotquot erunt primùm solemnia Romæ  
 Disce , quibusque frequens pompa futura locis  
 Sunt ,

Sunt, quæ lauta parùm, modicisque paratibus argenti  
 Altera regifico structa nitore decent :  
 Utraque semper adi : referes in dispare lucro  
 Hoc tamen , ut nunquam cesset ab arte manus :  
 Cum venies , fac comptus eas , cultusque decenter  
 In speciem ; curat , quod latet , Aula nihil .  
 Aspera nil refert intus te cannabis urat ,  
 Si toga , cæsaries , pallia pexa foris :  
 Ære tamen minimo , vel , quæ laus maxima , nullo  
 Fac tibi stent ; artis summa sit ista tuæ .  
 Indue vel raptos vili de funere crines :  
 Arte tamen mendas dissimulante tegas .  
 Pendula venali prostant quæ pallia filo ;  
 Sume , nec antiquo despice more togam .  
 Commodet ut vestes , lucri captandus Apella  
 Parte tui , aut etiam decipiendus erit .  
 Dixeris empturum , si luce probaveris unâ ;  
 Defunctamque suo munere redde togam .  
 Si callosa tibi , gentemque accuset agrestem ,  
 Pelle sub imposita callidus abde manum .  
 Pallia composito sinuosa volumine circum  
 Qua toga deterior fac tibi parte premant .  
 Si pes in lacerâ fluitet malè nixus alutâ ,  
 A podagrâ dices intumuisse pedes .  
 Hactenus artis habes documenta levissima nostræ ;  
 Intima nunc artis , quæ docere , dabo .  
 Crustula qui dominâ tantùm venatur in aulâ ,  
 Is puer est ; nostrâ nil & in arte sapit .  
 Nos capit argentum , solidoque movemur ab auro ;  
 Pocula nos , pateræ , fuscinulæque trahunt .  
 Cum venies , mediæ te protinus inferre turbæ :  
 Consilium , quid agas , turba locusque dabunt .

An-

Angulus extremæ vel te subnubilus aulæ  
 Fac capiat ; nostris lux minus apta dolis .  
 Stannea vasa feres , vel cuprea pocula tecum ,  
 Cælatas variis fuscinulasque notis .  
 Dixeris , hæc quorsum ? loquitur res ipsa ; reponens  
 Vilia , clam oculis aurea conde tuis .  
 Multa superfuerant ; lacerans in frusta papyrum ,  
 Indignabundo cum fremit ore Casa .  
 Non opus hîc elegia , Vates , imbellibus : illos  
 Tela Lycambeo perlita felle manent ,  
 Plurima discedens , & qualia ? credidit Heros  
 Auribus , at certo tempore digna premi .  
 Avolat hæc inter Præsul mihi : non sine risu  
 Me recipit parvo cella beata sinu .  
 Plaudite : votivâ puppim redimite coronâ ,  
 Quæ maris immensum salva peregit iter .  
 Vos Pueri vestro , Juvenesque assurgite Vati ,  
 Turbaque militiæ signa secuta meæ .  
 Quod si fortè meas donabitis Urbe Camænas,  
 Præmia sat noster tum feret ampla liber .  
 Nunc age : Pimplæâ devinctus fronde capillos ,  
 Hæc ego juratus spondeo , Phœbe , tibi .  
 Donec ero ( cineres laus hæc pertingat ad ipsos )  
 Urbani Cultûs semper amator ero .  
 Donec ero ( belli tuba concinat ænea signum )  
 Semper Inurbani Nominis hostis ero .  
 Grande Sacramentum dictum est ; subscribe : cessant  
 Hei mihi , quàm pauci gens bene culta sumus !

F I N I S .



# THE VITA VERBA

A Series of  
Facsimiles  
of Manuscripts

Collected by  
DIXON

With  
Notes

by  
J. H. M.

London  
1881

Printed by  
J. H. M.

At the  
University Press

Cambridge

1881

Price  
1s. 6d.

Per  
Volume

10s.

By  
Post


11s.

Per  
Volume

12s.

By  
Post

13s.



005642574

